

COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS XII. PARS III.

LIPSIAE MDCCLXV.

APVD IOH. FRIDERICVM GLEDITSCH.

Venduntur etiam

Amstelodami apud I. Schreuder, Parisiis apud Briasson, Patavii apud I. Manfré;
Holmiae apud L. Saluim.



I.

Histoire Naturelle générale et particulière avec
la Description du Cabinet du Roi. Tome
Dixième. A Paris, de l'imprimerie Royale.
1763. 4. Alph. 2, tabul. aen. 57.

h. e.

Historia naturae vniuersalis et particularis vna
cum descriptione musei regii. Tomus X. etc.



Continuantur a Cl. Viris BUFON et DAU-
BENTON descriptiones animalium
quadrupedum, quorum primum hic
Ondatra seu *Mus moschiferus canadensis* p. 1
vocatur. Hoc animal non confundendum est
cum eo, quod *Desman*, et cum alio, quod *Pilori*
nuncupatur, licet omnibus muris moschiferi nomen
imponatur. Primum enim in Canada, alterum in
Lapponia et Moscouia et tertium in insula Martini-
ca et aliis insulis Antillis reperitur. *Mus moschi-*
ferus canadensis a lapponensi differt, quod digitis
pedum a se inuicem separatis, oculis valde conspi-
cuis et rostro admodum breui instructus sit, cum

B b 2

contra

contra Laponensis mus oculos exiguos et vix conspicuos digitosque pedum posteriorum membranis connexos rostrumque longum habeat. Vtrumque vero animal a *Pilori* cauda differt, quippe quae in hoc valde brevis et cylindrica, in illis autem longa est. Mus moschiferus canadensis magnitudine cuniculum. forma rattum, aequat. Caput eius breue capitique ratti aquatici simile est. Pili splendentes et molles sunt, cauda longa parvisque squamis obsita, versusque medium ad finem usque valde plana, in ortu autem paulo rotundior est. Aures valde breues sunt, nec nudaе, sed interne et externe pilis obsitae. In maxilla inferiori duo dentes incisivi, pollicem longi; duoque alii in superiori maxilla breuiore reperuntur. In primis autem in hocce animali notatu digna sunt 1) vis expandens musculi cutanei, cuius ope animal corpus suum in multo minus volumen constringit; 2) mollities costarum spuriarum, qua mediante corpus ita contrahitur, ut mus iste foramina intret, quae animalia multo minora subire nequeunt; 3) modus, quo urina in foeminis euacuatur; urethra enim minime sub clitoride, ut in aliis quadrupedibus, sed in eminentia hirsuta, in osse pubis sita, reperitur; 4) testiculi, qui, utrinque ad anum siti, tempore oestri venerei admodum magni fiunt, ad magnitudinem nucis moschatae accedentes, quine post illud tempus insigniter minuuntur, ita, ut diameter eorundem vix lineam aequet; 5) folliculi, qui moschum seu materiem odoram, consistentiae lactei humoris, continent, quine tempore oestri valde magni et tumidi sunt, materie valde odorata, admodum exaltata seque late diffundente, repleti, tandem penitus evanescent. Multa hoc animal cum castore communia habet, primoque intuitu mus moschiferus adultus pro castore unius mensis haberi poterit; differunt

ferunt tamen forma caudae, quae in castore oualis et horizontaliter plana in dicto autem mure valde elongata et verticaliter plana est. Caeterum ratione temperamenti et instinctus conueniunt. Mures enim moschiferi, vt castores, tempus hybernum socialiter transigunt, casulasque diametro duorum pedum cum dimidio exstruunt, ita paratas, vt nulla aqua eas penetrare possit. Qui manibus venatorum euadunt, aedificium relinquunt, et per aestatem non nisi bini hinc inde errant, quo tempore folliculi rursus intumescunt, tuncque animalia ista tam graui moschi odore perfunduntur, vt e longinquo percipiantur; quare etiam factum est, vt incolae, quibus iste odor valde molestus est, flumen quoddam, cuius ripas insignis copia eorundem inhabitat, foetens nuncuparent. Plantis viuunt dicti mures; semel tantum in anno pariunt et quinque vel sex pullos edunt. Vox eorum gemitus est. Animalculum hoc natat quidem, neque tamen tam celeriter, vt castor, neque etiam per longum tempus. Caeterum parum ferum est et nondum adultum facile cicuratur. Quod ad alterum murem, *Desman* dictum, attinet, nulla eius exhibetur descriptio, siquidem iste, qui in museo regio asseruatur, exsiccatum tantum ex Lappponia allatus fuit.

Mus moschiferus canadensis respectu magnitudinis medium inter criaeum maiorem, *Surmulot*, et murem alpinum tenet, et respectu formae exterioris et structurae partium internarum murem aquaticum valde aequat, inprimis in eo, quod rostrum breue et crassum, aures breues et pilis undique obfitas habet. Cauda eiusdem fere longitudinis ac in mure aquatico est, a lateribus vero plana, excepta origine, vbi cylindrica appareret. Color pilorum maiorem conuenientiam cum castoris, quam cum muris aquatici, pilis habet, et partim gryseus, partim

rufescens est. Dentes numero sedecim sunt, in qualibet nimirum maxilla duo incisivi et sex molares.

p. 21. *Aper mexicanus*, a Cl. BU FON *Pecari* seu Brafileensibus *Taiacou* dictus, primo intuitu aprum europaeum seu potius porcum siamensem aequat, nunquam tamen cum apro seu porco confundendus. Differt enim a porco, quod corporis habitus gracilis sit, crura breviora, cauda nulla et setae multo rigidiores deprehendantur et in primis in dorso rima, duas aut tres lineas lata, appareat, quae ultra pollicem penetrat, per quam humor ichorosus, odoris maxime ingrati, magna in copia exsudat. Animal hoc, vetut porcum, cicur fieri posse, Cl. BU FON autumat; istud enim eiusdem fere naturae esse, iisdem alimentis vesci, carnem eius, licet carne porcina siccior lardoque minus donata sit, non ingrati saporis esse, perque castrationem meliorem fore, notat. Animalia haec in omnibus Americae meridionalis regionibus calidis admodum numerosa sunt, plerumque gregatim et interdum bis vel tercentum circum errant, eodem fere modo, vt porci, se defendunt, eosque, qui pullos eorum rapere tentant, pari quoque ratione inuadunt, mutuoque auxilio sibi inuicem assistunt, hostes cingunt et canes et venatores saepe vulnerant. Altiora loca magis quam depressa amant, neque, vt apri europaei, paludosa quaerunt. Sylvas inhabitant, vbi fructibus sylvestribus, radicibus granisque viuunt et serpentes quoque, bufones et lacertos deuorant, quos pedibus antea corio exuunt. Numerosam prolem, forte in anno plus vice simplici, edunt. Pulli matrem statim sequuntur, quam non nisi adulti derelinquunt. Iuniora capta cicurantur, tuncque quidem ferociam naturalem, neque tamen ruditatem, abiciunt. Grunnitus fortior et durior quam porcis est.

est. Quando irritantur, pili eorum horrent, tuncque crinaceorum potius spiculis quam fetis porcorum similes sunt. Nunquam istud animal cum porco europaeo, neque etiam cum chinensi, utroque in Americam translato, coit, licet alias cum iisdem incedat, iisdemque ex parte simile sit. Aper enim mexicanus animal Americae indigenum est, fuisque etiam a porco europaeo et chinensi se distinguit signis. Materies autem odorifera, quae ex hoc animali obtinetur, neque cum moscho, neque etiam cum zibetho, sed cum castoreo potius comparanda esse videtur.

Color huius animalis maximam partem ex nigro p. 27. et albo seu fuluo mixtus est, albus tamen inprimis in dorso et fulvus in capite inque lateribus conspicitur. Remota cute tres pollices novemque lineas ab ano in dorso glandula permagna in conspectum venit, cuius diameter maior quatuor pollices quatuorque lineas, minor vero tres pollices, crassities autem unum pollicem tresque lineas in medio pollicemque dimidium in marginibus fuit. Dentes triginta octo sunt, quatuor nimirum incisivi, duo canini et duodecim molares in maxilla superiore, sex vero incisivi pariterque duo canini et duodecim molares in inferiore. Vertebrae dorsales quatuordecim, inque quolibet latere quatuordecim costae, septem nimirum verae septemque spuriae, vertebrae vero lumbares quinque septemque vertebrae, quae caudam constituunt, numerantur.

Rouffette, *Rougette* et *Vampire*, tria haec animalia p. 55. coniunctim a Cl. BUFON considerata ad Vespertiliones pertinent, quarum prima, *Rouffette* dicta, a Cl. BRISSON *Pteropus rufus aut niger auriculis brevibus acutiusculis*, et secunda *Pteropus fuscus, auriculis brevibus acutiusculis, collo superiori rubro*; appellatur. Multa quidem duo haec animalia inter se

inuicem communia habent sibi que admodum similia sunt, duplicem tamen speciem constituere videntur. Omne vero discrimen in corporis tantum magnitudine et pilorum colore quaerendum est. Vespertilio enim, *Rouffette* dicta, rufa est et a rostro ad extremitatem corporis usque nouem pollices longa, cum contra vespertilio, *Rougette* dicta, fusca et vix quinque pollices longa sit, et annulo praeterea rubro in collo notata appareat. Vtrumque animal regiones calidas orbis antiqui inhabitat et ab alio quadrupede itidem volante, Americae indigeno, *vampyro* dicto, diuersum est. Hoc ob id inprimis, quod sanguinem ex hominibus et animalibus dormientibus fugat, vampyrus dictus, pari quoque ratione ad vespertiliones pertinet et respectu priorum minimum est. Binae priores caput bene constructum, aures breues, rostrumque perfecte rotundum, canum more, formatum habent; vampyrus vero rostro elongato instructus, visu horridus, omniumque vespertilionum teterrimus est, caput informe et prominens, aures magnas valdeque patulas et erectas, nasum deformem, nares forma infundibuli, superque eas membranam cristae acuminatae forma habet, homines sollicitat et animalia torquet et necat. Quod ad bina priora, *Rouffette* et *Rougette*, attinet, quae in Africa et Asia occurrunt, non adeo, ut vampyrus, Americae incola, numerosa sunt, maiora tamen, fortiora magisque forsan maligna deprehenduntur. Aues enim et animalia minora necant, homines inuadunt, faciemque eorum morsu vehementi vulnerant, sanguinem tamen non sugunt. Loca deserta, inprimis insulas desertas, inhabitant. Sexus eorum potior valde distinctus est: penis enim non, ut aliis quadrupedibus solemne est, in vagina detinetur, sed hominum simiarumque more propendet. In sequiori

quiori sexu duae mammae in pectore cernuntur et foemellae vna vice prolem non numerosam edunt, saepe tamen in anno parturiunt. Caro horum animalium imprimis iuniorum esculenta est, et Indiani cum perdricibus et cuniculis aequiparant. Licet autem peregrinatores de animalibus hisce Asiae et Africae, vtpote sanguisugis nullam fecerint mentionem, ob insignem tamen conuenientiam, quae inter vespertiliones Asiae, Africae et Americae reperitur, eundem effectum et a binis prioribus expectandum esse, Cl. BUFON coniicit vulnusque, quo sanguis educitur, non dentium sed linguae ope absque insigni dolore infligi posse, linguamque acuminatam et papillis duris, admodum subtilibus admodumque acutis et retrorsum inclinatis obsitam esse, harumque, poros cutis penetrantium, ope sanguinem educi posse, autumat.

Primum horum animalium, *Rouffette* dictum, p. 66. maximam similitudinem cum vespertilionibus alit, praeter id, quod magnitudine insigni excedat et capitis forma sese distinguat. Caput enim canis capiti quodammodo simile est, ita, vt a nonnullis *Canis volans* nuncupetur. Praeter caput vnguis quoque notandus est, qui in tertia phalanga primi digiti conspicitur, quippe qui aequae ac tertia phalanga in vespertilionibus vulgaribus deest. Praeterea lingua etiam singulari modo efformata esse solet; siquidem pars eius extrema admodum angusta, fere acuminata et papillis duris acuminatis obsita est, quarum ope sanguinem ex hominibus et animalibus fugere dicitur. Dentes triginta duo sunt, in quibus nimirum maxilla incisivi quatuor et canini duo inque maxilla superiore molares octo, in inferiore autem duodecim. Vertebrae dorsales tredecim sunt, totidemque costae, sex nimirum verae septemque spuriae. Vertebrae lumbares quatuor numerantur.

Quod ad alterum animal, *Rougette* dictum, attinet, omnes tum exteriores tum interiores partes cum prioris animalis partibus conueniunt, a quo non nisi magnitudine et pilorum colore sese distinguit. Colorem enim eorum cinereus, cum gryseo et fusco seu nigrescente mixtus, in pluribus partibus exterioribus apparet, in collo autem color admodum lucidus cum aurantio et rubro mixtus cernitur.

p. 95. *Sciurus volans*, *Polatouche* a Cl. BU F O N dictus, cum sciuro, glire et ratto ex parte conuenit: respectu enim magnitudinis oculorum et formae caudae sciuro, respectu autem figurae corporis, aurium, quae breues et nudae sunt, atque pilorum caudae gliri simile est hoc animal, interim nec sciurus, nec glis, nec rattus est. Crebrius in America quam in Europa occurrit, vbi inprimis raro et non nisi in regionibus borealibus e. g. in Lithuania et Russia reperitur. Animalculum hoc arbores inhabitat et de ramo in ramum saltando se confert, dumque saltat, cutis eius, quae laxa et ad corporis latera plicata est, extrorsum trahitur, tenditur et directione contraria pedum anteriorum, qui in ipso saltu antrorsum extenduntur, et pedum posteriorum, qui retrorsum extenduntur, dilatatur. Tensa haec et vltra pollicem extrorsum ducta cutis superficiem corporis auget et lapsum impedit, ita, vt vno saltu animal in locum sat distantem perueniat. Hic igitur motus nunquam ad volatum auium, sed ad saltum, pertinet, quo vel solo caractere a sciuro, glire et ratto dictum animal se distinguit. Minus est sciuro et illud, quod hic describitur, vix duas vncias aequauit, cum sciurus alias octo vel nouem vncias aequet. Facile cicur fit, inque cauea inclusum pane, fructibus et granis nutritur, et inprimis gemmas nouumque germen pini betulaeque amat, nuces vero et amygdalas sciuri more non quaerit. Stratum sibi e foliis parat,

parat et sub iisdem interdiu se abscondit, nec nisi sub nocte, aut fame excitatum, prodit. Hostes eius martes aliaque animalia sunt, quae arbores scandunt, hinc genus hoc animalium non numerosum est, licet plerumque tres vel quatuor pullos parturiant.

Animalculum hoc, respectu formae exterioris p.102. et colorum, magis conuenit cum ratto, ratione partium internarum autem cum sciuro. Magnitudinem muris auellinarum maioris *Lerot.* habet, et figura capitis eius eadem est ac sciuri. Cauda longis pilis obsita. Pedes anteriores quatuor digitos et vestigium pollicis habent, posteriores vero quatuor digitis et pollice instructi sunt. Differt hoc animal a ratto, sciuro et omni animali noto ratione cutis, quae a dorso, ventre et cruribus in vtroque latere ad pollicis longitudinem protenditur. Quando incedit aut natat, productiones istae cutaneae facile cernuntur. Non volat hocce animal, sed ope harum productionum lapsum tantum retardat, sicque ex vno loco in alterum transilit, dummodo locus, quem deserit, altior sit eo, ad quem tendit. Color dicti animalis cinereus est cum flauo mixtus, excepta macula albescente, quae supra oculos cernitur. Duas vncias aequat animal. In quolibet latere quatuor apparent mammae, tres nimirum in ventre et vna in pectore. Scrotum magnum est et penis trium linearum longitudine cum dimidia ex abdomine protenditur. Dentes numero viginti duo sunt, dentibus sciuri similes. Vertebrae dorsales duodecim inque quolibet latere totidem costae, septem nimirum verae et quinque spuriae numerantur, reliquae vertebrae lumbares aequae ac spuriae caudae, vt in sciuro, se habent.

Sciurus virginianus cinereus maior R A I I, a Cl. p.116.
 B U F O N *Petit - Gris* nominatus, in regionibus septen-

ptentrionalibus orbis, tam antiqui quam noui, reperitur et multum cum sciuro vulgari conuenit, sequentibus autem characteribus ab eo se distinguit: sciuro maior est; pilos non rufos sed cinereos plus minus obfcuros habet et pilis, qui in auribus sciuri vulgaris prominent, caret. Haec animalcula gregatim incedunt et ope corticis ligni cuiusdam flumina transeunt: quando enim dicta animalia, vt ex Cl. REGNARD notat Cl. BUFON, aquam transire tentant, corticem quendam e. g. pini aquae imponunt, eique insidentes, cauda erecta, quo ceu velo vtuntur, adiuuante vento transuehantur. Non raro autem accidit, vt flante vento et vndarum motu nauis eorum submergatur sicque vna saepe ter vel quater millia eorum aqua suffocentur. Arbores, vt ex HERNANDEZ Noster notat, et inprimis puros inhabitant, fructibus seminibusque viuunt, eaque in hyemem colligunt inque cauas arbores reponunt, in quas tempore hyberno se recipiunt, ibidemque etiam parturiunt. Largiuntur ea pelles istas cinereas, quae gallice *Petit - Gris*, germanice *Grauwercck*, vocantur et maxime in vfu sunt.

p. 126. *Sciurus Palmarum*, gallice *le Palmiste*, *Sciurus Getulus*, gall. *le Barbaresque* et *Sciurus Carolinensis*, gall. *le Suisse*, tria haec animalia simul hic describuntur. *Sciurus palmarum* magnitudinem ratti seu sciuri minoris aequat, et vitam super palmos transigit; inde nomen accepisse dicitur. Pilis hirsutis tectum est. Caudam erectam nec, more sciuri, dorso superimpositam habet, quae longioribus pilis, quam in corpore apparent, breuioribus tamen, quam in cauda sciuri vulgaris, obsita est. Medio in dorso a collo ad caudam vsque secundum spinae longitudinem stria albicans deprehenditur, quam vtrinque stria fusca aliaque albicans comitatur. Idem iste character, quo se ab omnibus aliis animalibus distin-

distinguit, in sciuro getulo et sciuro carolinensi reperitur, quare factum, vt tria haec animalia a nonnullis pro vna eademque specie habeantur. Verum sciurus palmarum et sciurus getulus in calidis tantum regionibus orbis antiqui, sciurus carolinensis contra non nisi in regionibus frigidis et temperatis orbis noui reperitur, Praeterea striae fuscae et albae in sciuro carolinensi alio ordine, quam in sciuro palmarum, dispositae sunt: stria enim alba, secundum spinae longitudinem in sciuro palmarum reperiunda, in sciuro carolinensi nigra vel fusca, est, striae albae a latere nigrae sunt, cum in sciuro palmarum nigrae a latere albae reperiantur. Caeterum in sciuro palmarum striae albae tres in sciuro carolinensi autem quatuor adsunt. Porro sciurus carolinensis caudam corpori imponit, quod in sciuro palmarum non obseruatur: hic arbores tantum inhabitat, ille in terra versatur, inde etiam factum est, vt a nonnullis sciurus terrestris, *Ecureul de Terre*, appelletur. Praeterea sciurus carolinensis sciuro palmarum minor est. Cum sciurus getulus in eadem regione, eiusdem magnitudinis eiusdemque fere figurae, ac sciurus palmarum appareat, forsitan duo ista animalia pro vna eademque specie haberi possent, reuera autem differunt. Sciurus getulus enim caput frontemque magis arcuatam, aures maiores, caudamque pilis copiosioribus et longioribus tectam habet, et magis cum sciuro quam ratto conuenit; sciurus vero palmarum quoad corporis capitisque figuram maiorem conuenientiam cum ratto, quam cum sciuro, alit. In sciuro getulo striae albae quatuor, in sciuro palmarum autem tres reperiuntur, et stria, quae in sciuro palmarum secundum spinae longitudinem alba excurrit, in sciuro getulo nigrum colorem cum flauo mixtum habet. Caeterum animalcula haec respectu morum et viuendi

uendi generis multum cum sciuro vulgari conueniunt: fructibus enim viuunt, eosque pedibus apprehendunt et ori admouent. Eadem iis vox est, idem instinctus, eademque agilitas facileque ci-
curantur. Sciurus carolinensis autem minus docilis minusque mansuetus est et cricetorum more, cum quo quoad indolem et mores multum conuenit, foveas sibi in terra parat.

p. 131. Sciurus palmarum in pedibus posterioribus digitis quinque in anterioribus vero quatuor tantum instructus est. Color in partibus superioribus ex fuluo et fusco mixtus, in inferioribus autem fuscus et gryseus seu ingrate albus est. In ventre mammae quatuor apparent. Dentes viginti duo sunt, dentibus sciuri vulgaris similes, excepto dente ante molares reperiundo, qui crassior est.

p. 144. *Tamandua guacu* seu *Myrmecophaga maxima*, gallice *Tamancir*, *Tamandua* stricte sic dicta, seu *Myrmecophaga rostro longissimo* et *Tamandua minor*, tria haec animalia simul considerantur. Primum animal a fine rostri ad ortum caudae usque quatuor pedes longum est, caput quatuordecim aut quindecim pollices longum, rostrum valde elongatum, caudam duos pedes cum dimidio longam, pilisque hirsutis et ultra pedem longis obsitam, collum breue, caput angustum, oculos paruos et nigros, aures rotundas, linguam tenuem et ultra duos pedes longam inque cavitatem oris plenarie retractam, sese replicantem habet. Crura vnum tantum pedem alta sunt; anteriora tamen aliquanto altiora et tenuiora. Pedes extremi rotundi sunt, quorum anteriores vnguibus quatuor, posteriores autem quinque armati sunt. Pili caudae eodem modo, vt corporis pili, colorem ex nigro et albicante mixtum habent, Caudam dorso imponit, eaque, quando somnum capere aut aduersus pluuiam vel ardorem solis

folis se defendere cupit, totum corpus obtegit, eandemque irritatum frequenter et subito mouet, et tranquillum post se trahit, eademque viam, qua incedit, purgat. Sub iugulo stria nigra reperitur, quae ad dorsum prope lumbos terminatur; crura posteriora nigra, anteriora vero, alba fere, in medio macula nigra notata sunt. Lente incedit animal, pedesque eius minus ad currendum, quam ad scandendum constructi esse videntur.

Tamandua stricte sic dicta multo minor est prae- p.147.
cedente; a fine rostri enim ad ortum caudae usque octodecim pollices longa est; caput eius quinque pollices longum, rostrum elongatum et inferius recuruum est. Cauda decem pollices longa et in apice pilis orbata, aures rectae pollicemque longae; lingua rotunda, octo pollices longa, in canali cauo interius in maxilla inferiore sita, crura quatuor tantum pollices alta sunt et pedes unguibus instructi ut in tamandua maxima se habent. Arbores scandit et ut tamandua maxima incedit. Cauda sua se non obtegit. Somnum capiens caput sub collo et cruribus anterioribus abscondit.

Tertium horum animalium *Tamandua minor* p.148.
dictum, *Tamandua* stricte sic dicta minus a fine rostri ad ortum caudae usque sex vel septem pollices longum est et caput duos pollices longum, rostrum bene conformatum multoque minus elongatum, quam in binis prioribus, caudam septem pollices longam inferius in apice, qui pilis priuatus est, incuruatam, linguam angustam aliquantisper planam satque longam, collum pene nullum, caput pro ratione corporis sat magnum, oculos infra sitos et ab angulis rictus parum distantes, aures paruas subque pilis latentes, crura tres pollices alta et pedes anteriores unguibus duobus armatos habet, quorum exterior multo crassior et longior

gior est. Pedes posteriores vnguibus quatuor instructi sunt. Pili corporis, nouem lineas longi, tactu molles sunt et colorem micantem rufum, luteo mixtum, habent. Pedes non ad gressum formati sunt: arbores tantum scandit et extremitate caudae de ramis pendet.

p.157. Tria haec animalia, quae ratione magnitudinis et proportionis corporis insigniter adeo differunt, multa nihilominus communia habent. Formicis viuunt et linguam in mel aliasque substantias liquidas seu viscosas immergunt; micas panis et parua frusta carnis concisae sat cito colligunt; facile cicurantur et educantur; famem diu sustinent; liquidum, dum bibunt, non omne deglutiunt, siquidem pars per nares redit; de die plerumque dormiunt locumque sub nocte mutant. Barbari carne eorum vescuntur, quae verò saporis valde ingrati est.

p.161. Ex descriptione, quam Cl. DAUBENTON de primo et vltimo animali tradit, notamus, in Tamandua minori quatuor mammas, in quolibet nimirum latere duas, alteram in anteriore parte pectoris, alteram in posteriore parte ventris apparere, vuluaque aperta singularem vrethrae et vaginae conformationem deprehendi. Loco enim vaginae vrethra in conspectum venit, quae ad margines vuluae usque se extendit; in vrethram autem terminatur vagina, cum in plerisque quadrupedibus vrethra alias in vaginam se insinuare soleat. Vuluae apertura tum vaginae tum vrethrae communis est, tuncque interius septum, tribus lineis a vuluae marginibus distans reperitur, quo vagina et vrethra a se inuicem separantur. In maxillis neque dentes neque vestigia alueolorum reperiuntur. Vertebrae dorsales quindecim, totidemque costae in quouis latere, octo verae et septem spuriae numerantur. Vertebrae

brae lumbares tres tantum sunt. Os sacrum ex quatuor vertebrae spuriiis, et cauda ex quadraginta duabus constat.

Pangolin, *Lacertus indicus squamosus* BONTII p.180. seu *Myrmecophaga pedibus pentadactylis* LINNAEI; et *Phatagin*, *Lacertus squamosus peregrinus* CLUSII seu *Pholidotus longicaudatus* BRISSONII coniunctim describuntur. Licet his binis a nimalibus Lacer-
torum nomen imposuerint nonnulli, ab iis tamen omnino differunt. Nullas enim squamas sub gula, pectore et ventre habent, primumque animal, *Pangolin* dictum, in partibus his non nisi cute laevi et absque pilis tectum est, alterum autem, *Phatagin* dictum, pilos in dictis partibus habet. Squamae, quae reliquas partes horum animalium obtegunt, cuti non agglutinatae, sed in ea tantum infixae, sunt, eique inferiore sua parte adhaerent, mobiles sunt et ad voluntatem animalis se erigunt et deprimunt, imprimis quando irritatum est, seque, vt erinaceus, in globum conuoluit. Tam crassae sunt istae squamae tamque durae et pungentes, vt ab animali in globum conuoluto omnia animalia rapacia repellantur, immo tigrides et pantherae, omnium animalium crudelissima, frustra vires impendant. Caeterum animalia haec, quando se contrahunt, vt erinaceus, figuram globosam non assumunt, sed in globum contractis cauda eorum crassa et longa remanet, quae eadem ratione squamis oblita animal defendit. Primum, *Pangolin* dictum, crassius est altero, *Phatagin* nominato, caudam tamen multo breuiorem habet. Pedes anteriores ad extremitatem vsque squamis tecti sunt, qui contra in *Phatagin* squamis orbat pilisque tecti reperiuntur. Squamae etiam in *Pangolin* maiores, crassiores magisque conuexae et minus striatae, quam in *Phatagin*, sunt, quae in hoc triplici cuspide instructae et valde acutae, in

Tom. XII. Pars III. Ce Pan-

Pangolin autem absque cuspidē et aequaliter secantes sunt. *Phatagin* in inferioribus partibus pilos habet, *Pangolin* autem in toto corpore nullos; inter squamas tamen, dorsum tegentes, nonnulli pili crassi et longi, ceu setae porcorum exeunt, qui in dorso animalis, *Phatagin*, non apparent. Ex his itaque patet, *Pangolin* et *Phatagin* animalia esse omnino distincta. *Pangolin*, computata caudae longitudine, sex, septem et octo pedes longum est; in iuventute tamen cauda, quae alias cum corpore eandem longitudinem habet, minus longa esse videtur; immo et squamae tunc temporis minus magnae, tenuiores et pallidiores sunt, quae in adulto obscuriorem colorem insimulque tantam duritiem acquirunt, ut globulo, ex sclopeto exploso, resistant. Vtrumque animal, tam *Phatagin* quam *Pangolin*, ut vrsi formicarii, formicis viuunt et eodem modo lingua admodum longa et gula angusta, corpore valde elongato, cauda etiam admodum longa et unguitibus pedum fere eiusdem magnitudinis, non aequae numero eorundem instructum est. *Pangolin* enim et *Phatagin* in quolibet pede quinque unguitibus habent, cum quatuor tantum in anterioribus pedibus vrsorum formicariorum, *Tamanoir* nimirum et *Tamandua*, appareant. Haec in America, illa in India orientali et Africa reperiuntur, ubi nigritae carne eorum vescuntur, quam saporis gratissimamque existimant, et squamas ad varios usus impendunt. Caeterum vtrumque animal mite est, nec ullum damnum infert; insectis viuit; lente incedit, inque foraminibus rupium aut, quae sibi in cuniculis parant, se abscondunt ibidemque pariunt.

p.200. Animalia loricata, *Tatu* dicta, singulare genus constituunt, in varias species diuisum, ita tamen, ut omnia, quae ad hoc genus pertinent, animalia a se
inui-

inui cem distincta esse videantur. Conueniunt autem, quod simili quoad substantiam lorica obtegantur, quae caput, collum, dorsum, latera et caudam ad extremitatem usque obtegit, quaeque ipsa exterius corio tenui, laeui et pellucido obtegitur. Iugulum autem, pectus et venter nulla lorica, sed cute alba et granosa quasi cooperiuntur. Lorica, superiores partes obtegens, minime, ut in testudine, ex vna parte, sed ex variis, ope membranarum inter se inuicem coniunctis et mobilibus, partibus seu cingulis constat, quorum numerus in iunioribus aequae ac adultis idem est, in diuersis autem speciebus diuersus. Cum igitur diuersitas numeri cingulorum mobilium constans sit, probabile est, vel species horum animalium dari reuera distinctas, vel ad minimum varietates constantes et ab influxu climatum diuersorum productas. Ob id itaque sequentes species a Nostro considerantur: 1) *Tatu apara* seu *Tatu cingulis tribus*; 2) *Tatupeta*, seu *Tatu cingulis sex*; 3) *Tatuete* seu *Tatu cingulis octo*; 4) *Cachicamo* seu *Tatu cingulis nouem*; 5) *Tatu Kabassou* seu *Tatu cingulis duodecim*; 6) *Tatu coinchum* seu *Tatu cingulis octodecim*. In omnibus his, excepto ultimo, duo deprehenduntur scuta ossea, alterum nempe in scapulis, alterum in posteriore parte dorsi. Scuta haec vnam tantum partem constituunt, cum lorica, itidem ossea, quae corpus tegit, ex cingulis mobilibus et ope membranae flexilis a se inuicem separatis componatur. In *Tatu cingulis octodecim* vero vnum tantum reperitur scutum, idque quidem in scapulis, reliquum corpus ad caudam usque cingulis mobilibus numero octodecim tectum est.

Apar, seu *Tatu cingulis tribus*; *Tatu apar* MARC- p.206. GRAVII; *Erinaceus loricatus cingulis tribus* LINNAEI, caput oblongum fereque pyramidale, rostrum acutum, oculos paruos, aures breues et rotundas su-

perioioremque capitis partem casside tectam habet. In quolibet pede quinque digiti sunt, vnguibus armati, qui in duobus digitis mediis pedum anteriorum admodum magni, in digitis lateralibus minores, in quinto autem exteriori reliquis omnibus multo minor est formamque calcaris habet. Vngues pedum posteriorum breuiiores magisque aequales sunt. Cauda admodum brevis, duos tantum pollices longa et scuto circumdata est. Corpus quoad longitudinem pedem vnum, quoad maximam latitudinem pollices octo habet. Lorica in quatuor commissuras diuisa et ex tribus cingulis mobilibus et transuersalibus composita est, qui incuruationi et contractioni animalis inseruiunt. Scuta, quae scapulam et posteriorem partem dorsi tegunt, ex partibus pentagonis constant. Cinguli mobiles ex partibus quadratis seu in quadrum oblongis componuntur, et quaeuis harum partium paruis squamis lenticularibus ex albo-flauescentibus obtegitur. Quando animal ad dormiendum se componit vel tangitur, pedes suos in vnum quasi punctum colligit, caput sub ventre abscondit et adeo in globum se contrahit, vt pro testa marina potius quam pro animali terrestri haberi possit. Haec contractio ope duorum musculorum magnorum, ad latera corporis reperiundorum, perficitur.

p.209. *Encoubert*, seu *Tatu cingulis sex*; *Tatupeba Brasilianis* et *Encuberto Lusitanis*. MARCGRAVII; *Dasyus cingulis senis*, *pedibus pentadactylis* LINNAEI. Hoc animal praecedenti maius est, superioremque partem capitis, colli, corporis totius, crura et caudam lorica ossea, valde dura et ex multis partibus composita, tecta habet. In scapulis et posteriore parte dorsi duo scuta sunt, quae ex vna tantum parte constant. Super scutum tamen in scapulis et prope caput cingulus mobilis inter duas iun-

cturas

Eturas deprehenditur, qui hanc vtilitatem praestat, vt animal collum curuare possit. Lorica, quae inter duo illa scuta est, ex sex cingulis constat, qui ope membranae flexilis et crassae inter se inuicem iunguntur. Ex hac membrana nonnulli pili albicantes exeunt, iis similes, qui sub gula, pectore et ventre deprehenduntur. Rostrum huius animalis acutum est, oculi parui alteque defixi, lingua angusta et acuta, aures pilis scutoque destitutae, nudaе, breues et fuscae. In qualibet maxilla dentes octodecim; in quouis pede digiti quinque, vnguibus longis, rotundis et angustis armati. Caput et rostrum, vt in porcello lactante. Cauda in ortu crassa, in extremitate vero tenuis et rotunda. Color corporis ex flauo rufescens. Animal plerumque crassum et pingue est. Terram tum rostri tum vnguium ope facillime effodit, sicque cuniculum sibi parat, vbi per diem degit et non nisi sub nocte exit victumque tunc quaerit. Saepe bibit, fructibusque, radicibus, insectis et auibus, si capere eas potest, viuit.

Tatu cingulis octo; Tatuete Brasiliensibus et Ver. p.212. dadeiro Lusitanis MARCGRAVII; Dasypus cingulis septenis, palmis tetradactylis, plantis pentadactylis LINNAEI. Hoc animal multo minus est praecedenti. Caput eius paruum, rostrum acutum, aures rectae, aliquantum elongatae, cauda longior et crura pro ratione corporis humiliora quam in Tatu praecedenti. Oculi parui et nigri sunt. Digiti in pedibus anterioribus quatuor, in posterioribus quinque. Caput casside tectum, scapulae et posterior pars dorsi scuto, et corpus lorica tectum, quae ex cingulis octo constat. Cauda itidem loricata ex annulis octo mobilibus componitur. Color loricae corporis ex gryseo ferreus, laterum vero et caudae ex gryseo albus maculisque ex gryseo ferreis distin-

Etus est. Lorica huius animalis dura non est, minimusque globulus ex sclopeto explosus istud perforare et animal occidere potest. Caro eius alba est et palato placet.

p.215. *Tatu cingulis nouem seu Cachicamo; Dasypus cingulis nouem, palmis tetradactylis, plantis pentadactylis* LINNAEI, cum praecedenti adeo exacte conuenit, ut vix speciem singularem, a praecedente distinctam, constituere videatur, forteque Tatu cingulis octo pro masculo, Tatu autem cingulis nouem pro foemina haberi posse et huic plures cingulos ad facilitandam gestationem et partum datos esse, Cl. BUFON conuincit.

p.218. *Tatu cingulis duodecim seu Kabassou, Tatus moschum redolens, Tatuete Brasiliensibus* MARCGRAVII, omnium horum animalium maximum est. Caput eius maius et amplius, rostrum autem minus tenue, crura crassiora, pedes maiores et cauda non loricata apparet, qua in re a reliquis cunctis se distinguit. In quouis pede digiti quinque sunt, caeterum cinguli duodecim numerantur. Inter iuncturas pili prodeunt, setis porcorum similes. In pectore, ventre, cruribus et cauda rudimenta squamarum apparent, quae rotundae, durae et laeues sunt, circa quas parui flocci pilorum cernuntur.

p.220. *Tatu cingulis octodecim seu Cirquinçon; Cataphraetus scuto unico, cingulis octodecim* BRISSONII. In hoc animali vnum tantum scutum, et quidem in scapulis deprehenditur, cum in reliquis duo scuta, alterum in scapulis, alterum in posteriore parte dorsi appareant. Corpus eius decem pollices longum, caput tres pollices, cauda quinque habet. Crura duos vel tres pollices alta sunt. Anterior capitis pars longa est et plana; oculi parui sunt, aures vnum pollicem longae; pedes digitis quinque instru-

instructi et vnguibus armati deprehenduntur, qui in tribus mediis pollicem vnum longi, in duobus exterioribus autem breuiores sunt. Armatura capitis crurumue ex squamis, armatura vero colli ex vna parte constat, quae ex paruis squamis efformata est. Scutum super scapulis ex vna tantum parte constat. Reliquum corpus à scapulis ad caudam vsque cingulis mobilibus ope membranae flexilis a se inuicem separatis numeroque octodecim obtegitur. Pectus, venter et aures, vt in reliquis speciebus, nuda sunt.

Omnia animalia loricata ortum habent in Ame- p.223.
rica, et licet difficile sit, magnitudinem specierum determinare, ex pluribus tamen inter se comparatis coniiciendum est, *Tatu cingulis duodecim*, *Kabaf-sou* dictum, et *Tatu cingulis sex*, *Encoubert* nuncupatum, omnium maxima; minima autem *Tatu cingulis tribus* seu *Apar*, *Tatu cingulis octo* seu *Tatuete*, *Tatu cingulis nouem* seu *Cachicamo*, et *Tatu cingulis octodecim* seu *Cirquinçon* esse. Omnia haec animalia maiorem minoremue corpus constringendi inque globum conuoluendi facilitatem habent, nullum tamen, vt erinaceus, in globum perfecte se contrahit, figuramque potius sphaerae, in polis compressae habet. Innocua sunt haec animalia, et licet in calidis Americae regionibus producantur, in temperatis tamen Europae regionibus viuere possunt. Strenue incedunt, neque tamen saltare, neque currere, neque arbores scandere possunt, hinc facile etiam capiuntur. Vnicum eorum refugium cuniculus est, interim facile etiam propria cauda extrahuntur, antequam plenarie intrauerint; tunc autem adeo resistunt, vt cauda rumpatur nec corpus extrahatur. Necessè igitur est, vt cuniculus antrorsum aperiat, quo facto facillimo negotio demum capiuntur. Quodsi vero profundius in cuniculis haerent, ope

fumi aut aquae expelluntur. Paruis canibus animal hoc venantur, tuncque facile istud capiunt; si vero in loco praecipiti est, tunc contrahit se, et vt globulus, se deuoluit, sicque e manibus venatorum euadit. Pingua sunt ista animalia et admodum foecunda, siquidem omni mense quatuor pullos edere foemina dicitur. Humida et calida loca imprimis inhabitant, neque a cuniculis longe discedunt. Carne eorum vescuntur incolae et scutum in varios vsus impendunt.

p.269. *Paca*, animal orbis noui, cuniculo immo et lepore multo maius, caput rotundum et rostrum breue habet; pingue est et forma corporis porcello simile, eodem fere modo grunnit, incedit, deuorat terramque effodiendo victum quaerit. Ripas fluminum inhabitat et non nisi in humidis calidisue locis Americae meridionalis reperitur. Caro eius esculenta est et adeo pinguis, vt lardo opus non habeat. Viuum animal non nisi cum magna difficultate capiunt venatores, de quibus morfu se vindicare annititur. Cutis eius, licet breuibus et hirsutis pilis tegatur, pulchram tamen pellem largitur. Saepe et numerosam prolem edunt, et licet homines et animalia carniuora magnam eorundem copiam destruant, nunquam tamen numerus eorum valde imminuitur.

p.272. Caput huius animalis quodammodo formam oui habet; labium inferius superiori breuius est et leporum more fissum; aures rotundae et breues; mystax valde longus; ad angulum posteriorem oculi fasciculus longorum pilorum est; collum aequae fere crassum vt caput; corpus crassum et breue; cauda nulla, eoque in loco pili calcar formant; crura breuia sunt, et quilibet pes quinque digitis instructus est, pollex tamen admodum paruus, ita, vt praeter unguem nihil appareat; color pilorum in
supe-

superiore corporis parte badius, in inferiore autem
 flavescent et albicans; ad latera secundum lon-
 gitudinem parvae maculae rotundae flavescentes
 sunt; lingua larga et crassa; mammae duae sex
 lineas a vulva distant, duaeque aliae minores in
 pectore sunt. In qualibet maxilla dentes incisivi
 duo et molares octo; vertebrae dorsales tredecim
 totidemque costae, octo verae et quinque spuriae,
 vertebrae lumborum septem, vertebrae spuriae of-
 fis sacri tres et caudae octo numerantur.

Sarigue seu *Opossum*; *Marsupiale Americanum*; p.279.
Semi-Vulpa GESNERI; *Philander* BRISSONII; *Didel-*
phis LINNAEI; Animal Americanum ab omnibus du-
 plici charactere se distinguit; alter est, quod foemi-
 na sub ventre amplam cauitatem habeat, in quam
 pullos recipit, eosdemque in ea lactat. Alter est,
 quod in mare aequae ac in foemina primus digitus
 pedum posteriorum vngue destitutus et a reliquis
 digitis prorsus separatus sit, cum quatuor reliqui
 digiti eorundem pedum iuxta se inuicem positi et
 vnguibus curuis armati sint. Quod ad cauitatem
 illam attinet, sub ventre rima, duos aut tres pollices
 longa, conspicitur, a duabus membranis formata,
 quae perulam seu marsupium constituunt, exterius
 pilis obsitum, interius vero iisdem destitutum. In
 hoc marsupium, quod mammas intus habet, pulli
 recens nati se recipiunt, idemque ad voluntatem
 animalis se aperit et claudit. Mechanismus iste ope
 plurium muscutorum et duorum ossium, quae non
 nisi huic animalium generi competunt, perficitur.
 Dicta ossa ante os pubis, cui per basin adhaerent,
 reperiuntur, duos pollices longa sunt et inserti
 muscutorum, qui marsupium hoc partim aperiunt
 partim claudunt, inseruiunt. Interior huius mar-
 supii superficies glandulis obsita est, quae substan-
 tiam flavescentem largiuntur, tam grauis odoris, ut

per totum corpus diffundatur. Materies haec exsiccata non solum odorem ingratum amittit, sed talem indolem acquirit, ut cum moscho comparari possit. Marsupium istud vterus non est, qui in interioribusprehenditur, ab vtero autem aliorum animalium diuersus. Hoc animal in temperatis Americae regionibus vbiuis fere obuium est, siquidem saepe et numerosam prolem et quatuor, quinque, immo sex pullos edere dicitur. Hi pulli duos digitos longi sunt, immo eos, in ortu statim, musca non maiores esse, nonnulli dicunt. Veri simile itaque Nostro videtur, vterum in dicto animali non nisi locum conceptionis, formationis primaeque evolutionis foetus esse, cuius incrementum, cum eius partus praecocior ac in aliis animalibus sit, in dicta bursa absoluitur, in quam statim a praematura origine recipitur. Pulli durante prima aetate mammis ibi quasi agglutinati manent, donec incrementum et vires ad motum subeundum acquisiuerint. Tunc vero exeunt, bursamque saepe ad somnum capiendum et sugenda vbera intrant. Lente incedit animal, ita ut facile homo istud assequi possit. Incredible interim pernecitate arbores scandit, tuncque auibus insidiatur. Caudae etiam ope de arbore se suspendit, et interdum per longum tempus in hoc statu manet, praedamque expectat. Alio tempore de arbore in arborem transilit. Licet animal istud sanguinem animalium absorbeat, insectis tamen, arundine saccharifera, radicibus, foliis et corticibus viuit. Facile etiam, ut animal domesticum, domi nutritur; innoxium est neque ferox et facile cicuratur, ob graueolentem vero odorem taedio est et ob ingratam quoque figuram, imprimis ob aures, caudam et rictum displicet. Odor iste in cute tantum, non in carne, residet, quae grati saporis est, quaeque indiani vescuntur. Animal hoc rostrum valde
longum

longum et rictum tam magnum habet, vt labiorum p.311.
 commissurae infra oculos appareant. Frons et superior capitis pars eodem in loco linea recta se habent, ita, vt frons nequaquam conuexa sit. Aures magnae, rotundae, tenues et nudae sunt. Labium superius non adeo vt nasus prominet. Dentes canini labii superioris extra os prodeunt et ad vtrumque latus labii inferioris descendunt. Cauda eandem longitudinem vt corpus et caput animalis habet, in apice acuta et duos pollices cum dimidio ab ortu pilis obsita, reliqua vero pars paruis squamis tecta est, inter quas parui pili prodeunt. Quilibet pes quinque digitis instructus est, pollex autem pedum posteriorum, a reliquis separatus, multo maior et vngue destitutus est seque in tuberculum rotundum terminat. Reliqui digiti omnes vnguibus admodum mobilibus armati sunt. Color pilorum in superiore corporis parte a fine rostri ad squamosam caudae partem vsque et in facie exteriori femorum, crurum pedumue fuscus et rufescens, in interiori autem et interna superficie ingrate albus est, pars autem caudae squamosa partim fusca partim albescens apparet. Longitudo animalis, quod hic describitur, a fine rostri ad ortum caudae vsque, quae ultra nouem pollices apparuit, nouem pollices cum dimidio fuit. Lingua tenuis inque apice rotunda et in marginibus partis anterioris fimbriata est. Partes generationis in foemella aliter conformatae ac in aliis quadrupedibus sunt. Clitoridis enim glans duos ramos habet, qui ex duabus cavitatibus produnt. Vagina vteri et vrethra ad septem lineas canalem communem habent, tuncque ad vtrumque latus vesicae duo canales sunt, qui continuationem vaginae ideoque duplicem vaginam sistunt, quae ad duplicem vterum abit. Dentes numero quinquaginta sunt, in superiore nimirum maxilla decem incisivi,

cisiui, duo canini et quatuordecim molares, inque inferiore pariter quatuordecim molares duoque canini, octo autem incisui. Vertebrae colli septem, dorsales tredecim inque quouis latere totidem costae, septem verae et sex spuriae sunt; vertebrae lumbares sex numerantur; os sacrum ex vertebrae spuriiis duabus et cauda ex viginti nouem constat.

p.335. *Marmosa*; *Mus sylvestris Americanus Scalopes ditus* SEBAE; *Murina - Didelphis cauda semi-pilosa, mammis senis* LINNAEI. Hoc animal forma corporis, conformatione pedum, longitudine caudae et numero dentium, cum praecedenti exacte conuenit, at multo minus est, rostrum multo acutius neque foemina bursam sub ventre sed plicam longitudinalem prope femora habet, inter quae pulli se recipiunt seque mammis agglutinant. Partes generationis tum in mare tum in foemina vt in praecedentibus sunt. Ortus pullorum praecocior est, quam praecedentium; iidemque dum prodeunt, vix paruorum fabarum magnitudinem habent. Numerus etiam pullorum maior est, siquidem decem pullos, mammis adhaerentes et quatuor insuper mammas absque pullis reppererunt. Eadem indoles iidemque mores huic animali quam praecedenti sunt. Ambo enim cuniculos sibi parant, in quos se recipiunt; ambo extremae caudae ope ramis arborum se adhaerent, inque aues paruaque animalia prosiliunt. Fructus, grana et radices deuorant, magis vero piscibus et cancris delectantur.

p.338. Oculos huius animalis cingit circulus nigricans; mystax in ortu fuscus est; superior corporis superficies et exterior pars femorum crurumue colorem cinereum cum fuluo mixtum, interior autem albicantem habet. Cauda tres tantum lineas ab ortu pilis, de caetero paruis squamis, obsita est. Numerus dentium et vertebrarum vt in animali marsupiali est.

Cago-

Cagopollin; Mus Africanus Kagopollin dictus SE. p.350.

EAE; *Phlander Africanus* BRISSONII. Animal hoc Americae indigenum Marmosa maius est, rostrumque minus acutum et caudam longiorem habet, caeterum propius ad Animal Marsupiale (*Sarrigue*) quam ad Marmosam accedit. Insigniter autem ratione habitus partium internarum et externarum, ortus praematuri et morum tria haec animalia conueniunt, in America et in meridionalibus tantum eiusdem regionibus occurrunt. Certum est, rictus eorum vt in lucio pisce fissus, aures vt in vespertilionem, cauda serpentina et pedes vt in simia singularem formam constituunt odorque praeterea ingratus animalia haec molesta admodum reddit.

Oculi huius animalis non, vt in Marmosa, circ. p.353. culo nigro cincti, sed in margine colore nigrescente praediti sunt. Superior corporis superficies colorem cinereum cum fuluo et gryseo mixtum, interior autem pallide flauescens fereque albescens habet. Dentes quadraginta octo sunt, decem nimirum incisui, duo canini et duodecim molares in maxilla superiore, inque inferiore octo incisui, duo canini et quatuordecim molares. Vertebrae lumborum sex sunt, osque sacrum vt in Marsupiali et Marmosa ex duabus tantum vertebrae spuriiis, cauda autem ex triginta sex constat, cum in Marsupiali et Marmosa cauda ex viginti nouem tantum componatur.



II.

Della cura de' Bambini attaccati dalla Rachitide Trattato del Dottor GIOVANNI VERARDO ZEVIANI Filosofo Medico. Verona per Marvo Moroni 1761. 4. pl. 22.

h. e.

Tractatus de cura infantum, rachitide affectorum, Auctore Cl. ZEVIANI.

Neglectam saepe a medicis fuisse considerationem morborum infantum, et praeter ea, quae FRANCISC. DE LEBOSILVIUS et GUALTH. HARRIS proposuerunt, pauca in scriptis medicorum occurrere de iis, in praefatione monet Cl. Auctor, ostenditque non adeo difficile, ut multi arbitrantur, morbos infantum cognosci, eosque saepius leuioribus remediis cedere. Ipse vero cum, post GLISSONIUM, varia, in primis ad methodum medendi spectantia, detexerit, hunc tractatum edere suscepit, quem in quinque capita distributum videmus: quorum *primum* de rachitidis idea exponit; *secundum*, eam nouum morbum non esse, ostendit; *tertium* essentiam et causas, *quartum* vero curam rachitidis tradit; *quintum* tandem modum infantes ab hoc morbo praeseruandi docet.

p. I. *Caput primum* ideam morbi sistit. Infantes nimirum rachitide affecti, sufficienti licet nutrimento assumpto, marcescunt, infimo ventre indurato et flatibus distento ossibusque prorsus deformatis. Minime connatus hic dici potest morbus, cum rarius post sextum a natiuitate mensem, frequentius secundo demum anno accedat. Successuum autem incrementum

tum describitur atque ostenditur nonnullos quidem phthisi, hydrope et spina ventosa accedente mori, multos tamen euadere, qui capite magno et membris varie distentis, vestigia morbi olim perpassi ad vltimum vitae terminum ostendunt. Licet vero a fan- p. 6.
nis aequae ac aegris parentibus nascantur infantes hoc morbo demum obnoxii, ipsi tamen infantes obesi et, qui ab obesis parentibus propignuntur, magis in eundem proclives sunt. Mutationes porro, quae in cadaueribus infantum, morbo rachitico affectorum, per dissectiones anatomicas deteguntur breuiter indicantur, et praecipue ostenditur in iis hepar magnum, intestina flatu distenta, glandulas mesaraicas scirrhasas, pulmones pleurae accretos et materia alba spissa obductos, reperiri. Morbus interdum anglicus dicitur, in omnibus tamen Europae immo et Americae prouinciis eum obseruatum fuisse testimoniis euincitur, et cum spina dorsi *εὐχίς* dicatur, eaque in hoc morbo saepius incuruata sit, rachitidis nomen inuentum fuit, Angli etiam, a quibus morbus primum descriptus fuit, *rickets* dicunt. Cum autem interdum, vt Cl. Auctor monet et nos quoque vidimus, in rachiticis infantibus spina non incuruetur, et atrophia et inflatio ventris praecipue cum morbo nostro fuit, ex his potius symptomatibus, nisi iam vocabulum vbique receptum esset, denominatio repeti posset.

Caput secundum morbum nouum non esse declarat, vt GLISSONIUS in eius disquisitione docuerat, cum noua quasi symptomata in morbis infantum haecenus non recensita occurrerent, ille autem haec quinquagesimi circiter praecedentis seculi anno scripserat. Ostendit itaque Noster, et HIPPOCRATEM et GALENUM iam tabem infantum descripsisse et illum quidem duas species proponere, in quarum
vna

- vna corpus ex defectu nutrimenti flaccescit in altera vero macies inducitur, licet alimenta maximo cum appetitu assumantur, vterque etiam auctor incuruationem spinae et tubercula ad pulmones nata, quae vera signa rachitidis sunt, adducit. Praeter alios auctores vero, qui de tabe infantum scripserunt, REUSNERUM nominat, qui in dissert. Basileae 1582. habita asseruit, istis temporibus in Heluetia et Hollandia morbum quendam infantibus familiarem fuisse, quo carnes ita emaciarentur, vt vix ossa sustinere possint, licet edendi cupido summa in iis esset, his praeterea obstructions accedere et incuruationem
- p. 21. crurum. Febris absentia in rachitide et praesentia in tabe, ad quam GLISSONIUS prouocat, vt distinctionis signum valere nequit, cum et in rachitide interdum accedat. Ita enim symptomata rachitidis varia a veteribus aequae ac recentioribus scriptoribus adducta sunt, licet nomen distinctum morbo non addiderint. Et morbus saepe a medicis ideo neglectus fuit, quoniam vulgus eundem ad incantationes
- p. 30. retulit. Adduntur in fine testimonia Anglorum et aliorum medicorum, qui GLISSONII sententiae de nouo hoc morbo non subscripserunt, immo ostenditur, GLISSONIUM ipsum sibi in multis propositionibus contradixisse.
- p. 39. *Caput tertium* de essentia et causis rachitidis agit. GLISSONIUS essentiam morbi in frigida et humida intemperie cum vitio spinalis medullae, quod nervos laedit, quorum origo extra caluam est, illaefis illis, qui intra caluam nascuntur, ponit. Hunc vero non tantum, sed et alios auctores, qui cum scorbuto vel lue venerea conuenire asserunt, vel qui ex vitio hepatis aut obstructione viscerum infimi ventris deriuant, vel qui alias morbi causas adducunt, refellit Cl. Auctor, tandemque suam sententiam propo-

proponit, et rachitidem speciem quandam cachexiae dicit, in qua humores corporis acido quodam scatent, quod a corruptione lactis, consueti infantum nutrimenti, deducit. Naturam itaque lactis, et in se et in corruptione, declarat et ostendit, primis vitae mensibus hanc depravatam lactis mutationem, in primis quidem viis subsistere ibique saepius corrigi; postea vero coagula in vasis lacteis haerere, et, tumore ventris succedente, tandem non nisi tenui gelatinosa parte destitutum nutrimentum ad vasa corporis vehi et maciei corporis causam esse; spissam vero et inertem chyli partem, quae in intestinis colligitur, interdum aluum strictam reddere, saepius vero acidum, bili iunctum, deiectiones virides efficere. Acidum hoc morbosum porro sigillatim considerat, et quomodo mutato tandem victu vel medicamentis exhibitis interdum coerceatur et corrigatur, ostendit Cl. Auctor; quod si vero haec causa rachitidis porro increseat, infimi ventris viscera magis obstrui, docet et circulo sanguinis ibi impedito maiorem vim sanguinis ad caput duci, inde autem maius cerebri incrementum deducendum esse, ex quo non tantum disiuncta cranii ossa magis distendantur, sed etiam inde facies florida oriatur ingeniumque excitatum rachiticorum declaretur. His explicatis ad ossium incurvationem, in hoc morbo solennem, accedit Cl. Auctor, varias itaque scriptorum hac de re opiniones recenset, et inter se confert, et ex mollitie ossium ipsa, ex nimia tensione musculorum et pondere corporis et distensionem epiphyseum et incurvationem ossium cylindricorum, et spinæ dorsī derivat, et porro ostendit, quomodo ex his causis simul circulatio sanguinis libera impediatur, et inde hydropis variae species, phthisis et spina ventosa, oriantur. Praecipuis his rebus expensis varias adhuc rachitidis causas disquirat. Esse ni-

p. 57.

p. 62.

p. 67.

p. 79.

mirum eandem morbum infantum, ob lactis alimentum huic aetati consuetum; et a parentibus sanis natos infantes rachiticos fieri posse, licet imbecilli parentes magis contribuant ad genesin huius morbi in liberis suis; esse magis morbum frigidarum regionum, quoniam in calidioribus humores magis ad alcalinam indolem inclinent; mutationem quoque nutrimenti, si lac nutricis succedit nutritioni maternae in utero, et humores diuersi sunt, genesin morbi faciliorem reddere, in primis si, quod saepe fit, copia nimia lactis, vix subigenda, fugatur.

- p. 95. *Caput quartum* de cura rachitidis exponit. Hac in re Cl. Auctor praecipue ad emetica, purgantia et diuretica respicit, sed quoniam emetica teneris infantum corporibus infensa esse iudicat, et purgantia vim diureticam semper simul exercere asserat, iisdem praecipuam vim in debellando hoc morbo tribuit. Purgantia vero in principio morbi maiori cum successu, eo autem aucto diuretica melius applicantur, et licet sint, qui diaphoreticis quoque in hoc morbo sanando aliquid tribuant, causa tamen et coagulo condensata materia morbi, per angustas transpirationis vias vix duci potest, licet organon
- p. 101. secretionis amplissimum sit. Acidum quidem terreis absorbentibus optime corrigi dicitur, quod ex commixtione medium quasi sal oritur, euacuationem aluinam efficiens; cum tamen terreae quoque particulae in viscido coagulo compingantur et canali intestinorum oneri sint, salia alcalina praestant, quia non tantum acidum domant, sed et cum oleosa parte lactis saponaceam indolem acquirunt, his vero roborantia nonnihil volatilia subiungenda sunt, quippe quae tonum intestinorum instaurant et novam acidi genesin impediunt. Cum his tamen necessaria est alimenti mutatio, ne lac porro sumtum denuo corrumpatur. Sym-

Symptomata rachiticorum Cl. Auctor nunc bre- p.110.
 uiter tangit, et ad examen remediorum progreditur.
 Auxilia chirurgica a variis scriptoribus in hoc mor-
 bo commendata, scarificationem ad aures, fonticulos,
 ventosas, hirudines, vesicatoria, balnea et frictiones
 sub examen reuocat; iis tamen in cura rachitidis pa-
 rum tribuit, ideoque ad pharmaceutica progreditur,
 et neglecta, ab aliis laudata, sassaparilla, rhabarba-
 rum, quod aluum mouet et vrinam, sanguinem cor-
 rigit, obstructions tollit, et fibrarum tonum resti-
 tuit, magis commendat; illud vero non nisi cum p.118.
 usu entis veneris, quod ROBERTUS BOYLE inuenit, con-
 iunctum, salutares effectus edere confirmat. Cum au-
 tem hoc medicamentum cum floribus salis ammoniaci
 martialibus maxime conueniat, vires salis ammo-
 niaci magis, quam martis vim roborantem attenden-
 dam esse asserit, cum haec non nisi morbo superato ap-
 plicanda sit. Licet autem rhabarbaro et enti vene-
 ris maximas partes in sanando hoc morbo tribuat,
 saponem venetum tamen, ob vim salis alcalini actiui
 per oleum temperatam simul laudat, quippe quem
 experientia quoque comprobatum reperit. Maio- p.129.
 rem tamen efficaciam enti veneris et rhabarbaro ad-
 scribit, et eius circiter grana quinque per quindecim
 dies exhibuit, interposita quarto semper die propor-
 tionata rhabarbari dosi; sepositis postea per alios
 quindecim dies medicamentis, priorem medendi
 methodum iterum incepit, qua ter repetita effectus
 salutares semper expertus est, et varias addit ratio-
 nes, cur alii medici similem effectum ab his remediis
 non obtinuerint. Ad exercitationem quoque cor- p.132.
 poris, quae rachiticis commendatur, diiudicandam
 accedit Noster. Haec quidem fibras vigore excitato
 et obstructos humores resolutione iuuat, cum tamen
 defigurata ossa magis laedere videtur, quies magis
 conuenit, donec morbus internis remediis curatus
 sit.

fit. Indusia ex lana parata, quae phthificis et rachiticis utiliora, quam linea, iudicantur, reiicit, quoniam perspirationem nimis augent. In auxiliis, quibus ossa incurvata ad rectitudinem disponuntur, nimiam compressionem thoracibus, fasciis et frictione applicatam, taxat. Difficilior semper est spinæ ventosæ, quæ rachitidem sequitur, curatio, tumores enim ossium morboſi, caries latens et humores acres stagnantes, si usquam, non nisi chirurgicis auxiliis vinci possunt. Hydrops quoque, rachitidi superueniens, nisi aquæ effusæ internis remediis per urinae vias et aluum subduci possunt, nunquam tollitur.

Caput quintum de modo, quo infantes ab hoc morbo praeſervantur, breviter diſſerit, et licet matres praecipue lacte suo infantes nutrire debeant, tamen cum variis de cauſis haud raro nutrices eligendae ſint, Cl. Auctor monita de diiudicanda bona nutrice, eius diaeta, nec non tentamina de bona lactis indole definienda addit, et non nulla de ipſa infantum cura ſubiungit.

III.

Specimen historiae naturalis globi terraquei, praecipue de novis e mari natis insulis, et ex his exactius descriptis et observatis ulterius confirmanda Hookiana telluris hypothese de origine montium et corporum petrefactorum. Cum figuris aeneis. Autore RUDOLPHO ERICO RASPE. Amstel. et Lipsiae, sumptibus I. Schreuder et P. Mortier. MDCCLXIII. 8. pl. 13. tab. 3.

Cl. Auctor huius libri animum applicuit ad colligendum ex observationibus philosophorum, et
omnis

omnis aevi historiae monumentis, completam historiam naturalem globi terraquei: et quo melius ac clarius perciperetur, quantas ille mutationes inde ab antiquissimis temporibus passus sit, delineare etiam Praef. coepit mappam geographicam, in qua sollicite an- p. XV. notat mutationes, in superficie globi per terrae motus, vulcanos, inundationes, aggerum et littorum perruptiones, paludum exsiccationes, fluminum ventorum atque imbrium impetus, aliosque eiusmodi euentus omni superiori aevo factas. Sed interea dum hunc laborem absoluit, qui multum otii exigit, hic exhibere voluit istius historiae specimen, exactiorem historiam originis insularum, montiumque, per terrae motus et vulcanos enatorum, proponendo; simul autem data inde sibi occasione uti voluit, ad HOOKII hypothesin de origine montium et corporum petrefactorum illustrandam et confirmandam.

Quo consilio in capite I. huius opusculi enarrat singula, quae haecenus accuratis et fide dignis observationibus de natura superficiei telluris innotuerunt (i. e. de summa illa globi terraquei parte, quam adhuc licuit mortalibus scrutari, et cuius profunditas millesimam diametri partem parum excedere censenda est;) videlicet, terram continentem, et ipsum marium fundum partim in longe patentem p. 6. planitiem, partim in leuiter accliuos colles, aut altiorum montium iuga extendi; in his singulis vbique fere reperta esse varia strata, quorum superiora terra hortensi, arena, argilla, limo consistunt, profundiora vero plerumque lapidibus, nisi quod altiorum montium cacumina prorsus saxea, aut saltem rariori terra operta, esse soleant; omnia ista strata, quotquot eorum sub se mutuo posita sunt, semper esse ad se inuicem parallela, et ita distincta, ut alterum ab altero facile separari queat, et inter duo strata lapidea plerumque interesse exiguum spatium, terra

quadam humida argillosa repletum: strata quaedam crassa, quaedam valde alta esse; situm stratorum in planis praesertim regionibus esse horizonti parallelum, alibi ad horizontem in varias mundi plagas inclinatum, modo leuiter, modo ad perpendicularum fere; alibi strata non interrupta protendi, alibi sinus facere, aut gibbos, ut vim passa videantur, alibi etiam disrupta esse per strata, quorum diuersa sit directio, aut per massas saxorum et rupium, quae nullam stratorum notam in se habeant; reperiri etiam in lateribus montium, ac littoribus marium vel fluuiorum strata, vi quasi praerupta seu praecisa, ita quidem, ut strata in oppositis lateribus vel littoribus olim continua fuisse, et valles nunc interiectae olim vi quadam effectae videantur; in quolibet strato, seorsim spectato, grauitatis specificae leges obseruatas videri, licet in stratis diuersorum generum sibi inuicem subiiciendis has leges non semper seruari nonnullis visum sit; omnia strata hic illic interrupta esse fissuris, prope vectigalibus, modo vacuis, modo per margam, vel crystallos, vel mineras incrustatis, aut adeo repletis, et plerumque eo magis dilatatis, quo propiores sunt externae superficiei terrae, eo vero arctioribus, quo profundius descendunt (inter quas fissuras etiam specus et caernae subterraneae numerandae sunt;) quodlibet stratum haud raro praeter propriam massam continere minorum saxorum frusta, particulasque crystallos et variorum metallorum vel mineralium, immo animalium et vegetabilium, terrestrium, fluuiatilium, palustrium, marinorum, partim integrorum, partim fractorum vel truncatorum, maximam partem nobis incognitorum, aut loca ab iis, in quibus membra vel partes eorum effodiuntur, remotissima incolentium; praesertim conchyliis marinis multorum montium, altiorum quoque, strata superiora plena et refer-

referta deprehendi, iisque vel vnius generis, vel nonnunquam plurium generum in eodem loco; haec conchylia nunc solas sine nucleis testas esse, vel petrefactas, vel parum mutatas, et aut vacuas, aut materia strati, vel crystallo, pyrite, aliisque fossilibus expletas; nunc nucleos sine testae naturalis vestigio, illosque aut eiusdem cum lapide seu strato ambiente substantiae (in quo casu spatium, olim a testa occupatum, vacuum et cum impressa eius forma externa apparet,) aut diuersae substantiae; passim etiam occurrere meras figuras conchyliorum impressas materiei strati, absque testae nucleive vestigio. His stratorum memorabilibus annectit Cl. Auctor observationes de montium metalliferorum interioribus, et de genesi metallorum. Sunt in illis saxae moles informes, plerumque sub variis superincumbentibus p. 18. stratis altissime sepultae, et stratis parallelis plerumque carentes, in hanc vel illam mundi plagam nonnunquam inclinatae, quae fractae, ruptae, fissae, vimque passae esse videntur; altius nonnunquam eminent, et continuantur supra et infra solum vicinum, in strata varia distinctum; et altissimorum montium iuga (velut Hercyniae, Misniae, Bohemiae) nil aliud esse videntur quam eiusmodi moles, aut eorum acervus. Alicubi in longe patentibus campis istius modi moles dispersae et veluti auulsae iacent, in quibus tamen ad magnam profunditatem aliae moles saxae, strataue lapidea non sunt reperta. Venarum aut nidorum metallicorum, qui in huiusmodi saxis frequentes sunt, nondum observata est certa et perpetuo sibi constans lex. Totas rupes metallis impraegnari, docet antiquissima Germaniae metallifodina in monte Rammelio prope Goslariam. Sunt etiam strata, quae ex mineris tota constant. Metalla autem p. 21. generari successiva appositione particularum, colligit Cl. Auctor, ex sequentibus phaenomenis, 1) quod

venae et nidi reperiuntur, praecipue in fissuris quarzorum saxorum, metallis ac crystallis, quae metallorum matres esse solent, ex parte tantum repletae, 2) quod metalla et minerae aquis subterraneis in minimas partes solui posse, ex acidulis et caementi aquis intelligitur, quae iniectis ferramentis cuprum purissimum dimittunt, 3) quod frustra minerarum occurrunt, quae solo adspectu successiue creuisse iudicantur, quale est illud in bibliotheca regia Hannouerana asseruatum, et ab Auct. hic delineatum, quod est pars fulcri lignei, olim in metallifodina quadam Goslariensi sustinendo monti adhibiti, et cupri minera hinc inde impraegnati, ac fere incrustati.

p. 25. Capite II. collecta antiquorum et recentiorum historicorum testimonia sistit, quae et insulas plures in mari, et montes quosdam in continente, existisse docent, fundo maris, vel solo, per terrae motus et vulcanos eleuato.

Deinde, postquam in Cap. III. potiores philosophorum coniecturas, de causis, a quibus telluris superficiei praesens forma seu facies inducta fuerit, recensuit V. Cl. et diiudicauit, in Cap. IIII. ROBERTI HOOKII hypothesin (ex opp. eius posthumis) proponit, quae notabiliores telluris mutationes, easque praecipue, quibus terrae continentis supra maris superficiem eminentia, corporumque marinarum in ea praesentia adscribenda videatur, terrae motibus et vulcanis, tanquam causis attribuit; eamque non solum ab obiectionibus Virorum Cl. HOLLMANNI et BUFONI vindicat, sed etiam egregie ornat et amplificat.

Dabimus hic Cl. RASPII sententiam, sed, pro nostra breuitate, primis tantum lineis quasi designatam. p. 171. Varia illa strata terrae et lapidum, quae in maris fundo obseruarunt MARSILLIUS et DONATUS formantur ex arena, limo, puluere, per mare perpetuo

tuo agitaturn a terra et lapidibus littorum aut fundi
 abrais, et deinceps propria grauitate praecipitatis in
 profundum, vbi ex parte per falsedinem maris, vel
 tartarum, vel aliam quandam materiam in lapillos et
 lapides coagulantur. Vnde intelligitur, necesse esse, vt
 haec strata sint sibi inuicem et horizonti parallela,
 iisdem conchyliis, aliaque marina corpora, in fundo
 maris degentia, inclusa reperiantur. Sed quum mun-
 dus non sit aeternus, haec strata nequeunt in infini-
 tam profunditatem continuari, sed inquirentibus per-
 ueniendum tandem est ad fundum maris primitiuum,
 neque variis istiusmodi stratis distinctum, neque or-
 ganica corpora sibi inclusa ostentantem, sed ex soli-
 dis faxis constantem. Per terrae motus possunt par- P. 173.
 tes fundi maris in altum eiici, vt insulae oriantur, vel
 terrae continentis accessiones. Quod si cum impetu
 et vno quasi momento fiat: mare simul attollitur, et
 in littora vicina redundat, donec aut resideat, et ite-
 rum hauriatur, propulsa illa fundi marini pars, aut, si
 consistat in ea altitudine, ad quam illam vis subter-
 ranea propulit, mare secundum aequilibrui leges dif-
 fundatur per ceteram superficiem, aut in eas cauer-
 nas, quae, eleuata fundi marini parte, non potuerunt
 non oriri, defluat. Sin autem illa fundi pars non vl-
 tra maris superficiem propellatur; nihilominus con-
 sequitur maris exaestuatio, et illa profunditatis in-
 aequalitas, de qua BOYLIIUS iam egit. Porro ex ista P. 176.
 fundi maris supra superficiem eleuatione sequitur,
 primum, in sicco deinceps reperiri corpora, quae
 olim in stratis fundi maris haeserant, vel inclusa fue-
 rant (quo ipso quaestio de petrefactorum origine so-
 luta Auctori videtur;) deinde, necesse esse, vt strata
 quaedam occurrant flexa vel abrupta, vtque alicubi
 summa montium strata summis fundi marini, aut val-
 lis, media mediis, ima imis respondeant; tum, vt
 strata verticaliter fissa seu rupta deprehendantur, ob
 D d § fragi-

- fragilitatem massae vi subterranea in altum proiectae; denique vt etiam in nonnullis locis strata sinuosa, gibbosa, aut verticaliter sita, obuia sint, siquidem motus, quo fundus maris eleuatur, non sit continuus, vel non aequali vbique vi agat causa eleuans. Quod
- p.179. autem ingentes illas moles saxeas, quae quasi nuclei sunt altissimorum montium, et horrendas illas sterilesque rupes, in montanis regionibus obuias, attinet, sunt illae primitiui fundi maris partes, maxima virum sub fundo agentium vehementia sursum proiectae. Earum quidem pleraeque sic eleuatae sunt illa violentia, vt strata, marinorum fluctuum agitatione formata, quibus in situ naturali tectae erant, super illis manerent: potuerunt tamen nonnullae ipso primo impetu, quo sedibus pristinis auellebantur, stratis illis superioribus, quippe nimia concussione fractis, nudari; fieri etiam idem potuit temporis progressu, dum coeli intemperie, et aqua pluuias, strata ista superiora resoluta et ablata sunt. Caeterum terrae motibus, quibus Cl. Auctor montium valliumque originem tribuit, nonnunquam etiam vulcaniorum
- p.156. ignium vim iunctam fuisse non negat: attamen his cum ANT. LAZARO MORO praecipuas in explicanda stratorum origine partes dare veretur, propterea quod in regionibus etiam planis, et latissime patentibus, atque ab igniuomis montibus remotissimis, neque vlla vestigia eiusmodi montium, qui olim ibi fuerint, ostendentibus, tamen strata marinis corporibus grauida reperiuntur.

Denique in Cap. V. ingenue exponit defectus hypotheseos haecenus traditae, quos ad duo capita

p.186. reuocat. Primum haud commode inde ratio reddi potest, cur in nostris lapicidinis corpora petrefacta exotica reperiuntur. „An forte olim, inquit, et terrae nostrae, quod de quibusdam aliis animalium speciebus, apud nos emortuis, certissime constat, „tulerunt

„tulerunt et belluas maiores, elephantos et rhinoceros, quorum ossa, vt patrio exemplo vtar, in antris nostris, *Scharzfeldiano* praecipue et *Baummanniano*, effodiuntur?„ At, si, quid nobis quidem hac de re videatur, dicendum sit, talia sine verisimilitudine sumi arbitramur, eorumque sententiam, qui in his exoticis petrefactis diluuii vniuersalis testimonia agnoscunt, nondum refutatam esse, neque alium, ad illam rem explicandam, magis idoneum modum haecenus ostensum esse existimamus. Alter defectus hypotheseos *Hookianae* in eo consistit, p. 187. quod precario sumatur, in terra continente eandem esse partium extremarum structuram, eundemque stratorum ordinem, atque in fundo maris. Cui defectui medela posset adhiberi, si recens e maris sinu prodeuntium insularum solum ad certam profunditatem ab eruditis naturae scrutatoribus peruestigaretur. Quod si fieret, non dubitat Cl. RASPIUS, solum nouarum insularum simile per omnia solo terrae continentis inuentum iri, et propterea inclutam Societatem Regiam Londinensem, ad promouendos scientiae naturalis limites mirifice aptam propensamque, cui hanc opellam dedicauit, ad illam inuestigationem exhortatur. Sed praeter duos illos defectus, nescimus sane, an alius adhuc in ista hypothese notandus sit. Multis enim, qui vastissimas Alpes, vel stupendas montium moles, quae in America per Peruuiae regnum extensae sunt, cogitabunt, incredibile videbitur, eis eleuandis, nedum ad tantam altitudinem e fundo maris proiiciendis, vllam vim caussarum subterranearum parem fuisse; vt igitur ad confirmandam illam hypothesein opus adhuc esse videatur, caussas illas subterraneas determinare, et tantam illis potentiam probabilibus argumentis vindicare.

IV.

Essai sur la rage, lu dans la Séance de l'Académie des Sciences, Belles-Lettres et Arts, de Lyon, tenue le Mardi 24 Mai 1763. Par M. POUTEAU, le fils, Docteur en Médecine et en Chirurgie, ancien Chirurgien en chef du Grand Hôtel Dieu de Lyon, de l'Académie des Sciences, Belles Lettres et Arts de la même Ville, Associé de celle de Rouen, et Correspondant de l'Académie Royale de Chirurgie. A Lyon, chez G. Regnault, 1763. 8. pl. 3.

i. e.

Tentamen de rabie Auctore Cl. POUTEAU.

Sumpfit sibi Cl. Auctor in hoc libello, ob nouam tristis huius morbi theoriam, tam ingeniose excogitatam, quam eleganter propositam, aequae ac ob breuitatem ubique priori iunctam, omnino laudando et auctore suo digno, variis probare argumentis, venenum, morsu rabiosi animalis vulnere instillatum, sola impressione locali quaecunque symptomata hydrophobiae superuenientia producere, nec requiri, ut ad sanguinem penetret, et hunc cum ceteris humoribus, imprimis cum saliva inquinet atque corrumpat. Est itaque rabies, ut pluries Cl. Auctor in libello repetit, siue spontanea fuerit, ut illa canum, siue morsum animalis rabiosi insecuta sit, non generalis omnium humorum, sed particularis succi salivialis deprauatio, a singulari atque quidem praeternaturali modificatione organorum salivam conficientium oriunda. Haec modificatio vel ab eretismo conuulsivo pathemata animi vehementiora concomitante,
vel

vel a suscepto varia ratione veneno hydrophobico
 ortum habet. Prius, quod nimirum homines sine
 praecedente morfu rabiem contraxerint, variae va- p. 6.
 riorum observationes comprobant, hoc vero quoti-
 diana experientia comperitur. Quod sola autem im-
 pressio localis tot varia, quam quibus hydrophobia
 stipata esse solet, symptomata producere valeat, ana-
 logis duabus Noster probare annititur observationi-
 bus. Femina nempe ante quatuor iam annos vali- p. 13.
 dius post aurem contusa, vehementi ira excandescit,
 qua effervescente incipiente, paralyfi in latere con-
 tusioni opposito corripitur. Omnia per sex menses
 frustra adhibentur, tandem pars olim contusa incidi-
 tur, qua vix aperta et paralyfis et reliqua sympto-
 mata evanescunt. Contusionem pectoris, frequentes p. 14.
 conuulsiones, cum abolitione sensuum, omnique,
 praeter aquam et syrupum, quaevis alimenta per
 quindecim menses adsumendi impotentia, quin per
 tredecim dies plenaria ab omnibus et alimentis po-
 tulentisque abstinentia insequiebantur. Mala haec
 omnia, quae ab initio erant leuiores, post sex annos
 vero ad eum vehementiae gradum peruenerant,
 quem mox descripsimus, sola incisio partis alioquin
 contusae illico fugauit. Potest igitur venenum hy- p. 22.
 drophobicum, eodem modo, vt serum in contusione
 effusum, per longum tempus insons in morfa parte
 conquiescere, donec aut plus acrimoniae acquisue-
 rit, aut nerui variis a causis sensibiliores facti sint;
 quo facto cicatrix vulneris colorem prae se ferre in-
 cipit rubrum aut violaceum, doloribus superuenien-
 tibus plus minus celeri cursu ad gulam adscendenti-
 bus, ibidemque ductus saliuam praeparantes funden-
 tesque ad spasmos crebriores proritantibus, vnde,
 loco dulcis et saponacei liquoris, lentus ac venenatus
 humor conficitur, veluti in plantis succi venenati aut
 salutaris varia indoles, soli filtrorum, per quae du-
 cuntur,

- p. 23. cuntur, differentiae adscribenda est. Causam, quae canes prae reliquis animantibus, rabiei obnoxios reddat, in eo quaerit Noster, quod, cum non sudent, sudoris acrimonia aut cursu intensa, aut variis in morbis critice huc delata glandulas ipsorum salivales ita adficiat, ut spasmis contractae venenatum humorem secernant. Qui fiat, ut effectus suos perniciosos venenum hydrophobicum, vel in his inprimis partibus exferat, se plane ignorare Cl. Auctor confitetur, at difficius tamen quaestionem solui autumat, si vniuersalis humorum deprauatio, quam si sola localis impressio accusetur. In conclusionibus practicis, adsumtae theoriae superstructis suadet, ut quantocius morsum membrum rescindatur, aut vulnus aqua tepidiore aut oleo illico, et quidem saepius abluatur, vnguenta mercurialia laesae inprimis parti infricentur, omnia, quae sensibilitatem aegri irritare poterant, remoueantur, ipsa pars morfa ferro excindatur, aut causticis, praecipue igne absumatur, et si haec frustra adhibita videantur, etiamsi per aliquod iam tempus aeger rabie correptus sit, nihilominus resecetur.



10 ANNIS THEODORI ELLER, Medicinae Doctoris, Borussorum Regi a consiliis intimis et Archiatri, classis physicae Academiae Regiae Scientiarum, collegii supremi medici, collegii medico-chirurgici, vt et omnium medicarum rerum ac chirurgicarum, totius regni Praesidis ac Directoris, Regiorum exercituum Medici primarii etc. Observationes de cognoscendis et curandis morbis, praesertim acutis. Regiomonti et Lipsiae, sumptibus Viduae Woltersdorffii, 1762. 8. pl. 19.

Quindecim sectionibus, vt synoptica tabula in fronte libelli docet, observationes hae comprehenduntur, in quarum 1) Cl. Auctor agit de statu corporis humani sano et aegroto, 2) de febribus in genere, 3) de febribus continuis, 4) de febribus intermittentibus et continuis remittentibus, 5) de febribus continuis remittentibus in genere, et in specie de veterum quotidiana continua, seu catarrhali benigna recentiorum, 6) de febribus catarrhalibus malignis, cum vel sine exanthematibus, 7) de febribus acutis inflammatoriis, 8) de tabe seu phthi-pulmonali, reliquisque febribus lentis hecticis, 9) de hepatitide et ictero, 10) de nephritide et calculosis affectibus, 11) de ventriculi inflammatione, 12) de intestinorum inflammatione et dysenteriis variis, 13) de dysenteria epidemica, 14) de apoplexia, 15) de paralyfi.

In sectione itaque prima *statum corporis humani sanum et aegrotum* considerans Noster, vi fibrarum contractili progressum motuum vitalium, aequae ac p. 6. naturalium, maxima ex parte tribuit, fluidorum vero

ro motum, causae suae proportionalem, quascunque corporis nostri functiones actionesque perficere, atque tunc quidem perfectae sanitatis ideam sistere statuit, contrarium autem euenire existimat, si motus iste impedimenta offenderit. Morborum causas aer, alimenta, motus musculorum, vigiliae et animi pathemata subministrant. Has breuiter Cl. Auctor percurrit, et ad signa diagnostica et prognostica transit, e quibus primum pulsum et respirationem, dein lotium, sudorem, tandemque sanguinem examinat, de cuius pellicula albida tenacique nimis forte generaliter adferit, quod veram semper inflammatoriam febrem denotet, siquidem aliquando vel sanissimi caeteroquin hominis sanguinem crusta talis contegit, quae in aliorum vera inflammatoria febre decumbentium cruore interdum omnino desideratur.

P. 45. Sequuntur febres, quarum pathognomonicum signum celeritas pulsus, functionis cuiusdam laesioni iuncta, constituit. Causam, quae efficit, ut per varios accessus intermittens febris recurrat, in eo Nos-ter ponit, quod materia vasa capillaria arteriosa obstruens, primo paroxysmo soluta, ex his quidem in venosa propellatur, neque tamen e corpore eliminatur, sed circa venarum latera lente protrudatur, usque dum in maioribus venarum ramis collecta ad cor, et ex hoc in minima iterum arteriosa ducatur, et haec obstruendo nouum denuo febris accessum

P. 53. producat. Causam febris proximam circuitus sanguinis impeditus cum functionis alicuius partis debilitate aut laesione sistit. *Ephemera* neutiquam a materiali febrium causa, in sanguine aut solidis partibus haerente, sed a solo sanguinis circuitu aucto febrili aemulo, a vitio inprimis sex rerum non naturalium orto proficiscitur. *Synochus* simplex praeter regimen conueniens, diluentia et refrigerantia, inter-

interdum etiam venae sectionem atque purgantia desiderat, *putris* autem, cui putredinis denominationem minime convenire Cl. Auctor autumat, si plethoricus aeger est, phlebotomiam, post ea vero decocta farinacea acido citri saturata, nitrosa, acida mineralia et camphorata exposcit. *Ardentis febris* curationem purgantia antiphlogistica, venae sectiones, decocta farinacea acidulata, nitrosa absorbentibus iuncta, et clysmata cum crebriori aeris renouatione absoluunt. Succedunt *intermittentes*, quarum eam, quae quotidie recurrit, salibus mediis, et amaris Cl. Auctor profligat, quae et in tertianis plerumque adeo egregium effectum exeruisse fatetur, ut non nisi in debilioribus aegris senibusque ad peruvianum corticem confugere cogeretur, quem vero in quartana, praemissis resoluentibus euacuantibusque, summi omnino usus esse, iure contendit, opiata vero maxime fugienda esse existimat, siquidem ab eorundem in accessu paroxysmi adsumptione ipse bis funestam phrenitidem observavit.

Febres continuas remittentes, vtpote quotidianam, p. 104. tertianam et quartanam continuas, ex intermittente et continente febre mixtas breuius examinat, et ad *catarrhalem malignam* transit, lenioribus euacuantibus, acidis aliisque antiseptica virtute pollentibus, quin etiam, si opus fuerit, venae sectione subigendam. In *variolarum* pertractatione primum se fuisse p. 134. gloriatur, qui Parisiis harum insitionem tentauerit, et post illud tempus plura felici cum successu experimenta fecerit. *Morbillis* venae sectionem, clysmata, diluentia acidulata, tandemque leniora in fine morbi laxantia opponit, in reliquis autem febribus exanthematicis, diluentia et aperientia acidulata cum interpositis absorbentibus commendat. *Febres acutae inflammatorias*, phrenitidem scilicet, anginam inflammatoriam, peripneumoniam et pleuritidem, p. 158.

Tom. XII. Pars III. E e ipsam-

ipsamque peripneumoniam notham solito modo tractat, et ad *tabem* seu *phthisin pulmonalem* reliquasque febres lentas *hecticas* descendit. In priori lac, cum dupla aquae selteranae parte remixtum, reliquis palmam praeripit, in his vero praeter regimen vitae debitum succi plantarum recentium et extracta amara cum ptisanis acidulatis conueniunt. Sequuntur *hepatitis* et *icterus*, quorum illa, si ex causa quadam, inflammationem excitante, nata fuerit antiphlogisticis dissipanda, hic autem remediis saponaceis, gummi ferulaceis, salibus mediis, extractis amaris et laxantibus profligandus est. In *nephritide* inflammatoria venae sectiones, nitrosa, ptisanas demulcentes, emulsionem et clysmata Noster suadet, qui in calculi curatione, cum dissolutiones calculorum cum remedio illo alcalino caustico aequae ac cum aqua calcis tentatae speratum effectum plerumque non edant, lithotomiam methodo Cl. MORAND administratam, ceu vnicum auxilium commendat.

Ventriculi inflammatio post acriora venena ingesta imminens, largam olei oliuarum aut alius cuiusdam pinguedinis copiam postulat, formata vero venae sectiones, demulcentia liquida acidiuscula et clysmata emollientia desiderat, quae pariter optimum praestant auxilium, vbi intestina inflammatio occupat, imprimis si fomentationes emollientes toti insimul abdomini tunc superhabeantur. In *volvulo*, quem in filiulae bimestris ilei portione ipse Noster detexit, methodus illa, vbi globuli metallici, aut magna mercurii viui quantitas intruduntur, ob dubium, quin, qui aliquando abhinc oritur, lethalem effectum, vel prorsus non, vel in eo modo casu, vbi prae nullo anceps praestat remedium, tentanda est. In *dysenteria* per tres aut quatuor dies, et quoties tormina vrgent, ipecacuanha exhibenda, debilioribus autem aegris rhabarbarum propinandum est.

Adstrin-

Adstringentia et roborantia vero non, nisi torminibus imminutis et febre sedata, conueniunt, vbi cum lenioribus etiam anodynis commisceri possunt. Opiata aequae ac adstringentia et carminatiua calidiora, ab initio morbi adhibita, plus semper nocent, quam iuant, ideoque nunquam adsumenda sunt.

In *apoplexia* pulsus et respiratio subsistunt, quoniam cor nervos suos ab intercostali accipit, hic autem, ex opinione Cl. Auctoris, spinalis medullae foveolis est, ideoque cordis motum per aliquod adhuc tempus sustentare potest. Praeter ea etiam cordis fibrillae, nervoso fluido animatae, omni cum cerebro nexu sublato, oscillationem suam retinent, et cordis motum, docentibus id plurimum clarissimorum virorum observationibus, per maius minusue temporis intervallum conseruant, licet nulli omnino amplius spiritus a cerebro ac cerebello ad illud amendantur. In curatione eo enitendum, vt omnis generis euacuantibus humorum ad caput affluxus reprimatur, extrema immobilia aut frictionibus aut acrioribus synapismis et vesicatoriis irritentur, os crebrius stimulantibus decoctis colluatur, et fibrarum debiliū elater deperditus nervinis demum restauretur.

*Paralyse*s ab internis causis natae, pro proxima causa nervorum obstructions agnoscunt, indeque, quae resolvere ipsas possunt, desiderant. Ex medicamentis pro hoc scopo interne sumendis sequentem mixturam optime profuisse adserit: rec. tinctur. antimon. tartaris. vel tinctur. sal. tartar. dr. vj. spirit. corn. cerv. rectific. dr. iij. ess. succin. ambr. et pimpinell. alb. ana dr. ij. M. D. ad guttas 60 vel 70. bis vel ter per diem cum haustulo aquae communis. Ante cubitum pillulas resoluentes ex panacea mercuriali, sulphure antimonii aurato ultimae praecipitationis et extracto resinoso radicis pimpinellae

albae commixtas commendat. Experimenta electrica effectus desideratos Berolini neutiquam exeruisse adferit.

VI.

IOH. BAPT. MORGAGNI P.P.P.P. Opuscula miscellanea, quorum non pauca nunc primum prodeunt, tres in partes diuisa. Venetiis, ex typographia Remondiniana, 1763. fol. P. I. pagg. 120. c. effig. Auctoris P. II. pag. 75. P. III. p. 84.

Qui ob praeclara de re anatomica edita et a summis anatomicis probata scripta, *aduersaria* nimirum *anatomica et epistolas anatomicas*, tantam consecutus est laudem et nominis gloriam, ut neque legisse ea, neque nosse, dedecori habeatur et non nisi tiro anatomicus iudicetur; qui ob egregias de anatomie practica editas et magno iudicio *de sedibus et causis morborum* conscriptas *observationes* nuper *) a nobis laudatus fuit; qui denique eleganti scribendi ratione, diligentia et perspicuitate, qua in emendandis A. C. CELSO et SERENO SAMONICO versatus est, aliisque ad antiquitates et artem criticam pertinentibus scriptis adeo inclaruit Cl. MORGAGNUS, ut princeps inter celeberrimos in arte critica viros eius locus habeatur, eius opuscula miscellanea, iunctim iam edita, quum ad manus nostras venerint, digna, quae a nobis commemorentur, visa sunt. Horum interim ampliori supersedere possumus recensitioni, cum magna pars, vel olim seorsim, imo aliquoties typis iam impressa sit, vel cum aliis scriptis iunctim edita inueniatur, quare summam hic tantum indicasse sufficiat, quo perspiciant Lectores, quatenus in iis contineantur, et quae noua accesserint.

Parti

*) vid. Commentar. nostr. Vol. XI. P. IV. p. 677.

Parti I itaque inest: 1.) *Orat. sistens nouam ide-*
am institutionum medicarum. 2.) *De via atque ordine*
ab se in tradenda publice medicina et anatome seruato
Epistola ad ANT. LARBER a. 1761 scripta. Cl. MOR-
GAGNO, octogesimo aetatis suae anno epistolam
hanc scribenti, septies et quadragesies quotannis ana-
tomicos in theatro sermones habuisse, contigit feli-
citas anatomicis adeo rara. 3.) *Quaedam (XXIV)*
anatomicarum praelectionum prooemia. 4.) *De anato-*
micis EUSTACHII tabulis epistola ad IO. MAR. LAN-
CISIUM. 5.) *De glandulis epist. ad PETR. ANT.*
MICHELOTTUM. 6.) *De lacrymalibus ductibus et*
eorum obstructione epist. ad DOMINIC. ANELIUM.
7.) *De lumbricis epist. ad ANT. VALLISNIERIUM.*
8.) *Epist. ad LUC. SCHROECKIUM, binas obserua-*
iones, alteram de acu intra vesicam intrusa, de excre-
scencia membranae adiposae alteram, complectens. 9.)
De calculis felleis epist. ad eundem. 10.) *De venae*
cauae varicibus epist. ad ANT. COCCHIUM. 11.) *De*
vesicae calculis a Fr. IACOBO BEAULIEU Patauii
exfectis et de casu Corneliae Bandiae Epist. ad SALUA-
TOR. MORAND. 12.) *in locum VITRUVII (Libr. I.*
6.) medicum Epist. ad IO. POLENUM. 13.) *De iis,*
quae a VALSALVA in Bononiens. academia instituti
scientiarum recitata fuerant, Epist. ad FRANC. MAR.
LANOTTUM. 14.) *Experimenta circa aquam calcis*
quae. 15.) *Responsum medico legale circa obstetricum*
iudicium de mulieris virginitate. Quaestio fuit, sitne
incertum admodum obstetricum iudicium de virgini-
tate feminae, cuius naturalia recognouerint vel post
sum balnei aquae calidae? Adductis sententiis prae-
stantissimorum scriptorum, qui statuerunt, nullas
dari certas virginitatis notas, illamque a peritissimis
medicis non posse agnosci, multo minus ab obstetri-
cibus, insimul probat, praecipua illa duo laudata
signa, quae ab angustia ad orificium vaginae et a

p. 37.

membrana, hymenem quam dicunt, desumuntur, saepius fallacia esse. Causae, ob quas fallacia deprehenduntur, sunt aut ab arte, aut a morbo, aut a natura. Quorum singula genera postquam exemplis illustravit, ratione et observationibus confirmat, non posse a medicis virginitatem, ne per haec duo praecipua signa cognosci, ex quo simul alterum elucet, multo minus id fieri posse ab obstetricibus, vel post usum balnei aquae calidae. 16.) *Super seminis emitendi impotentia Responsum medico-legale alterum.* 17.) *Responsum medico-legale tertium, an post septem a conceptione menses infans nasci possit vitalis et perfectus?* Cui rei neque rationem neque experientiam obstare respondit.

Sequuntur in A. CORN. CELSUM et Q. SER. SAMONICUM *Epistolae* X. ad IO. BAPT. VULPIUM scriptae. Harum tres priores in CELSUM et nona in SERENUM, in quibus de utriusque Auctoris variis editionibus, libris manuscriptis et commentatoribus agitur, anno 1721. iam scriptae et seorsim editae, itemque Hag. Comit. 1724. recusae, nunc de novo iterum impressae sunt; addidit iis vero quinque alias in CELSUM, itidemque alteram in SERENUM epistolas, pari doctrina et ingenio exaratas, annis demum 1749 et 1750 scriptas, quae impressae primum inveniuntur in noua A. C. CELSI et Q. SERENI SAMONICI editione, quae Patauii 1750 tomis II. 8vo prodiit. Ordinem in prioribus epistolis seruatum et in his retinuit, ita, ut primum, postquam reprehensiones nonnullas a SCHULZIO aliisque doctis viris sibi et Cl. VULPIO factas depulit, de CELSO ipso nonnulla, deinde de his eius libris plura adiiciat, et ostendat, se non in verba LINDENII aut ALMELOVEENII iurasse, sed antiquos potius codices, ubi cum ratione consentiant, contulisse: in vltima tandem in CELSUM epistola iudicium suum ad annotationes vario-

variorum in CELSUM a Cl. VULPIO sibi missas addit. In decima seu vltima, quae est in SERENUM altera, ad obiectiones nonnullas ipsi a BURMANNO factas respondet, nonnullosque denuo adducit locos, de quibus aliter, quam proposuerat BURMANNUS, sentit Cl. MORGAGNUS.

In parte II continentur: 1.) *De PROSPERO ALPINO, Epistolae II ad HIERON. DAV. GAUBIUM.* 2.) *De PHILOLOGO Rauennate et de ANGELO Bolognino Epist. ad IO. ASTRUC.* 3.) *De vita et scriptis DOMINIC. GUILIELMINI commentariolus.* 4.) *De vita et scriptis ANTON. MAR. VALSALVAE commentariolus.* 5.) *De genere mortis Cleopatrae Epist. II. ad IO. MAR. LANCISIUM.* Verisimile esse censet, aspidis morfu Cleopatram periisse, cum psylli, testibus SÜETONIO et DIONE, ei admoti sint. 6.) *De ordinario FRONTINI consulatu Epist. II. prior ad IO. POLENUM, ad PETR. PLUVENIUM altera.* 7.) *De quadam librorum M. VARRONIS particula, ut legitur in veteri codice Epist. ad IO. POLENUM.* 8.) *In VITRUVII locum, ad tempus, quo is scripsit, attinentem, et in alterum veteris auctoris compendii architecturae Epist. ad eundem.* 9.) *Laudationes (IV.) habitae olim, cum Gymnasiarchas aliosue Doctoris insignibus exornaret.* 10.) *In scriptores rei rusticae Epist. IV. prior ad IAC. FACCIOLATUM, tres posteriores ad IUL. PONTEDERAM scriptae.* In prioribus binis suam de pluribus COLUMELLAE, de quibusdam PALLADII nonnullisque VARRONIS locis sententiam et explanationem exponit, in vltimis binis COLUMELLAM et FL. VEGETIUM inter se confert, alterumque ex altero emendare tentat, suasque denique emendationes in VEGETIUM tradit.

Pars III. complectitur Epistolas XIV historico-criticas, ad varios scriptas, nunc primum prodeuntes. *Aemilianae* dicuntur non modo, quia pleraeque olim

scriptae fuerant in Aemilia, sed et quia omnes ad antiquitates et geographiam partis non modicae illius provinciae attinent.

Hoc loco non reticendum est, omnia Cl. MORGAGNI scripta Venetiis in typographia Remondiniana 1763 in folio recusa et in V volumina praefixo simul titulo vniuersali: *Operum omnium* esse diuisa: cuius nouae editionis particulam sistunt opuscula nunc a nobis indicata.

VII.

Chemischer Versuch des Nieder Oesterreichischen Baadner Baades, dessen sowohl innerlich - als äußerlichen Wirkung, und durch Misbrauch desselben ohnfehlbar folgenden Schaden; nebst einem neu erfundenen und sehr nützlichen mineralischen Salze. Verfasst von FRANCISCO XAVERIO DE MARE, Ph. ac Medic. Doctore N. Oe. Landschaftsphysico. Wien, gedruckt bey Johann Thomas Trattnern 1763. 8vo. pl. 5.

i. e.

Tentamen chemicum thermarum Badensium in Austria inferiori sitarum, in quo agitur de earum virtute interna ac externa; atque de noxis, quae earum abusum sequuntur; nec non de sale quodam minerali nuper inuento et valde utili. Auctore FRANCISCO XAVERIO DE MARE.

Thermae *Austriacae Badenses* multis abhinc temporibus iam notae fuere: harum tamen thermarum examine physico et medico huc vsque carui-
p. 9. mus. Praeter ea enim, quae Cl. DIETMANN in
Diff.

Diff. inaugur. 1732 habita, de thermis hisce protulit, nihil, ad nostram saltem cognitionem venit. Laudem igitur meretur Cl. DE MARE, quod nobis has thermas notiores facere voluerit: licet non negandum sit, nos exactiorem ac pleniorē descriptionem harum thermarum adhuc expectare. In omnibus enim, quae scire cupiuimus, nobis non satisfecit Noster. Dolendum quoque, quod germanicam linguam non satis calluerit, quo factum est, ut sensum aliquando assequi non possemus.

Totum opusculum tribus capitibus absoluitur. p. 10.

Primum agit de *salibus*. Quatuor species salium, qui in vicinia thermarum *Badensium* effloruere, animaduertit atque collegit Cl. Auctor, eorumque examen instituit. *Prima* species ad latera montium, apud introitum ad fontis originem, reperitur, et ad mediorum salium naturam inclinare videtur, licet ob paucam copiam, quam adeptus est, nihil certi determinare ausus sit. *Altera* ad murorum et fornicis, qui ad fontem ducunt, parietes obseruatur, et ad priorem accedit. *Tertia* species in pavimento camerae, tempore veris, auctumni et hyemis, copiose efflorescit, et instituto examine chemico, salem, mirabili GLAUBERI similem, praebuit. *Quarta* species ad originem ipsam maioribus frustulis colligitur. p. 18.

Hanc, quum in examine, modo cum acidis, modo cum alcalinis efferbuerit, cuius apparitionis rationem nos in aliis, quam Cl. Auctor, causis quaerimus, ad salem falsum refert. Hoc capite, licet de p. 23.
salibus tantum inscribatur, de sulphure, quod partim in *Reseruatorio thermarum Mariae Theresiae*, partim in balneis ducalibus et *St. Antonii* inuenitur, quaedam adiicit, simulque experimentis probat, massam collectam, et pro sulphure habitam, verum continere sulphur. In huius residuo ope magnetis ferri vestigia detexit: quum vero multis particulis terreis

irretitum sit, terram imperfectam martialem cognominare maluit.

- p. 28. Caput *secundum* de aqua thermali insignitur. Postquam Cl. Auctor nomina balnearum recensuit, et de nuper exstructo stillicidio, quod balneum *Mariae Theresiae* nominatur, rationem reddidit, de vapore sulphureo, quem thermae spargunt, mentionem facit, simulque refert, hisce vaporibus colorem auri augeri, argentum vero nigrescere, margaritas autem albidiores reddi. Gradum caloris modo dictorum balneorum examinat, eumque in origine 98 gradus reperit, vbi dolendum, quod thermometer suum non cum alio noto, e. g. *Fahrenheitiano*, vel *Reaumuriano*, vel alio comparauerit. Aquam thermalem nunc decoxit, massamque terream sale mixtam in fine
- p. 37. accepit, quae, quod colorem et copiam attinet, pro diuersis balneis etiam diuersa fuit. Factis dein variis cum aqua experimentis, ex illis tandem Cl. Auctor
- p. 43. concludit, in thermis hisce contineri, 1. crama, vt ait, sulphureum, 2. partes vitriolicas, 3. terram martialem, 4. terram alcalinam salis communis. Ex partibus autem vitriolicis no. 1. et ex terra alcalina salis communis no. 4. salem mirabilem componi auctumat, qui etiam inter experiundum se vario modo prodit.
- p. 51. Sequitur nunc caput *tertium*, quod agit de vsu et abusu harum thermarum, nec non de cautionibus in curatione sumendis. Vocantur autem hae thermae in vsum tam externum, quam internum. Si interne sumuntur, aquam ob varias rationes lacte misceri iubet Cl. Auctor, licet aliis, qui lactis vsum
- p. 58. ferre non possunt, et sine lacte suadeat. Plurimum tamen hae thermae externe in balneis adhibentur, vbi certe magnam adferunt vtilitatem, singularemque exhibent virtutem.
- p. 62. Transit Cl. Auctor ad modum et rationem, quibus balnea in vsum vocanda sunt. Varia hic occurrunt,

runt, quae ad balneandi tempus ac ordinem, deinde ad numerum balneorum et ad diaetam, in usu balneorum obseruandam, pertinent. Hac occasione iure taxat Cl. Auctor consuetudinem, qua multi statim post prandium balnea ingrediuntur; vel nimis diu in illis morantur; vel bis in die eis vtuntur, quum semel praesertim his, qui debiles sunt, sufficiat. Quae ad diaetam attinent, communia satisque nota sunt: quae autem in modo balneis vtendi mo-
net Cl. Auctor, omnem attentionem merentur. Hic p. 69. merito reprehendit eos, qui ex praeconcepta quadam opinione, vt sulphur scilicet, vti sibi fingunt, rursus abluant, post usum thermarum balneis domesticis, ex aqua fluuiatili paratis, vtuntur, et partes solidas horum usu rursus laxant, quas ante usu thermarum, quibus vim stringendi attribuit, roborarunt.

Adiicit tandem Cl. Auctor morbos, quibus p. 75. thermae *Badenses* medentur, in quorum numero praecipui sunt ea mala et molestiae, quae vulneratis restant, ac curatu plerumque difficilia sunt, et usu harum thermarum externo certe, si vnquam fieri potest, curantur, vel saltem leuantur: in cuius rei testimonium multi adducuntur milites, vltimo bello vulnerati, et his thermis rursus sanati.



VIII.

Medical Observations and Inquiries. By a Society of Physicians in London Vol. II. London printed for William Iohnston. MDCCLXII. 8. mai. alph. 1. pl. 6. tab. aen. 4.

h. e.

Observationes et disquisitiones medicae a societate medicorum Londinensium editae Vol. II.

Voluminis primi editio altera et correctâ iam anno quinquagesimo octauo prodiit *) nunc secundi voluminis **) summam cum Lectoribus nostris communicamus. Hoc certe citius prodiisset, nisi mors praestantissimi focii Cl. CLEPHANE accidisset, et eius observationes subduxisset. In hoc autem volumine multa de mercurii sublimati viribus annotantur, de cicuta vero nihil dictum est, quoniam eius effectus a societate nec laudari nec negari poterant, sed continuatis tentaminibus aut vnum aut alterum demum euincendum sit. Sequentia vero exponuntur.

- p. 1. 1.) Epistola Cl. IOH. TRAVIS ad Cl. IOH. FOTHERGILL, *qua ostenditur, vasorum cupreorum vsum in nauibus non ultimam scorbuti nautarum causam esse.* ***) Cl. Auctor ab initio monet, Cl. LIND minus recte asseruisse, HIPPOCRATEM et veteres medicos hunc morbum non cognouisse, cum ab ARETAEO causa in paludosis locis, aquis salinis et putridis posita, et
- p. 4. symptomata descripta fuerint. Ostendit itaque, quam-

*) vid. Comment. nostr. Vol. VIII. Part. II. p. 292.

**) Quod etiam, ut prius, in germanicam translatum linguam, iam anno 1764. prodiit. *Medicinische Bemerkungen und Untersuchungen einer Gesellschaft von Aerzten in London. Zweyter Band. Altenburg 8.*

***) Lecta die 31. Oct. 1757.

quamlibet acrimoniam, aut in corpore natam, aut in illud introductam, si naturalem sanguinis et humorum crasin et densitatem dissolvit, causam scorbuti esse. In epidemico igitur hoc morbo producendo causas varias vel sigillatim vel coniunctim, ut in vario gradu concurrunt, recenset, quae ideo attendendae sunt. Victus corruptus in nauibus, aer humidus et putridus, defectus exercitationis cet. ut causae indicatae fuerunt; ostenditur tamen, his causis absentibus, et aere per machinas correcto, hunc morbum existisse. Omnem igitur rem, quae sanguinem et humores veneni instar dissolvit, in causis scorbuti simul recenferi debere, ex abusu mercurialium medicamentorum sine regimine accurato adhibitorum declarat, inde enim anima foetida, gingivae fungosae, dentes vacillantes, salivae fluxus, dolores ventris, dysenteriae et haemorrhagiae ut consueta scorbuti symptomata oriuntur.

Cum itaque mineralia venena simili resolutoria p. 10. vi in sanguinem et humores agant, aerugini eundem effectum adscribit. In cupreis vasis, stanno non obductis, cibi in regiis nauibus coquuntur, coctura itaque ipsa, inprimis salinis partibus simul admixtis cuprum soluitur, et viride aeris cibis admiscetur, quod eo magis noxium est, si in vasis impuris simul efflorescit, et ideo maiori copia cibis iungitur. Licet itaque non semper in tanta copia admisceatur, ut vomitus ciere possit, successiue tamen ad massam humorum ducitur et scorbuti causa est. Hoc quidem ex eo quoque patet, quod in iis nauibus, ubi ferrea vasa ad coquendos cibos adhibentur, scorbutus non adeo observatur.

2.) *Relatio de emphysmate* Auctore *GUILLIELMO HUNTER* *). p. 12. Vir quidam, gracili corporis habitu

*) Lecta d. 31. Oct. 1757.

habitu praeditus, die 13. Iulii 1754 de equo lapsus et postea tractus, in latere sinistro ita percussus erat, vt non solum de magno dolore conquereretur, sed etiam difficulter respiraret. Venaesectio protinus instituebatur; cum autem simul in loco doloris tumor oriretur, de sanguine effuso quidem cogitabat medicus, examine tamen accuratiore instituto, stridorem aeris in contextu celluloso, vt emphysematis signum, percipiebat, et pleuram et pulmonem a fracta costa laesa fuisse concludebat. Linteis itaque complicatis aceto vini imbutis, fasciis adstrictis, et venaesectioe repetita morbum coercere tentabat. Sed die sequenti tumor emphysematicus adeo increuerat, vt totum corpus tympani instar distentum et respiratio difficillima sinistram euentum praedicerent. Versus vesperam demum Cl. Auctor accedens, et celere et insigne tumoris augmentum et difficilem respirationem obseruabat, et non tantum palpebras, sed alia quoque loca ita tumida inueniebat, vt cutis ad duorum vel trium pollicum distantiam a musculis et ossibus subiectis remota, scrotum vero et penis ultra modum distenta essent. Cutis itaque, quae rupturae proxima erat, percussa sonum tympani edebat. Pedes et manus non adeo intumuerant, et licet internae partes circa linguam et fauces tumidae essent, idem tamen circa sphincterem ani non obseruabatur.

Fractura costae non detegi poterat, color tamen cutis proxime ad vltimas duas costas non nihil mutatus erat. Incisio itaque in cutem sub scapula pollicis longitudine infligebatur, qua facta aer non tantum cum strepitu profiliebat, sed vndique manibus versus vulnus pressus sensim paulatimque exprimebatur, et ipse aeger leuamen sentiens idem praestare tentabat. Alia postea incisio super musculum pectoralem, alia in scroto efficiebatur, et tumore, quantum

tum fieri poterat, discusso, lintea complicata spiritu et aceto vini imbuta, et fasciae constringentes applicabantur, et, vulneribus apertis relictis, amici aegri de nocte frictiones continuabant. Tertia die respiratione iterum difficiliore reddita, venaesectio larga instituebatur, symptomata quidem tunc successiue imminuebantur, cum tamen sputatio phlegmatis viscida et sanguinolenti declararet, malum ex fracta costa et pulmone inde laeso ortum traxisse, praeter emulsiones pectorales cum nitro venaesectioes aliquoties repetitae ita iuuabant aegrum, vt breui post sanitatem pristinam recuperaret.

Hac data occasione Cl. HUNTER animaduersiones nonnullas *de cellulari contextu et eius morbis* subiungit. Membrana cellularis vt basis minus organica partium organicarum consideratur, affirmat tamen Noster, minus organicas partes corporis non conspici posse, omnesque minimas membranulas vasculares esse. Licet igitur in productione concretionum minimarum mucus minus organicus primum stratum faciat, in hoc tamen noua vascula propullulant. p. 26.

Cellularis autem substantia in reticularem et adiposam distingui potest, in nonnullis locis v. c. in scroto, pene et palpebris reticularis tantum est, in aliis, vbi pinguedo conspicitur, adiposa accedit. Reticularis igitur fabrica, quatenus partes coniungit et molliter habet, eiusque differentia in variis locis, et pro differentia aetatum mutata, fusius hic consideratur. Vbi vero pinguedo in corpore deprehenditur, ibi peculiaris aliqua organisatio seu apparatus glandularis reticulari fabricae iungitur, scilicet vesiculae ad suscipiendum oleum aptae, et vasa adiposa, quae oleosum succum secernunt. Vti itaque medulla ossium a reticulari ossium fabrica distincta est, sic etiam p. 29. p. 33.

etiam loculi adiposi a reticulari opere in corpore disperſo diſtingui poſſunt. Hanc ſententiam Noſter multis modis probare annititur, et anasarcae et emphyſematis ſedem magis in reticulari, quam adiposo opere deprehendi oſtendit. In hydropicis, ubi omnis fere pinguedo exhausta eſt, adiposum opus magis carnosum vel ligamentosum, quam reticulare apparet, aquae effusae quoque pondere ſuo deſcendunt, pinguedo non aequae, ita v. c. nates pinguedine repletae diu preſſae ſitum tamen adipis non mutant. Ex his et aliis obſervationibus concludit Cl. Auſtor, oleum cellularis membranae in peculiaribus veſiculis detineri, anasarcam autem et oedemata tantum in reticulari parte contextus cellulosi.

p. 37. Mittimus multa, quae de anasarca, aſcite, et hydrope ſaccato, inprimis ovarii, fuſius hic propo-

p. 46. nuntur, alia enim de effectu veſicatoriorum in anasarca ſilentio praetermittenda non ſunt. Remota cuticula et corpore mucoſo, quae exſiccationem cutis et contextus cellulosi in ſtatu ſano impediunt, immediate exſudat aqua, et idem praestat, ac ſcarificatio, dummodo in loco declivi applicata ſint, inde enim non tantum materiam perſpirabilem et ſudorem, per orificia vaſorum, ſed et aquoſam partem per interſtitia eorundem, tanquam per filtrum derivat. Hac data occasione, Cl. Auſtor vaſa perſpirationis in parte integumentorum plantae pedis deſcriptione et icone illuſtrare annititur, ſubducta enim cuticula cum corpore mucoſo a cute, teneriora filamenta in angulo interſtitii extenſa deprehendit, et idem demonſtrari poſſe aſſerit, ſi cuticula vel aqua feruida vel putrefactione ſeparata fuerit *).

Sedes

*) Vidimus et nos talia filamenta in cuticulae praeparatione, quae nexum corporis mucoſi inter cuticulam et cutim declarant, ſed tantum in partibus putredine reſolutis, in cuticula enim liquoribus feruidis ſeparata, corpus mucoſum magis cogitur, et extensionem in filamenta non permittit.

Sedes abscessuum in contextu cellulari quaeritur, et recte. Pus tamen duplicis generis esse videtur, vel vbi solida simul destruuntur et verum abscessum formant, vel vbi in interna superficie cavitatum inflammata exsudat, ideoque a Cl. Auctore exsudatio inflammatoria dicitur. De abscessibus veris monet, non adeo copiosa vasa in iis destrui, nisi ad vlcerosam destructionem deueniant, humores tamen copiosius affluere et partes distendere, qua data occasione varia de genesi, progressu et ratione aperiendi abscessus affert. p. 54

Alterum puris genus in cavitatibus post inflammationes superficiales exsudat, et tenuius est, nec vasa destruens. Hoc non tantum in cavitatibus internis, sed ex viis aereis, vagina vteri, vrethra cet. simili modo exsudat, immo in vulneribus ad sanationem accedentibus ex vasis propullulat, minime vero ex eorum tunicis, sed potius ex orificiis vt serum inspissatum propullulare, monet. p. 61

Tandem ad emphysematis considerationem accedit Noster. Hoc vt in mortuis, sic etiam in viuis corporibus putrefactione producitur et gangraenae et sphaceli progressum indicat. Sed alia causa emphysematis est in vulneribus partium ad respirationem pertinentium, vti ex historia morbi supra recensita apparet, diiudicat itaque modeste ea, quae Cll. Viri LITTRE et MERY in Comment. Acad. Scient. Paris. 1713. proposuerunt, et inprimis monet, Cl. LITTRE deincidenda cute nihil proposuisse, Cl. MERY vero illam vt noxiam damnassee, contrarium tamen ex curatione supra descripta apparere. p. 63

3) *Continuatae observationes de usu mercurii sublimati.* p. 70
Non sine fructu mercurium sublimatum methodo ab Ill. VAN SWIETEN. proposita in morbis venereis adhibitum fuisse, in prima parte harum ob-
Tom. XII. Pars III. F f serua-

seruationum notatum legimus *), nunc adduntur epistolae chirurgorum, MILLER, GORDON et BOYD, ex quibus apparet, continuatas obseruationes prioribus non contradicere. Ad triginta duas uncias spiritus frumenti, non sedecim, quae vera dosis est, sed viginti grana mercurii sublimati addiderunt, quod vero augmentum non impleuit expectationem, ut itaque dosis potius medicamenti quam proportio augeri possit. Suadent omnes accuratum diaetae regimen, in primis fugam refrigerii. Melius agit per urinae et sudoris vias, non adeo per deiectiones aluinas, quod si vero hae oboriantur, tamen, intermisso medicamenti usu, cessant. Hyeme dosin vnius tantum cochlearis, mane et vesperi, exhibuerunt, aestate duplicam dosin ferre potuerunt aegri.

p. 88. 4) Epistola Cl. ALEXANDRI RUSSEL *de curatione luis venereae mercurii sublimati solutione praestita*. Octo curationis exempla adducit, consueta dosi usus est, interdum quoque aucta, et hyeme aegris usum aeris liberioris permisit, excepto tempore nocturno: salua nunquam mota fuit, per sudores et urinam egit, deiectiones aluinae nunquam molestae fuerunt. Licet in omnibus ferme post septimum diem symptomata remiserint, usum tamen ulterius continuauit.

p. 99. 5) Epistola Cl. TRAVIS ad Cl. FOTHERGILL *de luxatione femoris **)*. Caput ad foramen ouale antrorsum et deorsum secesserat, describit igitur enchireses in eo reducendo adhibitas, et curationem ex voto cessisse enarrat.

6 Duae

*) vid. Comment. nostr. Vol. VIII. Part. II. p. 318.

**) lecta d. 6. Martii 1758.

6) *Duae relationes de morbis singularibus* a Cl. p. 107.

JOHNSTONE Cl. FOTHERGILL communicatae *). Vir sexaginta annorum ardore ventriculi, defectu appetitus, et aliis cum his coniunctis symptomatibus excruciabatur, variis medicamentis frustra exhibitis, macie confectus octavo mense moriebatur, et praeter angustiam pylori et coalitum cum hepate, in quo abscessus orti fuerant, inflammatio duodeni et pancreas scirrhum ut praecipuae causae morbi et mortis allegantur.

Puer decem annorum, a secundo aetatis anno p. 115. epilepticis motibus agitato, variis medicamentis assumptis nec curari, nec causa morbi detegi poterat, post venae sectiones aliquoties institutas paroxysmi grauiore inuadebant aegrum, tandem paroxysmis quibusdam proxime se excipientibus obortis, in ultimo quasi suffocatus periit. Praeter alia in cadavere reperta, non adeo notatu digna, vena una semis quae in ventriculis cerebri et hydati paulo maior in plexu choroideo reperiiebatur. Cl. Auctor vero praeter reliquis notauit, venam cauam et cor dextrum, nec non sinus durae matris sanguine destitutos, cor sinistrum et aortam, nec non vasa arteriosa piae matris sanguine turgida inuenta fuisse, et hanc sanguinis collectionem, in aliis mortuis non deprehensam, in insultu epileptico adesse concludere videtur.

7) *Effectum vomitus, qui post operationem paracenteseos accessit*, describit Cl. SAMUEL PYE **). p. 121.

Aquas viscidas, et amplissima cannula cum acu triquetra applicata non subduci posse, sed turundas ex spongia interdum ad ampliandum orificium applicari debere, Cl. Auctor monet; idem in muliere trinta sex annorum accidisse narrat, quae tamen vo-

F f 2

mitu

*) lect. d. 20 Martii 1758.

**) lecta eodem die.

mitu, ex accidentalibus causis postea oborto, magnam viscidae aquae copiam et vomitu reiecit et ex vulnere expressit, sanata tamen non fuit, sed post repetitam paracentesin cbiit.

P. 130. 8) *De clausa maxilla* refert Cl. GEORGE MACAULAY *). Foemina viginti octo annorum, nondum maritata, tenerioris corporis habitus, de dolore et tensione pectoris sub sterno usque ad linguam conquerebatur, et maxilla inferior potissimum ita adstricta erat, ut non nisi parum fluidi inter minimam dentium aperturam admitti possit; accedebat spasmus gulae et denegata solidorum deglutitio, pulsus autem tardus et debilis erat. Cum itaque hoc malum sine externa causa a minimis initiis ita increuisset, et venaesectio et blanda purgantia nihil effecissent, Cl. CHALMERS autem, opisthotonum et tetanum, valida spasmodum genera, ex dolore simili sub sterno diiudicasset **), Noster praeter balnea et clysmata in usu opii praecipuum auxilium quaesivit, tincturae itaque thebaicae guttas decem aliquoties de die, postea viginti et triginta a die 26 Junii usque ad diem 16 Julii exhibuit, et largiori opii dosi hunc spasmum consopitum esse narrat, idque ex eo probat, quod aegra die 5 Julii, usum medicamenti intermittens, male se habuerit, continuato vero et aucto usu, adhibitis simul balneis calidis, morbum ita debellavit, ut solida iterum deglutiret, et a spasmio libera maneret.

P. 146. 9) Epistola Cl. RAMSAY ad Cl. MACAULAY de *vasis cupreis* ***). Varia recensentur symptomata, vomitus, convulsiones, deliria, stupores, dolores capitis

*) lecta d. 24. Julii 1758.

**) vid. Comment. nostr. Vol. VIII. Part. II. p. 304.

***) lecta d. 2. Octobr. 1758.

tis, in iis obseruata, qui cibos in vasis cupreis
octos et aerugine inquinatos assumerunt, scorbuti
vero causas alias esse quam viride aeris.

10) *Obseruatio de amputatione cruris sine subse-* p.152.
quenti haemorrhagia a Cl. THOMAS ANTROBUS Cl.
OTHERGILL communicata *). Vir, triginta an-
norum, haemoptoe affectus, in nosodochio febre epi-
demica maligna corripiebatur, quam sphacelus pe-
dis sinistri excipiebat, cortice tamen peruuiano aliis-
que remediis adhibitis, supra malleolos separationis
signa apparebant, quam ob causam amputatio sub
scissura suscipiebatur, qua facta ex vulnere cutaneo pa-
ram sanguinis nigricantis effluebat, ipsae vero arte-
ae cruris, machina tortili relaxata, nullum sangui-
nem plorabant, licet paulo post fomenta applicaren-
tur, fascia tandem siue ligatura arteriae applicata
purpuratio successit, et, miro exemplo, aeger sana-
tus fuit.

11) *Relatio de pertinaci dolore in regione dextri* p.156.
cruris, et remedium quod sibi ipse applicauit Cl. BER-
NARD BAINES **). Dolorem, quem per viginti
septem annos in latere dextro ad vltimas costas sen-
erat, qui saepe ad tractum venterum descenderat, et
ostium per intervalla saepius vehementer affece-
rat, multis et variis medicamentis, inprimis largo
opiutorum usu sopire, frustra tentauerat, tandem
usu aquae calidae inprimis pyrmontanae solatium
obtinuit et plenariam sanationem. Idem in simili
casu virginis septendecim annorum, nec non in do-
lore ventriculi viri viginti sex annorum euenisse,
narrat.

Ef 3

12) Epi

*) lecta d. 12. Novembr. 1758.

**) lecta d. 27. Novembr. 1758.

p. 176. 12) Epistola MICHAELIS MORRIS, *quae chemi-
cam aetheris elaborationem describit et quasdam obser-
vationes de usu eius medico subiungit **). Modum prae-
parationis fusius describit, nos sequentia tantum vt
singularia notamus. Spiritus vini rectificatissimi li-
bris tribus acidi vitriolici concentrati libras tres et
vncias sex admiscet duas semper vncias per inter-
ualla addendo. Postquam per infundibulum, canali
longo instructum, in fundum amplae retortae immi-
sit mixturam, et amplissimum vas recipiens applica-
uit, retortam in balneum arenae disponit, viuido mox
igne applicato, quo liquidum subito ebulliat, tunc
vero, etiam, subito omnem ignem remouet, cum ca-
lore arenae aetheris ascensus satis promoueatur. In
principio viuidum quodammodo ignem exigit, subi-
ta enim ebullitione acidum cum spiritu vini optime
coniungitur et magna copia aetheris acquiritur. Al-
terum monitum de igne subito remouendo ideo ad-
ditur, ne massa turgescens tota in excipulum traicia-
tur, nec vasa rumpantur.

p. 182. Dotes aetheris nunc declarat, ex quibus illam
tantum adducimus, quod in phiala, cum albumine
ouorum vel lympa sanguinis humani agitato, non
coagulum, sed attenuationem efficiat. In viribus
eius recensendis praecipue laudat externam inunctio-
nem, qua rheumatismi pertinaces et alii dolores dis-
sipantur, idque variis curationis exemplis adductis
illustrat.

p. 187. 13) *Relatio de morbo epidemico Edinburgi et aliis
in locis Scotiae australis autumnno 1758 saeuiente ex
litteris Cl. ROBERT WHYTTE ad Cl. PRINGLE da-
tis ***). Morbus catarrhalis erat benignus, multos
quidem inuadens, paucioribus vero ex his, et seni-
bus

*) lecta d. 18. Decembr. 1758.

**) lecta d. 12. Febr. 1759.

bus et imbecillis tantum exitiosus, saepius blando regimine diaphoretico dissipatus, in aliis tussi, rarius diarrhoea, solutus. Causae ex tempestatum vicissitudinibus adducuntur, varia remedia pro diuersitate dispositionis aegrorum et symptomatum adhibita fuerunt, quae non tantum a Cl. WHYTTER, sed etiam ab aliis medicis Scotiae in quinque epistolis indicantur.

14) Excerpta ex variis literis Cl. WHYTTER ad Cl. PRINGLE, quibus usus mercurii sublimati in cura ulcerum phagedaenicorum declaratur *). Ulcera, in variis corporis partibus ex variis causis oriunda, et carcinomatica vel scorbutica, vel herpes exedens dicuntur, nec semper accurate definiuntur. In his internus usus consuetae doseos solutionis mercurii sublimati in spiritu frumenti, saepe ad aliquot menses protractus, utilis fuit, sine eo enim externus sanationem non praestitit. Ad usum externum medicamentum fortius, scilicet scrupulus vnus ad mensuram vnā (pint) additus, exigitur. Cum autem omnia curationis exempla exhibere haud queamus, vnicum tantum addimus. Virgo, octodecim annorum, ulceribus sordidis in crure per duos sequentes annos afficiebatur, huic septem vel octo grana mercurii sublimati, in octo vnciis aquae fontanae soluta, intra octiduum propinabantur, in principio aegra vomitu et ardore ventriculi excruciabatur, postea curatione descripta aliquoties repetita, per deiectiones aluinas, sudores et vrinam largam, nec non aliqualem sputationem ita curata fuit, vt symptomatibus dissipatis ex voto conualuerit.

15) Epistola L. B. VAN SWIETEN ad Cl. SILVESTER de usu mercurii sublimati in cura opacitatis oculi.

F f 4

Cum

*) lecta d. 16. Febr. 1759.

Cum lue venerea laboranti cornea per plures annos opaca fuerat, et usu mercurii sublimati non tantum lues, sed etiam oculi opaci sanarentur, in iuvene, cui ex ophthalmia, male curata, opacitas corneae immo lentis crystallinae relicta fuerat, usus mercurii sublimati tentabatur, per octodecim itaque menses solutio mercurii adhibita fuit, interdum tantum, recrudescente ophthalmia, intermissa, curatio tamen ex voto cessit: praeter internam curationem acetum spiritu salis ammoniaci saturatum et aqua florum sambuci dilutum in fomentis applicatum fuit.

P. 235. 16) *Relatio de oleo Ricini vulgo Castor Oil dicto, et eius effectū medico, speciatim in affectibus biliosis* Autore Cl. THOMAS FRASER, communicata a Cl. MACAULAY *). Semina Ricini americani fructu racemoso hisido contusa, vel cocta vel pressa, oleum exhibere veteribus iam notum erat. Hoc et in usus lampadis adhibetur, in Antigoa tamen inter purgantia praestantissima refertur. Cochleare vnum singulis horis datum dosis est, qua tertia quartaue vice exhibita alius blande mouetur, lubricante praeterea virtute siccitati ventris et doloribus inde ortis medetur, ideoque etiam in affectionibus renum exhiberi potest, nec non infantibus parciore dosi propinatur. In fine annotatur, in insula Guadalupe idem medicamentum in usu esse.

P. 241. 17) *Affectus scorbuticus vehementior ex literis* Cl. PUGH ad Cl. FOTHERGILL **). Foemina, viginti duorum annorum, de extremitatum dolore conque- rebatur et paulo post in his, lingua et gingivis niger color ut signum sphaceli imminentis apparebat; pul- sus celer et debilis. Cortex peruuvianus et martia-
lia

*) lecta d. 26. Mart. 1759.

**) lecta d. 21. May 1759.

alia aliaque remedia interna et externa, ob insignem varietatem vix recensenda, quatuor circiter mensium decursu sanitatem restituerunt.

18) *De usu externo corticis peruiani exempla cu-* p.245.
rationum affert Cl. P Y E *). In febribus, tussi et
pasticis insultibus, infantibus, qui usum corticis in-
ternum non admittunt, epithemata sicca, corpori ex
hoc cortice applicata, non sine fructu fuisse narrat.

19) *Foemina grauida lue venerea laborans solutione* p.256.
mercurii sublimati curata Auctore Cl. MACAULAY **).
Scrupulum vnum mercurii sublimati in mensura
(pint,) spiritus vini gallici soluit et primum coch-
leare semis bis de die exhibuit, et cum expectatum
effectum perspiceret, non tantum continuauit, sed
condylomatibus etiam venereis solutionem mercurii
aqua dilutam illiniuit, et decoctum sassaparillae sub-
iunxit. Foetum edidit septimo mense venerea labe
non inquinatum, et continuata postea curatione con-
ualuit. Et aliam foeminam grauidam ita curauit,
quae tamen foetum septimestrem, paulo post mor-
uum, edidit.

20) *De usu corticis in affectibus scrophulosis ex li-* p.265.
bris Cl. BOND ad Cl. FOTHERGILL ***). Foe-
mina, tumoribus scrophulosis circa collum affecta,
ex quibus nonnulli in suppurationem tendebant,
appetitu simul prostrato cum summa debilitate ob-
seruato, ter de die drachmam semis corticis peru-
iani sumsit, glandulis emplastro saponato tectis,
post tres menses sanata, et, sumtis aliis centum medi-
camenti dosibus, sanitas porro confirmata fuit. In

F f 5

alia

*) lecta d. 10. Sept. 1759.

**) lecta d. 14. Ian. 1760.

***) lecta d. 19. Nov. 1759.

alia Cl. Auctor similem curationem, additis aliquot granis chalybis, praestitit.

p. 269. 21) *Excerptum ex literis* Cl. VAGE *ex Senegallia* d. 15. Octobr. 1759. communicavit Cl. BROCKLESSBY *). Febrem describit epidemicam malignam, quae nec venaesectione coerceri, nec largis sudoribus solui potuit, lethali saepe exitu; cortice autem peruuiano, julapio camphorato et spiritu vitrioli exhibitis, curationem admisit.

p. 273. 22) *Relatio de fistula in utroque testiculo orta* Auctore Cl. INGHAM communicata a Cl. MORRIS **). Ex violenta compressione testiculorum, inflammatio non discussa in suppurationem abiit, qua finita, saniei excretio cum induratione epididymidum remanebat. Cum autem aeger, ulteriori curatione neglecta, matrimonium iniret, in coitu tamen semen excernere haud posset, effluxu externo nimium aucto, orificia specillo disquisita veras fistulas offerebant, quibus dextre incisis et sanatis effluxus tandem cessauit, et spermatis vera excretio suo tempore successit.

p. 278. 23) *De usu spongiae post amputationem applicandae* differit Cl. KIRKLAND et communicavit Cl. HUNTER ***). In iis, qui amputationem in extremitatibus sustinuerunt, praecipue in aegris ad cacochymiam procliuibus, suppuratione post inflammationem accedente, materia tenuis resorbetur, per urinam et deiectiones aluinas saepe excreta, quae tamen non raro simul febrim colliquatiuam excitat. Vfus corticis peruuiani et aliorum remediorum ad
tristem

*) lecta d. 14. Ian. 1760.

**) lecta d. 24. Mart. 1760.

***) lecta d. 5. Maii 1760.

tristem effectum arcendum saepe non sufficit, hinc vulneri, nimiam acris humoris copiam exsudanti, linteam siccum et huic strata spongiae applicat, ut materia tenuis resorbeatur, nec amplius, spissa relicta ad humores transeat; quam rem Noster exemplo curationis addito illustrat.

24) *Aegrum hydropicum* describit Cl. MACKENZIE *). Vir, quadraginta sex annorum, ex variis diaetae vitiis in hydropem anasarcam et ascitem inciderat, remediis variis incassum adhibitis febre continua afficiebatur, in qua usus linguae ita impeditus erat, ut vix articulatam vocem edere posset. Ex consilio Cl. Auctoris decoctum radicis Senegae adhibebatur, eo effectum, ut sitis et calor cessarent et lingua mobilior fieret, hydrops tamen continuavit. Mense iunio 1756 aeger, qui hactenus Edinburgi commoratus erat, Londinum venit et itineris longi incommoda sustinuit. Tria grana vitri antimonii cerati exhibita vomitus et deiectiones excitabant, continuato tamen remedio deiectiones aquosae morbum leuiorem reddebant, ita ut usque ad mensem februarii anni 1757 traheretur. Hydrope tunc iterum crescente paracentesis ter repetita denuo leuamen afferebat.

Hac occasione Noster monet, acum triquetram non in consueta ab umbilico distantia, sed quantum in sedente aegro fieri potest, in inferiori et paulo anteriori abdominis parte immittendam esse, quo aquae copiosius subducantur, quod insuper motu cannulae introrsum vel extrorsum actio iuuatur.

Sed aquis iterum collectis, aeger vomitu pertinaci excruciabatur, quo quidem magna vis aquae excernebatur, aluum tamen nec repetita clysmata mouere poterant, purgante tamen successiue dato, aluus

*) lecta d. 14. Iulii 1760.

alius iterum succedebat. Vomitu interea id effectum erat, ut femora et crura anasarca distenta subsiderent, et ascite quoque superato, aeger medicamentis roborantibus, diaeta apta, exercitatione corporis et balneis aquae marinae applicatis, omnem hydropem superaret; post quindecim tamen menses phreniticus factus periit. Similis etiam casus adducitur, ubi vomitus copiosae materiae aquosae et nigricantis hydropem sustulit.

- p. 299. 25) *Separatio notatu digna partis femoris* Auctore Cl. MACKENZIE *). Puer, tredecim annorum, femore vehementer percusso, tumorem, dolorem et inflammationem sensit, neglecta tamen curatione, tres pollices supra genu orificium paruum sponte apertum sanie plorabat. Puer interea baculo tantum sustentus ambulabat, donec post duos annos matutino tempore, orificio largius aperto, pars media femoris, utrinque carie adesa, septem et dimidii pollicis longitudine sponte prodiret, quae Tab. I. fig. 5. delineatur. Mira omnino naturae in sanandis corporis laesionibus praestantia: nouum enim os callo succrescente interea natum fuit, et sine auxilio p. 303. chirurgi tandem sanatio successit. Cl. HUNTER tibiam simili ferme ratione laesam in tabula II. delineari curauit. Amputatione enim supra genu facta, in osse, quod ipsi communicatum fuit, pars tibia secedens in medio haesit, callo irregulari ubique succrescente, quo quidem os retentum non uti in priori casu secedere poterat.

- p. 307. 26) *Epistola* Cl. MATTHAEI TURNER ad Cl. FOTHERGILL *de cura ascaridum per clysmata fumi tabaci* **). Cum in vulnere umbilici, ob sympto-
mata

*) lecta d. 14. Iulii 1760.

**) lect. d. 25. Aug. 1760.

mata vrgentia, clysmata varia applicata sine effectu excernerentur, fumus tabaci per anum immissus leuamen et excretionem lumbricorum effecit, qua re commotus Cl. Auctor ascarides simili modo eductos exemplo, at vnico declarauit.

27) *De usu vesicatoriorum in regione ossis sacri ap-p. 311.*
plicatorum in cura incontinentiae urinae et paralyfi extremitatum inferiorum, disserit Cl. THOMAS DICKSON *). Cum vesicatoria ad nucham applicata in paralyfi extremitatum superiorum plus commodi praestent, quam si extremitatibus ipsis apponantur, in simili extremitatum inferiorum morbo, nec non in incontinentia urinae applicationem vesicatoriorum ad os sacrum vtilem fore cogitauit Noster, et primum puellae tredecim annorum, incontinentia urinae laboranti, vesicatorium cum fructu apposuit. Paulo post in viro, triginta duorum annorum, post refrigerium vehementes capitis dolores, et post vomitum vehementem et deiectiones per pillulas excitatas paralyfin extremitatum inferiorum cum incontinentia urinae obseruauit, et applicatione vesicatorii dissipauit, praeterea spasmus crurum remanentem simili vesicatorio curauit. Similem curationem Cl. Auctor in foemina quinquaginta annorum et Cl. WOOLSEY in foemina quadraginta trium annorum praestitit. In applicandis igitur vesicatoriis ad origines neruorum respiciendum esse, Cl. Auctor concludit.

28) *Relatio de singulari separatione ossium pubis, P. 321.*
 communicata Cl. HUNTER a medico quodam provinciali **). Foemina, viginti sex annorum, secundo grauiditatis mense de dolore in infima parte abdominis

*) lecta d. 20. Octobr. 1760.

**) lecta d. 9. Febr. 1761.

minis et nonnullis vrinae reddendae incommodis conquerebatur, causam tamen nullam, quam impetum pede factum afferre poterat, variis remediis adhibitis malum mitius reddebatur, leuioraque incommoda grauiditati tribuebantur. Sed tribus vltimis grauiditatis mensibus dolor et reliqua symptomata ita increfcebant, vt se vix vertere posset, et partu tandem feliciter edito, alia peiora v. c. febris cum exanthematibus vesicularibus accèderent, ita vt tandem succumberet. Sectione cadaueris suscepta, ossa pubis ad pollicis distantiam diducta inueniebantur, et cauum formabant, ex quo vncia vna semis puris boni effluebat, quoniam in dextro latere abscessus interne quodammodo processerat, ita vt periosteum non nihil deductum esset. In symphyfi ipsa cartilago dextra non nihil arrosa, sinistra vero glabra et sana deprehendebatur. Reliquae partes vicinae accurate disquisitae parum mutatae inuentae fuerunt.

P. 333. Hac occasione Cl. HUNTER de *symphyfi ossis pubis* disserit, et Tab I. fig. 3 et 4. sectiones eiusdem verticalem et horizontalem delineatas exhibet. Cartilago est substantia densa et polita, ligamentum fibrosa, vtraque tamen in quibusdam partibus ita confundi videtur, vt cartilaginem ligamentosam sistat. Hoc in symphyfi ossium pubis quoque apparet, quae vtrinque cartilagine tenui incrustata in medio ligamentosa magis conspicitur. Externae partes symphyseos ligamentis ita cinguntur, vt fabrica capsulari ligamento non nihil similis sit, superius tamen et inferius transuersa ligamenta crassiora annectuntur. Anchylosin ossium pubis Noster nunquam vidit, aliquam tamen symphyseos relaxationem in grauidis concedere videtur, et licet naturalis cauitas in ea non inueniatur, interdum tamen aliquam diductionem fieri et cauum formari posse, cognoscimus.

29) *Observatio de humero luxato, cuius caput re-* P. 340.
duci non poterat, impedimentis repositionis per sectio-
nem declaratis, iunctis quibusdam monitis generalibus
de luxatione huius partis. Auctor Cl. HENRICUS
 THOMSON communicavit Cl. DICKSON *). Im-
 pedimenta repositionis humeri luxati saepe in valida
 musculorum extendendorum resistantia, saepe etiam
 in ligamento capsulari relaxato et rupto quaeruntur.
 Postquam igitur vir, cuius humerus die 6. Decembr.
 luxatus erat, et reponi non poterat, die 24. eiusdem
 mensis, morbo ex aliis causis superueniente mor-
 tuus esset, sectionem partium luxati humeri studiose
 suscepit et in tabula III. et IV. varias icones addit,
 quae eandem illustrant. Humeri enim caput sub
 cavitatem glenoideam scapulae in saccum quasi no-
 uum transierat, ligamento capsulari rupto, variis ten-
 dinibus ultra modum tensis, periosteo ab humeri
 collo recedente, et osse ipso in illo loco non nihil
 laeso. Porro aliam luxationem humeri describit,
 et quaestiones quasdam siue consuetaria subiungit.
 Cum nos amplam descriptionem repetere nequea-
 mus, consuetaria breuiter tangimus.

Quando caput humeri sub axillam protrusum est, P. 354.
 difficultas repositionis saepe ex eo pendet, quod
 tendo subscapularis et teretis minoris musculi ni-
 mis adstringatur, et collum humeri comprehendat,
 insimulque ligamentum capsulare propendens et
 vehementer resistat, et capitis regressum in cavitatem
 naturalem impediat. Hoc in casu nimia extensio
 per machinas difficultatem auget, quamobrem No-
 ster varias enchireses in repositione commendat.
 Neglecta diu repositio humeri impossibilitatem illius
 tandem praestandae non inuoluit, coagulum syno-
 viae, quod multi allegant, non timendum est, sed si
 fractura complicata est et anchylosis sequitur, vel si
 dila-

*) lecta d. 9. Febr. 1761.

dilaceratum ligamentum in carnem fungosam excrescit, tunc non succedit. Si humerus post repositionem iterum sponte luxatur, non semper indicat rupturam ligamenti, sed separationem tendinis musculi subscapularis et teretis minoris, quibus solis caput in cauitate glenoidea scapulae retinetur. Dolor, qui post repositionem capitis humeri diu remanet, a diducto tendine longo bicipitis musculi pendet, qui in veram sedem redit, si humerus post repositionem blande rotatur.

P. 360. 30) Excerptum ex literis Cl. LAMBERT ad Cl. HUNTER, sistens relationem *de noua methodo sanandi aneurysma* *). Cum in aneurysmate spurio arteria, scilicet vulnere pertusa, ligatura supra et infra laesionem facta et vasis plenaria constrictio debiliorem pulsum redderet et vniuersi brachii vim infringeret, de futura vulneris, quae in labio leporino fieri solet, cogitauit. Occasione itaque se offerente, tentamen institutum fuit, omnibus igitur ita peractis, vt in operatione aneurysmatis fieri solet, et filis quoque ad ligaturam efficiendam dispositis, acum ferream tenuissimam, quartam partem pollicis vix superantem, ita in labia arteriae introduxit, vt filum circumuolui et vulnus ita firmari possit. Sanatio etiam sine ligatura successit, vigore brachii et pulsus iterum restitutus, quamuis tamen curationem felicem exemplum hoc praebeat, tamen Cl. Auctor aliorum attentioni vltiora tentamina modeste commendat.

P. 365. 31) *De cura ulceris phagedaenici per mercurium sublimatum et sassaparillam* disserit Cl. TRIQUET *). Vir, de reliquo sanus, vlcus in labio, et glandulas maxillares induratas contraxerat, variis medicamen-

tis

*) lecta d. 15. Iunii 1761.

**) lect. d. 24. Mart. 1760.

tis per duos menses adhibitis leuamen non sensit, decoctum tamen concentratum sassaparillae, et in eo mercurii sublimati granum vnum solutum, quotidie cum fructu haufit.

32) Relationem *de foetu extra uterum inuento*, in p.369. literis ad Cl. FOTHERGILL, communicauit Cl. BARD *). Foemina viginti octo annorum, in primo puerperio foetum sanum edidit, in secundo autem nono mense dolores ad partum non continuabantur, sed, ventre sensim subsidente, tumor dextri lateris remanebat, quem vsque ad tertium puerperium tulit, quo tamen feliciter superato, febris aliaque symptomata vrgebant, et tumor olim relictus ita mouebatur, vt cataplasmata apponenda essent. Abscessu itaque emollito et inciso, cum sanie partes foetus secesserunt, viribus tamen foeminae constantibus, decuratio facta et cicatrix inducta fuit, et ea fruebatur facilitate, vt infantem vegetum lacte suo nutrire potuerit.

33) Relatio *de noua methodo humerum luxatum reponendi* (sine applicatione ambes) licet per plures menses luxatio subsisterit, et consuetae methodi sine fructu fuerint adhibitae Auctore Cl. WHITE communicata Cl. HUNTER **). Annulo, ad trabem conclauis superiorem infixo, vnam partem trochleae, alteram ad carpum luxati brachii alligauit, et ita exenso brachio aegrum iacentem eleuauit, quo pondus corporis extensionem contrariam praestaret, ne vero carpus ita tensus vim pateretur, cubiti flexuram per ministros sustinuit. Extensione sufficienti facta, caput humeri sub axilla, vel, quod rarius fieri solet, sub scapula reconditum ita dimouit, vt vel subito

*) lecta d. 24. Mart. 1760.

**) lecta d. 29. Iunii 1761.

sabito in cauitatem glenoideam scapulae rediret, vel, si hoc non succederet, ita ad minimum disponeretur, quo postea consuetis enchiresis eo compelli posset.

P. 382. 34) *Relatio de curatione clausae maxillae et aliorum symptomatum spasmodicorum, quorum causa in vulnere quarti digiti sinistrae manus deprehensa fuit Auctore Cl. WHITE, communicauit Cl. HUNTER *)*. Iuuenis viginti annorum, spastica contractione maxillae inferioris affectus, non nisi liquidis alimentis inter dentes dimissis nutritus, crebrius conuulsionibus et cynico spasma tentatus, capite retrorsum ducto, spina rigida, musculis abdominalibus et gastrocnemiis valide tensis, dysuria praeterea et aluo obstructa affectus, Cl. Auctori offerebatur. Hic igitur inter alia etiam laesionem quandam in quarto digito sinistrae manus obseruabat, et praecipuam causam spasmodicorum esse suspicabatur, amici autem aegri contradicebant, cum iam ante mensem digito laesus per tres septimanas nullo spasma tentatus fuisset. Varia medicamenta, vomitorium, purgans, clysmata, cortex, camphora, valeriana, moschus, et haec antispasmodica in larga copia, incassum tamen exhibita sunt. Opium porro, dosibus successiue auctis, tandem singulis horis ad granum vnum propinabatur, inde quidem in somnum coniectus, aliquod leuamen sensit, spasmis omissis opio redeuntibus. Tandem Noster primam phalangam digiti laesi praescindebat, et cum in secunda quaedam fragmenta ossis nervos porro irritarent, his remotis spasmi demum cessarunt, ita vt imminuto successiue opii usu, tandem aeger conualesceret, qui intra quinque septimanas grana 317 opii sumserat.

35) In-

*) lecta d. 24. August. 1761.

35) *Incontinentiam urinae vesicatoriis ad os sa-* p.388.
crum applicatis curauit Cl. DICKSON. Est addita-
 mentum ad relationes similes superius no. 27. pro-
 positas.

36) *Observationes vltiores de singulari quodam* p.390.
aneurysmate tradit Cl. HUNTER *). In volumine
 primo observationum Londinensium de aneurysmate
 exposuerat Cl. Auctor **), et de specie quadam, in-
 ter verum et spurium quasi media, mentionem inie-
 cerat, hanc nunc accuratius disquirat. Si vena per-
 unditur et arteria subiecta simul vulneratur, acci-
 dere potest, vt exterius venae vulnus cum cutaneo
 coalescat, per arteriae vero vulnus sanguis in venam
 proxime vulneratam penetret et ita in circulum re-
 leat. Differt itaque a spurio aneurysmate variis
 modis: vena sanguinem arteriosum immediate reci-
 piens distenditur et varicosa fit; impetus in ea ori-
 tur pulsum referens; sanguis stagnando non coagu-
 latur, sed fluidus progreditur; arteria, in brachio su-
 periori amplior, ad carpum angustior redditur; pulsus
 in variis brachii partibus varius, et a pulsu oppositi
 brachii distinctus erit. Aneurysma spurium itaque
 semper increfcit et tandem rumpitur, hinc chirurgi
 auxilium exigit, hoc vero tandem subsistit et sine
 magno incommodo toleratur, hinc sine vltiori
 cura sibi relinquendum est. Diuersa tamen in variis
 aegris obseruantur phaenomena. Extensio venae
 in aliis maior, in aliis minor est; arteria a vena in aliis
 parum distat, in aliis ita distenditur, vt cauum siue
 sacculus inter venam et arteriam formetur.

Haec, quae nunc breuiter indicauimus, Cl. Auctor
 nobis exemplis illustrat, foeminae primum, in qua
 quatuordecim annis, et iuuenis, in quo iam per
 G g 2 quinque

*) lecta d. 24. Aug. 1761.

**) vid. Comment. nostr. Vol. VIII, Part. II. p. 315.

quinque annos, et in hoc ultimo cum sacco intermedio substitit, in quo etiam varia tentamina constringendo, premendo et agitando instituit, et phaenomena accurate descripsit, tandem nonnullas quaestiones subiecit, quibus hanc aneurysmatis speciem in causis et symptomatibus egregie declarat.

IX.

IOHANN FRIEDRICH MEYERS, *Apothekers zu Ofsnabrück, chymische Versuche zur nähern Erkenntniß des ungelöschten Kalchs, der elastischen und electrischen Materie, des allerreinsten Feuerwesens, und der ursprünglichen allgemeinen Säure. Nebst einem Anhang von den Elementen. Hannover und Leipzig, bey Iohann Wilhelm Schmidt. 1764. 8. Alph. 1. pl. 7.*

h. e.

IOANNIS FRIDERICI MEYER, Pharmacop. Osnabrug. Experimenta chemica accuratiori calcis viuae, materiae elasticae et electricae, substantiae inflammabilis purissimae et acidi primigenii vniuersalis cognitioni inferuientia, vna cum appendice de elementis etc.

Totum opus ex viginti sex capitibus constat: primum characteres externos lapidis calcarei Osnabrugensis describit; secundum lapidis calcarei, acidi puri ope soluti, disquisitionem tradit; tertium disquirat, num calx viua substantia salina sit; quartum de calcinatione lapidis calcarei agit; quintum extinctionem eiusdem, tum aqua, tum aliis liquoribus, tum
etiam

etiam aere liberiori praestandam perpendit; sextum de aqua calcis viuae agit; septimum relationem dictae aquae, euaporatione disquirendae tradit; octavum separationem terrae calcareae purae, per sal alcalinum praecipitatae, et nonum separationem parvis igneae calcis sistit; decimum relationem calcis viuae ad sal volatile vrinofum et sal ammoniacum exhibet, insimulque substantiam salino-igneam calcis viuae aliqua ex parte ex acido constare, sal autem primum causticum aequae ac spiritum salis ammoniaci cum calce pro salis medii specie habenda esse, docet; vndecimum, duodecimum et decimum tertium relationem calcis ad olea vnguinosa, aetherea et spiritum vini exponunt; decimum quartum solutionem sulphuris per calcem sistit, hacque declaratur, substantiam salino-igneam calcis viuae partim ex acido partim ex phlogisto admodum sublimi constare; decimum quintum adhaesionem dicti phlogisti ad metalla ostendit, insimulque de aqua chagedaenica agit et docet, qua ratione calx utpote substantia alcalina considerari possit; decimum sextum declarat, quomodo substantia ignea calcis a sale alcalico, cum quo in sale caustico coniuncta est, separari rursus et cum aqua misceri possit; decimum septimum materiam istam non ex latide calcareo, sed ex igne, in quo calcinatur, oriri et terrae calcareae opponi, ostendit; decimum octavum hanc rem ex eo, quod plura corpora eandem substantiam ex igne suscipiant, probat; decimum nonum de conditionibus, sub quibus dicta materies ex corporibus inflammabilibus, dum comburuntur, separatur, agit pluraque alia exponit; vigesimum substantiam hanc, quid sit et ex quo constet, considerat; vigesimum primum ortum memoratae substantiae tradit; vigesimum secundum notionem idi pinguis denuo considerandam offert, et usum

huius cognitionis exponit; vigesimum tertium disquirat, an et quomodo acidum pingue et materies lucis seu radiorum solis pro materie ignis haberi possit; vigesimum quartum quaerit, anne acidum pingue sit aeris materies elastica? vigesimum quintum exponit, an et quomodo idem istud materies elastica sit; vltimum disquirat, anne idem acidum pingue acidum primigenium sit; hisce omnibus demum appendicem de elementis, et totius libri summam Noster subnectit.

P. I. Lapis calcareus, cum quo Noster experimenta instituit, prope urbem Osnabrugum effoditur, cuius strata superiora paruis conchis petrefactis plena sunt. Haec calcinationi non subiiciuntur, sed profundiora, magis compacta strata, in quibus plures conchitae admodum paruae et complures trochitae reperiuntur. Lapis iste calcareus, vt tutia, coloris grysei est, ponderosus et mediocriter durus, polituram tamen admittit. Lapidis huius grossiuscule contusi vncia vna in spiritu nitri soluta et per filtrum traiecta liquorem, vt aqua, limpidum exhibuit, inque filtro paucas faeces limosas et terrestres reliquit, quae aqua edulcoratae terram tum ponderosam tum leuiorem dederunt. Prior terra, a leuiori separata, decem grana cum dimidio exiguae, pelliculae et longitudinalis crysalli montanae, siliceae et argillaceo-lapideae arenae et micae exhibuit, leuior vero terra ponderis decem granorum ex argilla limosa cum subtilissimis arenae particulis commixta composita fuit. Ex terrae huius parte, aquae regis ope, exigua portio substantiae martialis extracta fuit, aqua vero regis luteum inde colorem obtinuit. Alia portio huius terrae calcinata rubrum colorem acquisiuit, neque vllum odorem sulphureum de se sparsit. Solutio clara, aqua pluuiiali diluta et cum solutione salis tartari vltra saturationem commixta, drachmas septem

Septem scrupulosque duos pulueris valde albi et subtilis dedit, cuius moleculae, sub microscopio disquisitae, vt splendentia, pellucida, crySTALLINA corpuscula, purissimo spato calcareo similia apparuerunt. Lixiuum, post praecipitationem relictum et ad siccitatem vsque destillatum, salem reliquit, qui aqua pura destillata solutus et colatus grana sex terrae albae in filtro dedit, quae nonnullis impuritatibus relictis in spiritu nitri soluta est. Patet igitur ex his, 1) lapidem istum calcareum ad calcinationem subeundam maxime aptum esse, cum totus fere ex terra calcarea pura absorbente constet; 2) nullo sulphure, neque etiam 3) acido sulphureo vel vitriolico imbutum esse; 4) substantiam pinguem, oleosam vel bituminosam ei non inesse, neque etiam 5) glutinosum quid in eo reperiri.

Lapis calcareus in aqua simplici destillata ultra p. II. corae spatium coctus vix mutatur. Decoctum coctum, oleo tartari per deliquium affuso, nullam mutationem patitur. Alia portio huius decoctum solutione argenti commixta turbatur, et calcem albam, in fundo collectam, dat, idemque cum solutione saturni obseruatur. Addito syrupo violarum vel etiam puluere gallarum, vel demum mercurio sublimato soluto, nulla mutatio deprehenditur. Decoctum ex retorta ad uncias duas vsque destillatum, et postea, vase aperto euaporatum, magma flauescens, sapore salis culinari analogo insuperque nauseoso amaro donatum largitur, quod aqua destillata dilutum et colatum in filtro pauxillum terrae relinquit, quae cum spiritu nitri efferuescens parum soluitur; reliqua pars non soluta terram argillaceam subtilem sistit. Lixiuum denuo euaporatum salem sanguinosum, falsum et amarum, in aere deliquescentem, exhibet. Itaque neque vitrioli, neque nitri, neque salis acidum, pauxillum vero salis culinaris

et amari in lapide isto calcareo nondum calcinato contineri, experimentum hoc ostendit.

p. 16. De calcinatione lapidis calcarei Noster notat, eam ligni et lithantracum ope perfici posse, tamdiu continuandam, donec totus lapis in calcem mutetur, calcinationem vltro continuatam nequaquam quidem nocere, sed nullum vsum habere. Licet autem terra calcarea, nondum calcinata, aquae connubium admittat, et cum ea in corpus durum abeat, calcinatio tamen, vt Noster ostendit, ob id inprimis necessaria est, quod eius ope aqua ex lapide dissipetur et terra calcarea in minimas atomos redigatur, sicque is breuiore via in puluerem subtilem mutetur.

p. 21. Calcem viuam aere aequae ac aqua extingui, eamque pauciore aqua magis quam multa, pariterque recentem vehementius quam aeri expositam calefieri atque aliam alia citius aqua extingui, notum est. Inter omnia autem fluida, vt Noster obseruauit, extinctio aquae ope citissime perficitur, lacte adfuso tarde et valde parum incalescit calx, vrina vero citius ea extinguitur, valde incalescit statimque in subtilem et albidam massam dehiscit; cereuisia extinctio tardior fit, neque etiam calx adeo incalescit, idemque affuso vino gallico obseruatur, aceto autem vini magis incalescit, vbi insimul Noster odorem sulphureum percepit, quem vero minime a calce, sed a vino et aceto sulphurato prouenisse, putat. Cur autem calx viua aquae ope incalescat, ex eo Noster deducit, quod inflammabilis in calce deprehendenda substantia in motum ducatur. Eandem enim hancce substantiam, e carbonibus candentibus in calcem ingredientem, mediante aqua in lapidem calcinatum impelli, et tunc interstitia eiusdem replere, simulque igneam illam, subtilem, leuem et elasticam substantiam in motum ducere, hancque ideo incalescere, putat;

putat; eadem autem affusam aquam, aere plenam, calefieri et expandi, hacque, exitum quaerente, cum nullus vltro particularum calcis terrestrium nexus firmus neque ideo vlla resistentia sit, omnes partes disiungi et a se inuicem recedere, adeoque maius spatium occupare, autumat.

Ad soluendam calcem insignem copiam aquae p. 28. sensim paulatimque affudit Noster, vsque dum aqua affusa fere insipida deprehenderetur; tuncque reperit, parum semper calcis definita portione aquae saturari. Tandem terram insipidam non solubilem ex libra calcis viuæ uncias quatuor sexque drachmas pondere aequantem obtinuit, ideoque calcem viuam ex duplici parte, altera in aqua solubili, altera non solubili constare, hancque ex terris variis, arena v. g. etc: in igne nunquam in calcem mutandis compositam esse, illam vero substantiam calcis proprie constituere, et cum aqua coniungi, asserit.

Dum aqua calcis viuæ euaporatur, siue lente p. 33. siue violente id fiat, semper terra insipida, in aqua non solubilis, et pauca portio salis ficci caustici, alcalici, amaricantis, nauseosi obtinetur; ex quo colligitur, id, quod terram illam in aqua solubilem reddat, inque euaporatione abeat, totum homogeneum esse, neque, vt alias substantias, ex crassioribus et subtilioribus constare, sed substantiam singularem esse, cum terra illa in aqua coniunctam, quam tamen aere liberiori accedente derelinquat et in aerem se recipiat. Substantiam hanc acidam esse, nunquam tamen ob id, quod terram illam in aere derelinquat, cum sulphuris, nitri, salis communis et aceti acido comparandam, Noster autumat, siccum vero illum salem causticum, in parua quantitate obtentum, ex paucis illo in lapide calcareo reperiundo sale communi prouenire, et alcali minerale esse, statuit.

p. 39.

Affuso oleo tartari per deliquium, ex aqua caleis viuae terra praecipitatur, quae plerumque in duabus libris cum dimidia aquae calcis nondum drachmam pondere aequat, quaeque edulcorata insipida est, neque quidquam cum caustico illo, in aqua calcis alias deprehendendo, commune habet. Lixivium vero superstes magis alcalicum, magis acrem et pungentem saporem habet, ac solet, si tantilla portio salis tartari in aqua soluti degustatur. Ex quo colligitur, duplicem aquae calcis viuae inesse substantiam, alteram, quae terram puram absorbentem sistit, alteram, quae terram hanc in aqua solubilem reddit, eam nunc ob maiorem affinitatem cum sale alcalico derelinquit, seque sali alcalico vnit et a Nostro *Caustici* nomine insignitur. Causticum hoc singularis indolis esse, idemque istud, ad quod in disquirenda calce viua et explicanda eiusdem naturae attendendum sit, Noster monet.

p. 44.

Cum causticum illud sali alcalico fixo se vniat, et sic dictum sal Causticum, quod alias quoque Lapis Causticus, causticum commune fortius, Ruptorium commune, Cauterium potentiale vocatur, constituat, accuratam salis caustici fixi praeparationem Noster communicat et processum exquisitè describit. Ad proportionem ingredientium quod attinet, maiorem quantitatem calcis ac alias fieri solet, hic adiectam esse, notamus, quod eum in finem factum est, ut alcalicum sal caustico illo principio perfecte saturari possit; minori enim quantitate calcis adiecta, lixivium ex alcali et calce factum cum acidis adhuc efferuescere, ideoque alcalinae indolis esse, expertus est Auctor. Ne vero nimia quantitas calcis recipiatur sicque terrae calcareae abundantia impediatur, ad vnam partem salis alcalici tres vel quatuor partes calcis adiici iubet, quo facto lixivium obtineri notat, in quo neque

que alcali neque calcis viuae terra absorbens abundet. Itaque in lixiuio, ex alcali et calce facto, neque ab affusis acidis efferuescentiam neque ab adiecto oleo tartari per deliquium praecipitationem terrae obseruari, liquet. Ex his colligit Noster, causticum illud in calce deprehendendum principium acidae indolis esse, causticum vero sale, ex calce et alcali factum, pro sale medio singularis indolis haberi posse, dictumque acidum neque acidum vitrioli, neque acidum nitri, neque acidum salis communis esse, cuius vero indolis sit, inferius exponi, notat.

Si sal alcalinum volatile, ex sale ammoniaco preparatum et aqua solutum, aquae calcis viuae affunditur, eadem ratione, vti ab oleo tartari per deliquium fieri solet, terra praecipitatur, lixiuium vero inde obortum spiritum salis ammoniaci cum calce viua, multa aqua dilutum, sistit et ex sale alcalino volatili, caustico calcis viuae principio et aqua constat. Quod ad accuratam spiritus salis ammoniaci cum calce viua praeparationem attinet, ad vnam partem salis ammoniaci tres seu duas partes cum dimidia calcis viuae requiri, recte Noster monet; inde autem adfusa simul aqua spiritus obtinetur, qui secundum Cl. Auctoris sententiam eadem ratione, vti caustici illius connubium cum alcali fixo sal causticum fixum constituit, nunc sal causticum volatile exhibet, quod non ad alcalia volatilia, qua in re per experientiam edocti sententiae Cl. Auctoris suffragamur, sed ad salia media pertinet, et sal exhibet, quod ex caustico calcis viuae, vtpote acido ab omnibus valde diuerso, cum alcali volatili saturato constat. Ex his autem liquet, cur spiritus salis ammoniaci, cum calce viua paratus, cum nullo acido efferuescat, neque etiam terram calcaream puram, in acido quodam solutam, praecipitet; causam autem, cur

p. 53.

cur dictus spiritus in destillatione nunquam in forma sicca, sed semper liquida transcendat, neque etiam hyeme crystallifetur, in caustico illo principio Auctor quaerit, siquidem obseruauit, caustico illo principio per affusum acidum in aerem propulso et alcali fixo postmodum addito sal volatile siccum demum obtineri. Nunc coniicit, causticum illud principium esse acidum quoddam volatile pingue cum substantia ignis singulari modo effectum, quod cum alcali fixo aequae ac volatili affinitatem habeat, nunquam tamen eam, quae inter dicta alcalia et acidum purum quodcumque obseruetur, siquidem affuso acido quocumque ex sale fixo alcalico, cum caustico calcis saturato, hoc dissipetur et sal medium fixum enascatur et affuso acido salis ex spiritu salis ammoniaci cum calce viua parato itidem istud principium diffletur et sal ammoniacum obtineatur. Praeterea si solutio ex creta et acido salis facta cum lixiuio ex alcali fixo et calce viua miscetur, creta omnis praecipitatur et cum caustico illo coniungitur, quo mediante in calcem viuam mutatur, quae aqua affusa soluitur et aquam calcis viuae sistit.

p. 63. Num calx viua seu causticum eiusdem absque additione salis alcalici, vt in praeparatione saponis alias fieri solet, cum rebus pinguibus connubium iniret, frustra calcis viuae oleo oliuarum immerfit Cl. Auctor, et ambo per triginta horas in quiete reliquit. Calcem viuam tunc neque fatiscere, neque calorem neque ebullitionem oriri, obseruauit, praeter id, quod eo in loco, vbi rimae in calce viua apparebant, vesiculae aerae ascenderent. Sex postea horis praeterlapsis coagulum quasi, lateribus frustorum calcis adhaerens vidit, hinc oleo effuso, quod turbidum et crassius euasit, coagulum istud cum aqua commixtum album et tenax apparuit, cum aqua
tamen

tamen connubium respuens. Affuso tunc spiritu vini, miscela, saepius agitata saporem saponis Hispanici obtinuit. Alii frusto calcis viuae deterfo inque puluerem redacto spiritum vini affudit et post quadraginta octo horas, spiritum vini per linteum exprimens, istum turbidum euadere, saponaceum saporem habere, et ab eo in aquam infuso hanc albam et turbidam fieri, obseruauit. Solutum postea in spiritu vini oleum euaporationi committens, guttulas aliquot olei flauii obtinuit, quarum nonnullae cum spiritu vini commixtae in eo se soluerunt, cum aqua vero, spiritu vini euaporato, commixtionem non inierunt. Praeterea cum viderit Noster, etiam oleum expressum absque calce viua aliquantum in spiritu vini solui, vasculum spiritu vini, oleum expressum calce viua non commixtum in se continente, repleuit, in aliud vasculum eiusdem capacitatis spiritum vini, oleo expresso cum calce viua praeparato foetum, infudit, et vtrumque euaporationi commisit, tuncque ex priori olei grana quatuor, ex posteriori autem scrupulum olei expressi obtinuit, hocque odorem saponaceum, illud vero rancidum exhibere, infimulque in frigore coagulari, cum alterum in eodem fluidum maneat, animaduertit. Ex his colligit Cl. Auctor, calcem viuam vinculum suppeditare, quo mediante oleum expressum cum sale alcalico coniungi possit, ipsam vero cum oleo commixtam nullum saporem producere, oleum tamen ab ea depurari, ita, vt maiori in quantitate quam non depuratum in spiritu vini soluatur. Caeterum, licet quoque absque calce viua cum sale alcalino igneo acerrimoque et oleo expresso sapo parari possit, hunc tamen, si alcali caustico illo principio destitueretur, nunquam obtineri, et causticum sali alcali adhaerens, idem cum caustico calcis viuae esse et eadem ratione ab igne prouenisse, putat. Cum tandem
ex

ex antecedentibus pateat, causticum calcis viuae ad terram, in calce reperiundam, et ad salia alcalia se habere vt acidum, idemque istud causticum magnam insuper affinitatem alere cum oleis pinguibus, ita, vt ex parte terram propriam deferat et oleo se vniat, ex sententia Nostri colligendum est, acidum istud causticum calcis viuae ab omnibus acidis distinctum et cum maiori quantitate substantiae pinguis coniunctum esse, eiusque naturam mixtioni oleosae propius accedere, atque substantiam valde subtilem et penetrantem sistere, minime tamen cum acrimonia adeo insigni, vt reliquis acidis inest, praeditam, cum olea ea imbuta nullum plane saporem acrem in lingua excitent.

P. 75. Eadem ratione Noster calcem viuam cum oleo aethereo anthos commiscuit, et experimentis institutis affinitatem caustici istius principii cum mixtione oleosa iterum obseruauit, inprimis autem causticum illud terram calcis derelinquere seque oleo vnire, cum partibus subtilioribus horum oleorum se coniungere eaque, ratione subtilitatis, exaltare, eademque teneriora, magis penetrabilia et volatiliora reddere; contra vero non solum partes resinosas crassiores separare, sed et teneriores viscosas partes, in oleo contentas, extrahere et in extractum gummosum colligere, vidit: itaque causticum illud memorata olea, quae multo vehementius aggrediatur, si cum sale alcalico coniunctum sit, nequaquam destruere, sed ea tantum depurare, colligit.

P. 82. Spiritus vini, calci viuae adfusum, saporem, vt Noster obseruauit, multo acriorem quam spiritus vini simplex obtinet, sique super calcem viuam aliquoties abstrahitur, itidem caustici istius principii quidquam in se suscipit; talem autem, caustico illoditatum, spiritum vini maiorem vim, ambram aliaque corpora bituminosa et resinosa soluendi, habere
et

et ad praeparandas essentias atque tincturas valde aptum esse, Noster autumat. Alios dein et notatu magis dignos effectus obseruauit, cum spiritum vini salis caustico ex tribus partibus calcis viuae et vna parte depuratorum cinerum clauellatorum parato, adfunderet. Spiritus vini enim rectificatissimus, salis isti caustico adfusus, post quinque dies solo tantum adiuuante calore aestiuo colorem valde obscurum obtinuit, eoque effuso, spiritus vini denuo residuo salis adfusus colorem rubrum ostendit. Hunc postea cum priori commiscuit, eumque disquirens, salis caustici vnciam vnā cum tribus drachmis in sedecim vnciis spiritus vini solui, obseruauit. Cum autem neque sola calx viua, neque solum sal tartari, tantam mutationem in spiritu vini producat, eandem hanc mutationem alcali et caustico illi, vtrisque coniunctis, tribuendam esse, Noster colligit, ita, vt caustici istius principii ope alcalico salis ingressus in spiritum vini concilietur, et cum hoc maior quantitas dicti caustici in spiritum vini introducatur. Tinctura haec, ex caustico sale parata, adeo ignea et corrosiua est, vt, nisi multo spiritu vini diluatur, deglutiri prorsus nequeat; hinc ex dimidia vncia salis caustici et viginti vnciis spiritus vini tincturam parari, tartari tincturae simillimam, eiusdemque ope, si ambra, succinum, balsamum peruvianum etc. in ea soluantur, tuncque spiritus rursus abstrahatur, efficaces admodum spiritus balsamicos obtineri, floresque sulphuris in ea solutos tincturam sulphuris extemporaneam praebere, perhibetur. Eadem haec tinctura ignea destillata, spiritu vini abstracto, liquorem exhibet, cui substantia crassa, ex rubro fusca, innatat, quae primo quidem intuitu speciem resinae semifluidae sistit, sed ab affusa aqua soluitur, hancque colore obscure rubro tingit, ideoque substantia gummosa esse videtur. Liquor, cui dicta

dicta substantia innatat, saporem admodum causticum habet, et euaporationi commissus salem exhibet, cum quo oleum vitrioli affusum fumat et incallescit. Eundem istum salem eandemque substantiam gummosam post longum tempus sponte ex tinctura ignea secedere, Noster animaduertit. Lixiuum hoc, cui dicta substantia gummosa inest, destillationi subiectum, liquorem in recipiente collectum praebet, cuius tertia pars ex oleo constat, quod vulgari oleo philosophorum quoad odorem et colorem simile est. Ex his colligit Cl. Auctor, substantiam illam obscure rubram ex spiritu vini plane destructo oriri, neque, ut ipse tamen antea putauit, a partibus spiritus vini crassioribus prouenire. Spiritum vini enim prorsus mutari, aquam eius separari, et reliquas pingues atque teneriores partes eiusdem in crassam illam, obscure rubram, substantiam conuerti, hancque in aqua solui, et cum extracto gummoso potius quam substantia resinosa comparandam, nouum quasi concretum sistere, ex spiritu vini destructo et ex parte etiam ex alcalico sale ortum, per experimenta, sollicitè instituta, patet.

p. 94. Lixiuum, ex solo alcali, vel ex alcali et calce viua, vel demum ex sola calce viua paratum, si quodlibet eorum seorsim cum sulphure coquatur, hoc soluere, idemque solutum ope affusi acidi praecipitari, constat. Inprimis autem de praecipitatione sulphuris, in lixiuo calcis viuae soluti, notandum est, hoc quidem affusi acidi cuiusuis ope praecipitari, sed plerumque cum sulphure terram insimul calcaream deiici, ideoque purum sulphur non obtineri, si tamen spiritus salis affundatur, purum sulphur fundum petere, et terram calcaream in acido salis solutam relinqui. Quod ad causam attinet, cur sulphur a calce viua soluatur, eam non solum in caustico calcis viuae principio, sed et in terra calcarea quaerit Cl. Auctor.

Si

Si enim solum causticum absque adiuuante terra calcarea solutionem praestaret, ex caustico et sulphure spiritum sulphuris volatilem productum iri, neque sulphuris disiunctionem in partes integrantes, vti postmodum in praecipitatione eiusdem obseruandum est, secuturam esse, Noster autumat. Cum vero terra calcarea ad solutionem sulphuris simul uuet, et causticum terrae calcareae ex parte adhaereat, istud, vt Noster putat, omnem vim ad resol- uendum sulphur impendere non potest, neque etiam sulphuri se vnire, ita vt cum eodem in spiritum sulphuris volatilem mutari possit. Hanc rem ita se habere, ex eo Noster probari autumat, quod, si per praecipitationem, ope acidi praestandam, terra calcarea a caustico separetur, hoc partem sulphuris non exiguam aggrediatur, et in spiritum sulphuris volatilem, late se diffundentem, mutetur, sulphur vero ex parte non mutatum praecipitetur. Qua vero ratione sulphur, in calce viua solutum, ope acidi affusi praecipitetur, ex Nostri sententia ita declarari potest: attendendum nimirum est ad terram calcaream, causticum illud principium et sulphur, quae cuncta in hac solutione inter se inuicem coniuncta sunt. Si nunc acidum superuenit, hoc terrae calcareae se vnit, sulphuris quaedam pars separatur et undum petit, causticum vero, quod per ebullitionem, dum praecipitatio fit, in motum insuper ducitur, cum alia sulphuris parte in spiritum sulphuris volatilem mutatur, maximam partem in auram abit, simulque aliquid subtilissimi illius pulueris sulphurei, ad fundum secedentis, secum abripit. Solutione itaque mutata, sulphur praecipitari neque vltius solutum manere, Noster autumat.

Causticum calcis viuae a calce viua separari et p. 120.
cum metallis coniungi posse, omnium fere solutio-
um metallicarum praecipitatio per aquam calcis

viuae perque falem causticum ostendit. Inter metallicas has, per calcem viuam factas, praecipitationes, quae in officinis pharmaceuticis obueniunt, ea fere in usu tantum est, quae in praeparatione aquae phagedaenicae obseruatur: quippe quae, vt constat, ex mercurio sublimato corrosiuo et aqua calcis viuae conficitur. Caussam, cur mercurius praecipitetur, ex eo Noster declarat, quod acidum salis mercurii sublimati magis terrae calcareae, quam mercurio, se vniat, hinc terram, in aqua calcis deprehendendam, aggrediatur et mercurium deferat, causticum vero cum metallico corpore se coniungat, et cum eo fundum petat, siquidem cum coniunctione acidi salis terraeque calcareae, vtpote sale medio, nulla ei est communio. Quod ad praecipitatum puluerem mercurialem attinet, varia experimenta cum eo instituit Noster. Sic eum cum soluto sale alcalino fixo vegetabili commiscuit, et lixiuium degustatum causticum saporem obtinuit, euaporatum vero falem causticum exhibuit, qui cum spiritu vini mixtus acrem tincturam suppeditauit. Praecipitatum itaque ex caustico et mercurio constare, ex his colligendum est. Idem puluis, retortae vitreae commissus, igne leniori et paulo fortiori non magnam mutationem passus est, igne vero fortissimo excitato, tantam, vt vitrum fere funderetur, mercurius viuus tandem preiiit et in retorta parua quantitas pulueris albi remansit, qui vera calx viua fuit. Aqua enim simplex affusa, in aquam calcis viuae transiit, idemque puluis, magna cum efferuescentia in spiritu nitri solutus, aliquot grana non soluta reliquit, quae verum gypsum exhibuerunt. Caeterum nullum sublimatum apparuit et omne causticum plane abiit. Eadem quoque ratione omnia metalla soluta per aquam calcis viuae praecipitantur; terra enim calcarea cum acido coniungitur, et causticum

sticum, terrae adhaerens, hanc deserit, metallis se
vnit et cum iisdem fundum petit. Pari quoque
ratione praecipitatio se habet, si loco aquae calcis
viuae lixiuium causticum vel sal causticus, in aqua
solutus, affunditur. Ex his autem colligitur, omni-
bus metallis, vel per aquam calcis, vel per causti-
cum salem, vel per sodae lixiuium praecipitatis, cau-
sticum principium adhaerere, cum istud et aquae
calcis et salis caustici et sodae, alcali minerale conti-
nenti, insit, immo metallis quoque per alcali vola-
tile praecipitatis, idem istud causticum adhaerere
posse, non male coniicit Noster, siquidem metalli
menstruum, acidum nempe, vt recte monet, causti-
cum iam continere vel salis alcali volatili, per alcali
fixum separato, vel etiam absque eo per ignem for-
tissimum producto, idem istud causticum se vnire
potest; si etiam alcali volatile, per solam putre-
fac-tionem productum, adhibeatur, hoc tamen absque
caustico per putrefactionem corporum separato,
et cum alcali coniuncto, non esse, autumat. Caus-
ticam itaque, cur metallorum calces, per praecipita-
tionem ortae, sibi inuicem tam similes sint, et cur
eadem, si cum debili lixiuio alcalico commiscentur,
quic rursus saporem magis causticum et pungentem
conciunt, spiritumque salis ammoniaci acriorem et
volatiliorem reddant, in caustico illo, salibus alcali-
is aequae ac calci viuae adhaerente principio quae-
rendam esse, coniicit. Licet vero calx viua nullum
salem alcalicum contineat, calx viua tamen in vni-
uersum considerata, ex Nostri sententia, alcali itidem
in vniuersum considerato similis est. Alcali enim,
ex essentialibus plantarum salibus sola partium trans-
mutatione per ignem obortum, ex terra calcarea,
cum acido et pura substantia oleosa non combusti-
bili coniuncta constat, calx viua autem ex terra cal-
careae et singulari quodam igneo acido pingui com-

ponitur, ita tamen, vt substantiae illae integrantes in alcalico sale intime inter se inuicem coniunctae sint, et terra calcarea per circulationem in variis plantae machinis cum reliquis substantiis integrantibus subtilisata et a natura in verum sale mutata sit, calci viuae autem eadem haec terra calcarea crassior plane insit, eique igneum illud acidum pingue ex igne exterius quasi absque arcta coniunctione se applicuit. Licet autem nonnullae proprietates, quae sali alcalico competunt, calci viuae desint, siquidem calx viua non nisi multa aqua soluitur, in igne non fluit, et cum acidis nullum sale medium dat, quae res aliter se habet cum alcali, multa tamen nihilominus cum alcali communia habet. Calx viua enim cum aqua mixta incalescit, syrupum violarum viridi colore tingit, aquam ex aere attrahit, cum acidis efferuescit, metalla in acidis soluta praecipitat, sal volatile ex sale ammoniaco separat, mercurio sublimato corrosiuo soluto in praecipitatione aurantium colorem communicat, sulphur soluit, spiritum vini rubro colore tingit, et saporem acrem linguae imprimit, quae phaenomena itidem ab alcali obseruantur, ita, vt ex his pateat, quatenus calx viua substantia alcalina dicenda sit nec ne, licet paucum vel nullum plane sal alcali in ea deprehendatur.

p. 136. Ad separandam causticam substantiam sale causticum, aqua dilutum, cum oleo vitrioli, aqua diluto, commiscuit Cl. Auctor, et liquores commixtos destillationi subiecit, tuncque liquorem in recipiente obtinuit, qui saporem nequaquam acidum, sed quodammodo empyreumaticum et stypticum linguae imprimebat. Sali alcali affusus, hoc causticum reddidit, et cum spiritu salis ammoniaci commixtus hunc statim odore acriorem et volatilem fecit, syrupum vero violarum non mutauit. Ex his colligitur, causticam illam substantiam reuera separari et cum
aqua

aqua misceri posse, eandemque ad sulphuris modum ex acido et substantia inflammabili compositam, et utramque substantiam ita coniunctam esse, ut acidum a lingua percipi nequeat. Cum deinde causticum illud cum sola aqua coniunctum saporem adstringentem tantum, neque adeo acrem, contra vero cum terra calcarea, vel salibus alcalinis acrem adeo, corrosivum et pungentem excitet, colligitur, causticum per se non adeo acre esse, sed tum demum fieri, si ex coniunctione caustici cum terra alcalina et salibus alcalicis sal pungens producat. Cum porro causticum illud ex aqua calcis viuae etiam absque notabili calore adhibito in auram abeat, idemque ex sale caustico et oleo vitrioli cum aqua destillatum cum eadem coniunctum prodeat, causticum illud summa volatilitate donatum esse, patet. Cum tandem liquores ex destillatione salis caustici et olei vitrioli, aqua dilutorum, obtenti inque vitris bene obturatis asservati paucos post dies situm contrahant, nunc ex caustico et aqua produci, ex Nostri sententia colligendum est. Tandem quoque, ad separandam causticam illam substantiam, calcem viuam cum aqua commiscuit et destillationi subiecit, tuncque aquam caustico illo impraegnata obtinuit, causticum vero, aquae inhaerens et cum ea destillationi denuo subiectum, non concentrari, id autem per frigus factum fuisse, observavit.

Causticum memoratum non ex lapide calcareo, p. 148. sed ex igne provenire, sequentibus Noster probat.

1) In lapide calcareo, ex quo calx viua obtinetur, partes acidum causticum constituentes non continentur; 2) terra calcarea, ex aqua calcis praecipitata et ab omnibus partibus peregrinis libera, in igne denuo in calcem viuam mutatur; 3) substantiae, forti igni subiectae, causticum illud acidum, ut calx viua, habent: exemplum praebent minium, lithargyrium,

oleum vitrioli etc. 4) absque igne nullum causticum producitur; 5) sal tartari et omnia salia alcalia in igne magis magisque caustica fiunt, lixiuiumque alcalinum, in quo carbones candentes extinguuntur, causticum redditur; 6) causticum multa cum igne communia habet; sic calx viua et sal causticum eandem sensationem, vt ignis, linguae imprimunt; causticum, aquae immixtum, partes oris corrugat; sal causticus corium et pennas, vt carbo candens, corrodit etc.

P. 153. Praeter calcem viuam alia etiam corpora, quibus cum Cl. Auctor experimenta instituit, causticum ex igne suscipiunt; sic magnesia alba, terra aluminis ossaque calcinata dicto principio in igne distillantur. Terram siliceam quoque et argillaceam, licet neque causticum saporem linguae imprimant, neque etiam adfuso lixiuio alcalino causticitatem communicent, causticum tamen ex igne suscipere, Nostro probabile est. Nunquam enim filices aut arenam per se, nisi alcali addatur, in vitrum mutari, constat. Hinc coniicit Cl. Auctor, causticum forsan, sali alcalino seu terrae alcalinae applicatum et cum silicea coniunctum tanquam partem vitri essentialem et intime mixtam considerandum esse, immo videtur ei necesse esse, vt terra calcarea ex igne causticum suscipiat sicque siliceae similis magis fiat: arenam enim et silicem a natura acidum, immo adeo causticum continere, filicesque ex intima coniunctione caustici cum terra quadam et aqua constare, ex Nostri sententia probabile est; hanc autem terram indolis argillaceae fuisse, et partes argillaceas subtilissimas, aquae inhaerentes, causticum, in quacunque aqua deprehendendum, suscipere et ope aquae durum adeo silicem prouenire posse, coniicit. Causticum porro ex igne suscipit sal alcali vegetabile fixum oleumque vitrioli; quod, vt Noster putat, ob
idem

idem istud causticum interdum coagulatur et fumat, subque specie substantiae crystallinae et quasi glacialis et fumantis apparet. Metalla denique memoratum causticum suscipiunt, ut calces metallorum, in igne diu ignitae, inprimis minium et lithargyrium testantur: hae enim plumbi calces lixiuia alcalina caustica reddunt, sal volatile urinosum volatilius magisque causticum efficiunt, immo ex sale ammoniaco spiritum fluidum et causticum expellunt. His consideratis denuo quaestio a Nostro mouetur, num etiam metallis fuis causticum inhaereat? ad quam affirmando respondet, ita tamen, ut causticum hoc partim tanquam pars constitutiva, partim tanquam substantia, interstitia metalli replens, consideretur.

Ex omnibus corporibus inflammabilibus, dum p. 176. in aere libero comburuntur, causticum in aerem abire, vel corporibus impositis se applicare, hoc autem, non nisi illis destructis, in puritate sua separari, corpusque inflammabile quodcunque non nisi in aere libero per ignem destrui, idemque, si flamma eiusdem fuliginem dat, plenariam destructionem non pati, experientia docet, quod exemplo ligni fagini et carbonum, ex eo productorum, per experimenta illustrat Cl. Auctor. Ex his autem patet, causticum maximam partem ex carbonibus, in libero aere candentibus, in auram quidem abire, partem tamen, cineribus relictis, si indolis calcareae sint, vel etiam alcalico sali, si quid cineribus insit, se unire. Liqueet porro, causticum calorem suum aliis corporibus communicare sicque teneritudinem suam probare. Licet autem partes eiusdem admodum tenerae sint, tantam tamen teneritudinem habere non videntur, ut in vasa metallica, vitrea et terrea penetrare possint, nisi eadem perfecte candeant, sed tantum calefiant. Cur autem corpora, igni admota, calefiant, ex eo Noster deducit, quod corpora per solam tantum

communicationem caloris alius antea calefacti corporis, a quo cinguntur, incallescant. Causticum enim in interstitia corporum se insinuare, atque hoc modo corpora calefacere, sed in aerem abiens, hunc calidum reddere, eundemque calefactum corpora circumfluere, ideoque haec calefieri, Noster arbitratur.

P. 193. His praemissis nunc exponit Cl. Auctor, quid illud sit, quod caustici nomine venit. *Causticum*, ait, *mixtum subtile primi generis, subtilis substantia salina volatilis est, quae ex acido quodam constat, quod cum purissima ignis substantia intime coniunctum est.* Itaque in caustico hoc mixtionem, sulphuri analogam et ab omnibus naturae corporibus diuersam, inseparabilem nec vnquam destructibilem deprehendi eique conueniens nomen acidi pinguis imponi posse, autumat. Acidum ei inesse, ex eo probat, quod eius ope terra calcarea in aqua solubilis euadat, et aqua calcis additione salis alcalini terram calcaream dimittat, et salia alcalia, eo saturata, non vt alcalia se habeant, cum neque cum acidis efferuescant, neque terram calcaream, in acidis solutam, praecipitent. Caussam autem, cur causticum hoc, aquae immixtum, nullum saporem acidum excitet, in eo ponit, quod cum inflammabili substantia intime cohaereat, simili ratione, vt sulphur se habet, quod maximam partem ex acido, cum inflammabili substantia coniuncto, constat, neque tamen saporem acidum excitet. Verum, causticum istud non merum acidum, sed acidum pingue esse, quod cum subtilissima et purissima ignis substantia intime cohaerere debeat, Noster asserit. Alias enim istud, vt recte monet Cl. Auctor, nunquam cum sulphure omnibusque substantiis pinguibus tam cito, immo citius, quam cum terra calcarea, coniunctionem inire posset. Si porro dictum causticum merum acidum esset, acidum saporem ab eo

eo excitatum, et, si ad vnum cognitorum acidorum pertineret, ex coniunctione eiusdem cum salibus alcalicis cognita illa salia media productum iri, Noster autumat. Producitur quidem ex coniunctione caustici et salis alcalini sal medius, singularis igneus, qui alcalicum quidem saporem habet, cum spiritu vini vero aliisque corporibus oleosis subtilibus sese miscet, quod alcalino sali per se antea possibile non fuit. Quod ad substantiam igneam caustici istius atinet, eam tenerrimam purissimamque substantiam igneam esse, ex eo Noster probare putat, quod cum acido coniuncta nullum corpus solidum, sed substantiam valde subtilem, volatilem et penetrantem efficiat. Substantiam hanc igneam, praeter acidum, cum quo coniunctum est, nullam aliam substantiam adeoque ne minimum terrae continere, hinc etiam nunquam pro phlogisto, sed pro materia lucis habendam, hanc autem substantiam igneam purissimam esse, igneamque caustici partem pro materia lucis haberi posse, Noster autumat. Solutum enim argentum, cum aqua calcis praecipitatum, et praecipitatum lunam cornuam albam in vitro obturato solis radiis expositam, et mercurium, in oleo vitrioli solutum tuncque crystallifatum, itidem in vitro obturato solis radiis expositum, eundemque sublimatum soli expositum, et mercurium dulcem affusa aqua calcis colorem nigricantem obtinere, huncque a materia lucis produci, notat. Igneam vero hanc substantiam et acidum in caustico illo inseparabilia nec vnquam destruenda deprehendi, docet. Hoc tandem acidum ab omnibus corporibus, ideoque etiam ab omnibus acidis diuersum esse, nihilominus tamen ob id, quod cum omnibus fere se coniungat, cum omnibus affinitatem habere, idemque acido vitrioli vel sulphuris proxime accedere, et acido quoque nitri simile esse, asserit, idque acidum pingue,

vt veteres substantiam ignis vocarunt, nuncupari posse, et massam integrantem omnium corporum pinguium et mucilaginosorum sistere, putat.

p. 213. De ortu acidi pinguis asserit Noster, partes eius constitutivas, acidum nempe et materiam lucis, in creatione mundi iam productas, ipsamque harum partium coniunctionem itidem in creatione factam statim esse, acidum pingue autem, iam productum, ex aere in corpora insinuari; et in eorum destructione non mutatum egredi, putat.

p. 217. Ex haftenus dictis summam nunc colligit Cl. Auctor et sequentia commemorat. Acidum pingue est corpus, cuius genus adhuc incognitum habetur; materies admodum subtilis est, eiusque praesentia sensibus percipitur; pondus habet, et neque destructibile neque separabile, elasticum vero et volatile est; concentratur idem et rursus expanditur, cum aqua incalescit; vim constringentem habet, in igne et extra eum plurimis corporibus, neque tamen omnibus, se vnit, ex alio in aliud transit; cum aliis corporibus coniunctum noua concreta sistit, pristinas corporum proprietates immutat, et in omnibus corporibus deprehenditur.

p. 236. His de acido pingui praemissis, quaestio nunc mouetur, an et quomodo istud pro materie ignis habendum sit? Vt haec quaestio rite explicetur, triplicem ignis differentiam annotandam esse, innuit, primam ignis materiam et purissimam, quae omnia corpora inflammabilia tam in foco speculi vstorii, quam in corporibus ipsis accendit, inflammantem, alteram, in igne culinari deprehendendam, purissimae istius materiae ignis materiam proximam seu acidum pingue, et tertiam demum materiam inflammabilem seu sic dictum phlogiston vocat. Prima materies ignis purissima inflammans materies lucis
seu

seu radiorum solarium est, quae cum nulla alia substantia coniuncta, in concentratione sua existens, lucet, calefacit et inflamat, quae proprietates has atque effectus in foco speculi vstorii manifestat et ignem purissimum, cum nulla alia materie coniunctum, nec in alia reconditum sistit. Indoles huius materiae incognita est, et non nisi Creatori nota, interim tamen, licet subtilissima sit, pro materie habenda. Eadem haec, in foco speculi vstorii deprehendenda, materies ignis subtilissima in corporibus inflammabilibus, ligno e. g. carbonibus etc. adest, ignemque culinarem constituit, qui vero nunquam percipi poterit, nisi insignis copia particularum lucis statim in ortu corporum inflammabilium se insinuat, ita tamen, ut eadem hae particulae profunde in iisdem reconditae sint, ne corpus inflammabile confestim se inflammet, sed suo tempore inflammari possit. Acidum pingue autem pro materie inflammante ignis culinaris haberi non potest, neque unquam corpora inflamat, nisi insignis insuper copia particularum lucis, quae cum nullo acido coniunctae sunt, in inflammabili corpore adest. Particulae hae lucis ex sole splendente et aere in corpora vegetantia intrant, dumque intrant, cum subtilibus mucilaginosi, oleosi et salinis substantiis, ope acidi pinguis simul intrantis irretiuntur; cum autem hoc acidum pingue vim constringentem habeat et cum omnibus corporibus, aqua, terra, aere, oleo se coniungat, instrumentum quoque sistit, quo mediante exiguae illae, leues et volatiles particulae lucis retinentur et irretiuntur, quae cum aqua et terra coniunctae corpus inflammabile formant, ita tamen, ut neutiquam disiunctae, sed concentratae in eo adsint, si corpus inflammabile inflammare debeant. Quod si nunc corpus inflammabile per frictionem aut calorem aliorum iam ardentium corporum incalescit,

elasti-

elasticum acidum pingue vna cum lucis particulis, aere et aqua expanditur, nexus inclusarum ignis particularum soluitur, corpus in peripheria sua aperitur, ignis particulae erumpunt, confluunt et corpus accenditur. Itaque primam purissimamque ignis materiam lux concentrata, alteram vero proximam mixtamque materiam acidum pingue sistit, quod tot lucis particulas continet, quot acidum eiusdem capere potest; hinc vtramque substantiam in corpore inflammabili adesse, et priori inflammationem corporum, ad quam etiam quidquam faciat acidum pingue, posteriori autem coniunctionem particularum in omnibus corporibus adscribendam esse, colligitur. Patet etiam ex his, vtramque substantiam, lucis nimirum materiam et acidum pingue, a se inuicem differre, et hoc idem esse, quod ab aliis aether vocatur.

p. 264. De acido pingui asserit Cl. Auctor, istud quidem pro materia proxima purissimae, inflammantis substantiae igneae, habendum esse, siquidem ex purissima ignis substantia, lucis nimirum materie et acido subtili constet, primum autem ignis principium non esse, cum nunquam inflammet, licet in concentratione sua existens cum aqua incalescat, et, si cum lucis particulis in corporibus subito moueatur, pauxillum lucis reflectat. Idem acidum, vt docet Noster, ad producendum corpus inflammabile necessarium est: sola enim lucis materia connubium cum aqua et terra respuit, neque per se inflammabile corpus producit, quod tamen accedente acido pingui fieri solet, quippe quod altera sua parte cum materia lucis, ex qua partimiam constat, altera vero, acida, cum terra calcarea et aqua se coniungit, sicque inflammabile corpus producit, quo destructo materia lucis et acidum pingue in atmosphaeram, ex qua prouenerunt, rursus abeunt. Ex his colligitur, nul-

lam

lam aliam substantiam ad producendum corpus inflammabile requiri, hocque sic produci et ex terra, luce, acido pingui et aqua componi. Cum vero plurimi, et primus eorum BECCHERUS, alius substantiae, phlogisti dictae, mentionem faciant, idque tanquam ignis principium in omnibus corporibus deprehendendum assumant, de eo pauca quaedam commemorare Nostro libuit. Cognitum nimirum est, BECCHERUM, qui fuliginem olei aromatici in nullo menstruo solui, nec in vase clauso, sed in igne aperto destrui, tuncque in aere libero ardere vidit, in ea principium ignescens, solam ignis materiam, quae non nisi motu subitaneo opus habeat, constituisse, ideoque dictum principium, ex igne et terra teneriore constans assumpsisse. Cum vero Noster fuliginem tanquam substantiam mixtam inflammabilem, ex materie ignis, terra et aqua constantem consideret, ea pro materia proxima ignis purissimi seu pro principio, vt recte monet, haberi nequit; fuliginem interim, inter omnia naturae corpora, maxima in copia tam lucis materiam quam acidum pingue continere, concedit, eandem tamen pro interiori tantum inuolucro materiae igneae, materiam lucis autem et acidum pingue pro duplici quasi nucleo habenda esse, putat.

Cum Cl. Auctor hinc inde dixerit, materiam lucis in corporibus inflammabilibus inclusam esse, hanc loquendi formulam ita assumendam esse cupit, vt materies lucis nullo modo tanquam substantia, quae in interstitia corporum tantum se insinuat, sed tanquam pars constitutiua consideretur. Sic enim oleum ob id, quod materies lucis pars eiusdem constitutiua sit, incenditur et saporem pinguem vel causticum excitat, sicque tanquam oleum se praebet. Caeterum lucis materia diuisibilis est, et ex partibus admodum exiguis constat, eademque particulae

culae adesse possunt, licet nec luceant, nec calefaciant, nec accendant, nec oculis percipiantur. Si enim multae particulae lucis propius ad se inuicem accedant, tunc ignem sistunt, si remotius a se inuicem distant, tunc lucem constituunt, sique magis adhuc separantur, tunc neque conspici, neque villo modo sensibus percipi possunt. Eaedem particulae nunquam sub forma ignis apparent, nisi calefiant, quo facto, acidum pingue, in corporibus inflammabilibus deprehendendum, et lucis particulae adeo extenduntur, ut omnis nexus tollatur, et multae propiusque iuxta se inuicem positae lucis particulae sub ignis forma ex corpore egredi possint. Dantur tamen nonnulla corpora inflammabilia, in quorum partibus inflammabilibus elementa seu massae primordiales tam laxae sibi inuicem adhaerent, ut eiusmodi corpora etiam absque incallescencia facile destrui lucisque particulae dissipari possint. Inter eiusmodi corpora eminet phosphorus urinae, ad cuius generationem quidquam confert acidum pingue, quippe quod, cum phosphorus non nisi igne fortissimo parari possit, omnia vasa penetrat et reliquis materiis phosphori se vnit. Lucis materiae praesentia in corporibus etiam absque ignea destructione se manifestat, si ad reliquas lucis proprietates attendamus. Sic lux nullam cum aqua communicationem habet; sic color corporum tum inflammabilium, tum non inflammabilium, splendor porro et laevis materiae lucis, fixitas eiusdem in igne, pondus et calor eam manifestant. Causa autem, cur calor oriatur, vel in materie lucis purissima, vel in acido pingui, vel in utrisque, quaeritur. Sic enim calor oritur, si materia lucis densius corpori nostro applicatur, ut de radiis solis, in foco speculi vstorii, applicatis observatur; si porro acido pingui concentrato aqua adfunditur; si demum corpus

vario

vario modo motum incalescit, quo in casu tum ad materiem lucis, tum ad acidum pingue respiciendum est.

Ad decidendam quaestionem, num acidum pingue p.326. elastica aeris materies sit, primo ad elasticam illam in atmosphaera deprehendendam et in corpora quaecunque intrantem materiem, a pluribus aetherem dictam, Cl. Auctor attendit, et, quicquid de aethere dictum sit, acido pingui applicari posse, hocque aetherem esse, autumat, quod sequenti experimento probari, putat. Sulphur viuum nimirum, cum calce viua mixtum et fustum, massam exhibuit sonantem, quam non obtinuit Noster, cum sulphur et terram calcaream non calcinatam, cretam nempe, funderet. Cum itaque massa haec et omnia corpora, in igne calcinata sonora euadant, et sonus eorum in motu elastico acidi pinguis, atque in vi eius, omnes corporis partes extendente corpusque in motum tremulum ciente, consistat, acidum pingue et aetherem, cui idem effectus tribuatur, eadem esse, Noster colligit. Licet autem ex Cl. Auctoris sententia verisimile sit, elasticam aeris externi materiam eandem esse, quae corporibus inest, et in destructione eorundem ex illis exit, quaeque demum ex igne in alia corpora transit, eadem tamen ista materia sub variis his conditionibus non vnus indolis esse potest, interim omne discrimen non nisi in maiore minoreque puritate, siccitate et concentratione consistit. Externum enim aerem chaos esse, in quo acidum pingue basin quasi constituat, aliis vero cum rebus ita commixtum, vt a puro acido pingui valde distinguendum sit, Noster asserit.

Alia quaestio, an acidum pingue pro materie p.33. electrica haberi possit, ita explicatur. Monet nimirum Cl. Auctor, acidum pingue partem constitutiuam vitri esse, siquidem nec pura terra calcarea, nec
fal

sal alcalinum, nec terra filicea per se vitrescant, vitrescere autem haec corpora, si terra filicea cum calcarea aut sale alcalino commisceatur. Cum porro vitrum fundi, et fustum duci possit, et frigefactum elasticum sit, acidi pinguis praesentiam in vitro negari non posse, Noster colligit. Quodsi nunc acidum pingue vitro insit, atque hoc, vt experientia docet, electricum sit, per frictionem vitri materiae istius partem ex eo exire, effectus electricos producere, ipsamque ad minimum materiem electricitatis primariam sistere, colligitur. Requiritur autem, vt vitrum fricetur: frictione enim suscepta non solum partes electricae commouentur, sed vitri fricti fibrae in motum tremulum ducuntur, quo facto elasticae vitri fibrae hinc inde agitantur, insimulque materies electricitatis ex vitro depellitur. Quod ad lucem electricam, ignem et pulsum, sonumque electricum attinet, lux ex Nostri sententia a solo concentrato acido pingui eiusdemque subita extensione et motu prouenit, eaque a scintillis igneis differt, scintilla vero electrica verus ignis et flamma quidem est, haecque ex acido pingui et ex subtili corpore inflammabili, quod in atmosphaeram electricam abit et accenditur, oritur, et dum ex vitro in atmosphaeram acidum pingue et vna cum partibus inflammabilibus etiam aquae intrant, cum his acidum pingue adeo incalcescit, vt particula inflammabilis pariter quoque incalcescat, adeo, vt se aperiat seque inflammet. Hoc igne acidum pingue, cum quo particula aquea se coniunxit, adeo extenditur, vt particula aquea rumpatur, sicque sonus scintillae electricae in aere circumfluente producat.

P. 359. Ultima quaestio, an acidum pingue acidum primigenium seu vniuersale sit, affirmando iterum explicatur. Recte enim monet Cl. Auditor, neque acidum vitrioli, neque acidum salis, vt nonnulli asseruerunt,

ruerunt, pro primigenio haberi posse, et acidum pingue his prius, imo iam in creatione mundi adfuisse. Acidum sulphuris quoque, vt docet Noster, pingui acido recentius, sulphure tamen prius est. Vnde autem dictum sulphuris acidum ortum duxerit, sequenti modo declaratur: acidum sulphuris nimirum accessu subtilium quarundam materiarum ex acido pingui prouenisse, 1) insignis copia acidi pinguis in mundo deprehendendi, 2) indoles omnium acidorum, quae cuncta proprietates quasdam acidi pinguis habent, 3) generatio acidi nitrosi in muris calcareis cellarum subterranearum suadent.

Tandem appendicis loco quaedam de elementis p.373. subiunxit Noster, sub quo nomine materias primordiales intelligit, quae a Deo statim in initio tanquam substantiae, ad generanda corpora quaecunque maxime necessariae creatae sunt, quaeque nullo modo destruuntur, sed semper eadem manent, ita, vt, dum in destructione corporum haec relinquunt, se ipsas neutiquam destruant, sed indolem et proprietates immutatas retineant, ac nouorum corporum generationi et compositioni denuo impendantur. Ratione numeri elementorum quatuor agnoscit Noster, materiem nimirum lucis, acidum pingue, aquam et terram, reliqua cuncta tanquam composita, destructioni obnoxia considerat. Ex quatuor hisce materiis primordialibus omnia naturae corpora componi, et multa, absque accuratiori luminis et acidi pinguis contemplatione, non explicanda relinqui, Noster asserit, atque, vt sententia haec paululum illustretur, ad fertilitatem humi, quae ex admistione calcis viuae, suboritur, attendi vult. Si enim calx viua in aggerem accumulatur, ei post hac aqua affunditur, tumque humus imponitur, vt a vaporibus, ex incalescente calce viua prodeuntibus, vndique penetretur, humum hanc, istis vaporibus

ribus foetam et a calce remotam, insigni fertilitate instructam esse, experientia docet. Ex hoc autem colligitur, acidum pingue vna cum aqua et luce eam esse substantiam, quae terram fertilem reddat, immo eidem huic acido pingui, in aqua calcis reperiundo dissolutionem calculorum renalium et vesicae adscribendam esse, liquet. Quaeritur tamen, vhinam locorum quatuor ista elementa, in puritate sua constituta, reperiantur? De luce asserit Noster, eam in foco speculi vstorii, et acidum pingue forsan in calce viua reperiundum esse, locum autem seu corpus, vbi aqua et terra in puritate elementari deprehendantur, determinare Noster non audet, atque id difficile esse, autumat. Difficile imprimis, vt putat, probari potest, terram primordiale, ex qua reliquae terrae consent, in natura dari, et forte omnes terras corpora esse, ex materia lucis, quae per se sicca et fixa sit, deinde ex acido pingui, quod siccae et durae mixtionis capax deprehendatur, tandem ex aqua, quae in magno frigore vt corpus siccum et friabile se habeat, composita, coniicit. Licet autem materiae hae primordiales in puritate et simplicitate sua difficulter obtineantur, eadem tamen a se inuicem facile distinguuntur. Sic character terrae primarius in eo consistit, quod tanquam puluis visibilis siccus in igne aperto nunquam comburatur, sed fixus maneat. Character aquae in fluiditate consistit, quae ab exiguo ignis gradu producit, sine quo in frigore in corpus durum mutatur. Acidi pinguis character est, quod inuisibile sit et sapore salino se manifestet. Materia lucis demum, in concentratione sua existens, vt ignis tantum percipitur, sique menstruum insipidum detur, quod ex corpore aliquo solam materiem lucis extraheret, talem solutionem sensatione caloris vrentis in lingua excitata se manifesturam esse, Noster autumat. Caeterum duas
proprie-

proprietates, elasticitatem et volatilitatem, lucis materia, acidum pingue et aqua communes habent, itaumen, vt in luce elasticitas maxima, in acido pingui minor, in aqua vero paullo minor seu minima, nulla autem in terra deprehendatur; ab elasticitate autem volatilitatem dependere, hinc nullum terram volatilem esse, asserit. Primordiales has rerum materias, essentia sua immutabiles nec vnuam, nisi summum Numen id iubeat, destructibiles esse, neque etiam vllum elementum per naturam aut artem in aliud mutatum esse, nec mutari posse, sed omnia ad conditionem telluris nostrae necessaria, et a sapientissimo Creatore hunc in finem creata esse, idque ex consideratione proprietatum harum materialium patere, Noster innuit. Quid autem sint quatuor istae materiae primordiales, quomodo componantur, quae ratione ex his tam innumera corpora producantur, explicare non audet Cl. Autor, sed potius omnipotentiam, sapientiam et benignitatem Dei admiratur.

Haec itaque sunt, quae ex egregio hoc libro deperpere licuit: paulo prolixiores quidem in recensendis hisce rebus fuimus, id vero tum ob externos, germanicam linguam raro callentes, tum etiam ob laudandam docti huius, et accurate conscripti, et candore morumque integritate pleni operis indolem, factum esse, fatemur.



The vegetable System, or a series of experiments and observations tending to explain the internal structure and the life of plants, their growth and propagation; the number, proportion, and disposition of their constituent parts, with the true course of their juices, the formation of their embryo, the construction of the seed, and the encrease from that state to perfection. Including a new anatomy of plants. The whole from nature only. By JOHN HILL. M. D. London fold by Baldwin 1759. fol. maj. 1. Alph. 16. plagg. tab. aen. 21.

Id est.

Systema vegetabile, siue series tentaminum et observationum, quibus interna plantarum structura, earumque vita, incrementum et propagatio explicantur: nec non numerus, proportio dispositioque partium constituentium, verus in iis succorum decursus, embryonis conformatio, seminis constructio eiusque ad perfectionem usque vegetatio declarantur. Noua plantarum anatome, ab natura desumta. Auctore IOANNE HILL. M. D.

Qui iam aliis, ad historiam naturalem pertinentibus, nec non plantarum studium illustrantibus, operibus inclaruit Cl. HILLIUS, nunc nouo opere omnis vegetabilis regni ambitum emetiri sibi proposuit. Quare iam de structura et fabrica plantarum

rum acturus; nouam non solum anatomen se exhibuisse adferit, sed nouam etiam methodum et vegetabilium dispositionem suscepit. Pretiosum quidem hoc opus, chartae elegantia, characterum nitore, iconum accurata indole satis se commendans, omnium facile manus deuenire nequit, quum vero Cl. Auctore singularia fuerint praestita, quae sollium eius studium declarant, totius operis dabitur delineationem, nunc ab anatome, ceu uoluntate primo, incepturi.

Primum itaque hoc volumen in duas iterum partes seu libros distribuitur, quorum primum historia botanices tradit, alterum uero anatomen plantarum complectitur.

Historia botanices est litteraria et in sex diuideri diuersas periodos. Breuis ea est et superficialis. Cognitio vegetabilium manca erat et triuialis ab initio, in scientiae naturalis partem abiit penes ueteres Graecos, inter quos THEOPHRASTUS ERESIUS praecipue eminet, cuius doctrinae explicationem ex cognitione eius scriptorum suggerit Cl. Auctor in prima periodo, in altera ad Romanos progreditur, quos praeter, quod ualde miramur, DIOSCORIDES occurrit, et deinde PLINIUS inclaruit. Ille hoc antiquior est, assiduus obseruator, ad qualitates plantarum magis attendit, quam ad characteres, hic incompletum et compilatum opus reliquit. Ab hoc tempore inter botanicos nullus fere referri meretur ad Arabes usque, tertiam periodum constituentes. Hi uero, licet cognitione variorum aromatum botanicam auxerint doctrinam, ex Graecis tamen profecerunt. Inter barbaros, quarta periodo, nil accessit, tanta demum incidit in tempora restauratae scientiae. Sexto demum seculo p. C. N. RUELLIUS comparuit, laude omni dignus, quem multi exceperunt. Noua autem et sexta periodus cum CAESAL-

PINO incipit, qui systematicorum botanicorum primus est, post eum sequuntur multi; alii semina seu fructus, flores vel eius partes iterum alii adsumserunt, quos nominat Cl. Auctor. RIVINI tamen mentionem sub RIVERII nomine semper facit. HEUCHERO inventionem systematis tribuens. LINNAEI methodum perennem futuram esse praesagit, sed, quod ipse breuibus notissimum hoc systema tangit, nos quoque cum eodem ad librum progredimur secundum.

Propius in eo ad structuram vitamque plantarum considerandam accedit, et vegetabilium partes singulas solidas, deinde fluidas, harum denique decursus per illas disquirat. Verum, quod natura aliquando a consueta recedit via, extraordinarias conformationes simul contemplatur, suamque peruestigationem variis corroborat exemplis. Quadraginta nouem capitibus absoluitur tractatio.

- p. 26. Vegetabilibus locus animalia inter mineraliaque medius est, a quibus, qua ratione discrepent, ex ILLINNAEI sententia declarat Noster. Materia quidem omnibus eadem est, ex terra desumpta, differentiam facit vasorum ordo et structura. Variis administriculis et maceratione potissimum partium constituentium cohaesio tollitur, quarum hac ratione septem diuersae partes, in singulis praesentes plantis, dignoscuntur; cortex nimirum exterior, interior, contextus cellulosus, (*blea*) substantia carnea, medulla inter carnem et contextum cellulosum vasorum series, tandemque coni vasculosi. Nulla planta non has partes habet, quae ad summum apicem progredientes, si flos ibidem constituitur, terminantur sic, ut exterior cortex calycem, interior petala externa, contextus cellulosus petala interna, vasorum series nectaria, caro filamenta, coni receptaculum, medulla semina atque capsulas efformet. De singulis his

his partibus nunc seorsim agit Cl. Auctor, et exempli loco elegit *Helleborum nigrum foetidum*, cuius scilicet planta integra cum radicibus teneris, non admodum profunde descendentes, ex terra erui facile potest, quod exhibita icon docet. Haec eadem planta est, quam Noster in partium structura declaranda ubique fundamenti loco ponit. Singula radices fibra a principio ad finem amplitudine imminuitur et in tuberculum oblongum definit. Tres in ea partes distingui possunt, prima, ceu initium, glabra obscure fusca, altera villosa, tertia prope tuberculum albida deprehenditur. Tuberculum autem illud, quod ab aliis nondum observatum esse dicit, non crassius tantum est, sed etiam in fine coecum, nec apertum. Sic apparet hyemali tempore, verali vero mutatur. Quare huius specialem disquisitionem suscepit Noster, nec non cuncta momenta curis expressit. In dissecto eodem media apparet cavitatis, alba inuestita medulla, huic viridis substantia seu caro superest, cui interius adhaerent sex vasculorum coni, finibus suis medullam perforantes. Ad externum carnis latus vasculorum series decurrit, super qua occurrit tela cellulosa tandemque sequuntur cortices. Ex hac itaque observatione novum conditur systema; nutrimentum plantae a spongiosa suscipi cavitare et ex hac demum in hiantia ibidem vascula distribui. Coniicit porro, in animalibus sorte vasorum lacteorum eandem structuram esse, neminem Gordium, qui capite destitui creditur, habere illud, similiter gelatinoso succo obductum, radices vegetabilium gelatinosum succum stillare, rescindantur, immo vulnus suum eo claudere. Addimus, quod observatio nos docuit, radiculam quamcunque, recens formatam in planta iam vegetante, primo loco sub pellucidi succulentique tuberculi forma apparere, id, quod optime in Balsamina conspicitur.

p. 31.

- p. 34. Ut autem a radicis fibra nutrimentum suscipitur, haec non corpori radicis originem dat, quin potius ab ea producitur, id, quod in Hellebori radice manifestum est. Corpus tamen radicis medullam habet, a reliquis partibus distinctam et separatam, super quam conica vasa feruntur, quae substantia viridi seu carne teguntur. Haec cum medulla nequitur, per eam vario decurrit modo, immo processus format, series deinde vasculosae apparent, et contextus cellulosus circa radicem in arcum ducitur ad eius basin, superius in caudicem continuatur. His tandem reliquae partes superimponuntur. Fibrae vero ipsae ex carnosae radicis partis externa superficie nascuntur, quae vesicae instar intumescens per ceteras partes transit, simulque contextum cellulosum et corticem secum rapit. Eadem ratione ex superiore loco radicis caudex progreditur, et quidem duplici modo, vel in summitate gemmam constituit, vel productio radicis est profundior, summo tantum in loco gemmam habens, eadem illi ac in fibra est conformatio, directio ad superiora tantum variat. Gemma itidem tanquam vesicula superius procedit, quae ex vasorum confluxu exeat. Tota itaque planta similes constituentes partes habet, quae nisi proportionem suam variant, ubiuis autem septem illae, superius a nobis nominatae, substantiae adsunt.
- p. 42. Expositis his, singularum partium quaevis speciatim consideratur. Externus cortex, cuius praeparandi et a reliquis partibus resoluendi modum describit Noster. Ex simplici membrana constat, cui interius viridis materies adhaeret, quae tenuior in radice, in reliquis autem partibus crassior fit. Per microscopium vero tum extus tum intus ex retiformi substantia conflatus apparet, immo studiosior disquisitio docuit, duplicem membranam esse, cui subtilia vascula intersint, quae ingenti numero perpetuis

uis anastomosibus iunguntur. Color exterioris membranae luteus, interioris albus, vasculorum fuscus videbatur. Ex his vasculis quaedam in interna superficie minutis osculis aperiuntur, unde Cl. Auctor succulentum corticis statum deriuandum esse conii-
cit. Ex variis porro exemplis comprobatur, in omni- p. 45.
bus plantis eandem esse structuram, leuioribus tantum intercedentibus differentiis, et, ubi superficies pilosa est, pilos vascula esse extus aperta et exhalantia. Hinc ex vasculis concludit, succum in corticem destillari, qui cum alius sit ac in ipsis vasculis glandulis, forte glanduloso, ad orificia vasculorum constituto, opere eundem perfici. Ab hoc ad interiorum corticem pergit Noster. Hic exteriore crassior est, et colore variat, omnibus in partibus plantae exteriori cortici subest, exceptis petiolis, quibus exterior tantum cortex et alius nullus datur. Constat autem ex variis stratis, quorum singulum ex duplici membrana, cui vascula intersunt, conflatur, ut in externo cortice. Vasculorum numerus magnus copiosas facit anastomoses, vasa vero non arcuata, sed obliqua decurrunt. Singulum vasculum tubus est, ornatur autem oualibus glandulis, vnitur cum vicinis per obliquos canales, et obtusioribus osculis patet in exteriorem corticem. Sed, quod stratis intercedit spongiosa substantia, arbitratur Cl. Auctor, humores per glandulas secerni, in contextu spongioso mutari, mutatos ab osculis obtusis iterum recipi reuehique. Tela enim cellulosa, quae post de- p. 55.
scribitur, omnes partes ambit, et succos diuersos continet, cellulae tamen vascula adhuc quaedam decurrentia admittunt, in quibus, praeter inflexionem irregularem et fere ellipticam, connexionem notat cum interiore cortice, per propagationem nempe membranularum et eodem modo cum parte subiecta seu cum seriebus vasculorum. Haec vasa, ab

- altera parte carni, vt vocat Cl. Auctor, imponuntur, in Helleboro ita procedunt, vt nectaria floris formant. Vnicum autem horum vasorum stratum est, hinc etiam hucusque praeteruisum. Ipse vasorum decursus ad longitudinem fit, nullaque iis intercedit communicatio: teguntur vbique membranula luteoli coloris, simulque vberius ostenditur, quo modo
- p. 59. ad nectaria accedant. Post corticem in arboribus sequitur lignum, substantia mollior huius loco in aliis herbis est, quare nouo nomine eam partem Noster *carnem* appellat. Haec in Helleboro tandem in filamentis staminum definit. In omnibus autem plantis haec ad essentiam pertinet, si destruitur, planta absolute perit, et ab omnibus aliis corporibus naturalibus hac sola plantas discerni credit Noster.
- p. 60. Structura per microscopia aegre cognoscitur, quod eius materia opaca est. In transuersim dissecta fibra lignum hoc vasculis et conis interest, vasa autem, quae hanc partem simul constituunt, non album, aquosum, sed coloratum et essentialem plantae succum vehunt, qui odore, sapore, et virtutibus sese discernit, atque, quod omnia replet, impellucas partes reddit. Exterior carnis superficies vasculis tenerioribus ramosisque ornatur, quae valuulis interdistinguntur.
- p. 62. Coni tandem vasculosi, etsi in carne delitescant, distincta tamen sunt corpora, a coloratis vasculis, certa ratione inter se coniunctis, prouenientia, pellucidisque vasculis iterum conteguntur. Nutritia vero censentur vasa esse, quod in foliis etiam praesentia deteguntur. Ex nodo enim vasculoso, coloratum succum continente, nouus saepe nascitur, ex quo tum colorata, tum pellucida vascula procedunt. Horum conorum distributio et expansio totius plantae sceleton exhibet; describuntur et pinguntur ex Helleboro. Ex meris cellulis constat medulla, intimo loco posita, singulae parti, exceptis
- p. 64. foliis

foliis, peculiaris data, sic, ut unius partis medulla cum alterius non communicet; has cellulas vult Noster materia spongiosa inter se iungi. Continent autem succos, qui etiam exsudantes ex carne et co-
nis iam dictis, inspissatique videntur originem dare membranulis, medullam facientibus.

Perlustratis itaque omnibus partibus, plantam p. 66.

conficientibus, melius intelligitur, in quo vita plan-
tae consistat, sub quo nomine venit Nostro omnis vegetandi et crescendi facultas. Hanc vero Cl. Au-
ctorem in carnosa substantia plantae ponere, iam su-
pra monuimus, siquidem illa in omnibus non solum
plantis est, sed etiam, si illa destituitur, perit. Ne-
cesse tamen est, ut succi in hac substantia mouean-
tur, sine quo motu vita nulla est. Is autem motus, p. 68.

quum carnosa materies filamenta faciat atque anthe-
ras, formationi plantulae, quam in farina vel puluere
antherarum contineri statuit Noster, inseruit. Vasa
quippe illa, variis anastomosibus iuncta et in se rede-
untia, ovalem circulum faciunt, ex quo ramuli ad
filamenta, antheras seminaque pertingunt. In an-
therarum ergo cauum deponitur ille succus, atomos
carnosae massae continens, exsiccatus farinam for-
mans, quae ex rupta anthera ad stigma decidit. Sin-
gulus farinae globulus, ceracea quasi materie ob-
ductus, diffiliens plantulam siue particulam vascula-
ris carnis huic tribuit, et novum rudimentum plan-
tae constituit. Eodem modo, a vasculorum ramu-
lis, ad semina delatis, lobi seminales et series vascu-
losae efficiuntur, quod studiose describitur, in pri-
mis, quum carnem, ut diximus, vim omnes partes
plantae faciendi et restituendi habere adsumferit Cl.
Auctor.

Huius rei demonstrandae causa nunc in exem- p. 70.

plo Raphanus consideratur, cuius partes omnes
egregie delineantur. Liceat ex his praecipua addu-
cere.

- cere. Filamenta staminum, quae ex carnosâ substantia plantae oriuntur, reticulari inuestiuntur cuticula: sub hac decurrunt simul vascula ex serie vasculari, quorum officium est, suppeditare humores viscosos, quasi ceraceos, quibus, qui ex substantia filamenti formatur embryo, defendatur. Subtilissima nempe vascula in vesiculas excresecunt, qui per maturitatem fiunt globuli farinae, in has carnosâ substantia simul intrat, et augetur, usque dum ob impeditum ulterius incrementum vesiculae siue globuli cum vasis accedentibus exsiccentur et ovalis circulus embryonis remaneat. Hic ob teneritudinem in terra solus crescere nequit, hinc in semine prius recondi debet. Globuli farinae plerumque, ut aliorum etiam ex tentaminibus scimus, in aqua diffiliunt, aliqui tamen
- P. 73. non aequè ut in raphano, quod autem aqua praestari nequit, per artem, adhibito quandoque oleo, obtinetur. Eiusmodi vero atomorum in una anthera multa millia continentur, quae, ut Cl. HILLIUS putat, per minutos stigmatis poros ad styli cauum et semina sic feruntur, ut eadem intrent: siquidem in illis ante antherarum aperturam vacuitas, post dispersum pulverem embryonis praesentia, et quidem eadem sub forma, qua in farina haerebat, fuerit detecta.
- P. 76. In tali embryone, quem alii plantulam seminalem vocant, septem plantam constituentes partes solas oculo bene armato iam apparere adserit Noster, neque tamen omnes partes plantarum formatas hic in compendio quasi inuolutas adesse, sed per vegetationem continuatam sensim nasci. Causas incrementi in aere et calore quaerit, in primis autem in
- P. 79. feminalium foliorum structuram inquirit. Notat praecipue, ad fabricam horum foliorum carnis particulam accedere, quae in foliis radicalibus non adfit. Haec carnis molecula intumescens, ad foliorum feminalium petiolum accedens, in tres partes abit

abit arcuatas et cauas, in tubos extendendas, vbi ad folium acceſſerint, a ſe inuicem recedentes, ſimulque vasculares conſtituunt glomeres ſiue conos ſemper duos, qui in folia diuiduntur. Mediantibus itaque his et innumerabilibus exinde productis ramuſculis ſubſtantia foliorum exiſtit, quae membranis teguntur et contextu celluloso ſtipantur, orificia autem membranarum, cum ſpongioſo habitu communicantia aequae humores imbibunt, ac ex radice coſtae foliorum faciunt. Hi ſucci calore mouentur, in foliis praeparantur et nunc ipſam ſeminalis plantulae plumulam ad incrementum diſponunt. p. 84.

Gemma enim diu quieſcens et ad ſenſum vix creſcens nunc ſubito incrementa capit. Conſtat ex carnoſa parte, quae ex radice accedit, arcuata et intus caua eſt, ſed medulla repletur. Carni extus omnes reliquae conſtituentes adhaerent. Iuxta gemmam exoriuntur folia radicalia, quae ex illa maſſa enaſcuntur, quae gemmam ſuſtinet, ita, vt ſint expansio membranarum huius partis. Conſtant enim ex duplici membrana, contextu celluloso et conis vasculosis, exiguaque carnis portiuncula. Senſim expansa folia ſuccos ad radicem mittunt, iisdemque nunc demum gemma expanditur in caudicem, ex quo folia, eodem modo formata, exeunt, quae in ſuis alis de nouo gemmas propellunt, rudimenta ramorum. Gemma talis integram plantam producit, quod tentamina docuerunt Cl. Auctorem. Immo eadem ratione ex ramis noui naſcuntur, vel flores, farina et embryones. Sicque totius abſoluitur plantae vita.

Num circulatio ſuccorum fiat, diſputatur, ſed ex p. 88.

noua carnis et conorum vasculoſorum formatione, nullibi deſcripta, apparere iudicat Noſter, ex parte tantum circulationem fieri, ſuccos autem, ex gemma, dum creſcit, ad omnem plantam ferri et in flore deſinere. Quo de his euidentiora conſtent, conſiderat

derat seorsim *Colchicum*, quod ex radice et flore, *Aconitum hyemale*, quod sine caudice, ex radice, folio florali et flore, et *Anemonem*, quae ex caudice folioso cum flore constat.

p. 89. *Colchicum* radicem habet solidam, bulbosam nonnullis squamis extus tantum tectam, irregularem, oualem, in basi vtrunque productio eminet, fibris radicalibus ornata, longior florem huius anni, breuior sequentis continet. Teneriorem praeter ea laxioremque in summitate substantiam habet, ex qua flos

p. 91. producit. Bulbus enim ipse, neque radix vera est, neque aliquid producit, sed placentam constituit, fere vt in animalibus praeparantem succos ad nutritionem foetus. Summitas autem haec radice increfcit, floremque producit, dum prior semina perfecit: mox noua formatur gemma tertia, quae ex substantia bulbi producit. Hinc vitae plantae origo est in calloso luteolo capitulo radice, vnde fibrae nascuntur et floris receptaculum. Idem enim apparet in feto colchici semine, in quo plantula sub forma annuli elliptici carnis luteolae apparet, quae cum capitulo radice dicto conuenit. Ex hoc annulo, motu succorum dilatato, quaedam partes intus protruduntur, quae conos vasculosos formant, quaedam extus, quae series vasorum, contextum cellul-

p. 95. losum, corticesque efficiunt. Succum ex terra hausti, aquosi in carne igitur praeparantur, mutantur, miscentur, saporem odoremque contrahunt, quod officium carnis est. Euaporantur per diem succi, nocte iterum resorbentur, hinc nulla vera circulatio fit: qua vero ratione ex vna parte ad alteram succi deueniant, per glandulas perficiantur, immo carni traditi ad nutritionem adhibeantur, vberius Cl. Auctor exponit.

p. 98. Simplex hic succorum in Colchico decursus, iam magis fit compositus in sic dicto Aconito hyemali, quippe

quippe quod praeter scapum floriferum ex radice quoque folia quaedam producit. Constat enim ex quinque diuersis partibus, radice, foliis radicalibus, caule, folio florali et flore. Sed in hac planta succi ex carne radice ad omnes partes, quae inde participant, deueniunt, ex foliis autem ad radices iterum reuertuntur. Radici eius tuberosae horizontali omnes insunt genuinae plantae partes, ex ea quoque nouae hinc inde gemmae nascuntur, squamis instructae. Hae, prout fibrae radice, ex carne et reliquis partibus proueniunt, sibi que ipsis medullam faciunt. Qui vero sursum producit scapus, sex tantum constituentes partes habet, sicuti folia radicalia, quae exteriori cortice destituuntur, quippe qui ad caput radice desinit. Caro foliorum tubos constituit, ad quos intus sex coni vasculosi formantur. Hinc folia p.101.
a Cl. HILLIO pro glanduloso opere, secernendis praeparandisque succis inseruiente, habentur. Scapus quidem intus ex parte cauus est, conos autem habet duodecim, qui, quo magis ad superiora veniunt, eo propius ad se inuicem accedunt, formato vero folio florali fere confluunt ad receptaculum floris formandum. Folium florale ex interno cortice, contextu celluloso, ramisque vasculosorum conorum formatur, hinc reliquae tantum quinque partes ad florem accedunt. Contextus cellulosus exteriori sua membrana petala, quae euoluta lutea euadunt, constituit, caro ad filamenta fertur, quae exterius nouam membranulam luteolam supra se habet, ex qua nectaria fiunt. Haec autem ex pedunculo et corpore constant, quod colorem cerae habet, succumque continet, vascula quoque membranis contegentibus insunt. Cum petalis tamen non connectuntur, sed cum filamentis; singulum nectarium ad tria stamina pertinet iisdemque succos largitur. Anthera singula duplex est, quae immediate p.104.
ex

ex filamento dilatato producit. Vascula tandem feminalia ex medulla generantur et in stigmata caua desinunt, quae apta sint excipiendis globulis farinae. Quum autem carnis maior copia sit ac in Colchico, plures non solum partes in hoc Aconito formantur, sed etiam totum altius excrescit. Obiter notat Cl. Auctor, succos caulis coccineo colore tingere.

p. 108. Plura adhuc cognoscuntur ex Anemone, in qua duplex systema circulationis est, alterum in radicis corpore, alterum in caulis inferiore parte. Ex radice nempe succi ad medium adscendunt caulem, ibi carnosae massa arcum facit, per quem succi iterum redeunt: ex hoc loco autem noui etiam succi superiorem partem caulis propellunt. Describit autem Noster vegetationem totius plantae: radices tuberosae, a latere decurrentes, gemmae sunt squamosae, quae, quamdiu cum radicis principis corpore cohaerent, fibras non formant, ab eo vel separatae, vel amplius non nutritae, nouum corpus radicis efformant, fibras propellunt et in integram demum plantam excrescunt. Quum per aliquot annos gemma increseat, prius florem quam producit, vberime et docte omnes hic euenientes mutationes describit Cl. Auctor, quae vero cunctae eo collimant, ut carnem sic dictam, rudimentum in radice plantae aequae esse demonstret, prout ab eo in semine et farinae antherarum globulo adsumitur. Quiescere tamen vegetationem, vel admodum lente procedere alia

p. 121. quoque exempla probant. Campanulae Canariensis radicem per integrum annum, utut sanissimam non vegetasse vidit Cl. Auctor, nec non Polypodii radicem, quae per quinque et supra annos non increuerit, usque dum in aliud defereretur solum.

Ast, sicut natura aliquando minus, ac solet, efficit, ita quandoque plus praestat, quod exemplo *Ananas proliferae* comprobatur Noster, quae loco
vnius

nus coronae foliosae plures efformavit. Comparat communem crescendi modum cum hac, et quum carnea fibrae decurrant in medio fructu sine ulla, solo contextu celluloso praesente, qui pulpam fructus constituit, illae in summo loco in ellipticam concurrunt formam et coronae foliorum originem praebent. In prolifera itaque fibrae plures eiusmodi ellipses et coronas constituebant.

His expositis, externam formam partesque plantarum nec non conformationis rationem breuiter describit Cl. Auctor; nos vero notamus, naturalem methodum, ut arbitratur, ex constituentibus septem e dictis partibus, optime construi posse, quippe p.131. quae non nisi ex anatome possit recte debeatque deduci. Huius itaque ductu septem sequentes tantum plantarum familias facit: 1) *Fungos*, carnosae substantiae sine foliis, aliisque visibilibus partibus. 2) *Algas*, quae folia habent praetereaue nihil. 3) *Mucos*, qui processus sunt interioris corticis foliorum loco. 4) *Filices*, quae ex solo folio constant, ad caudem adhaerente, semina in dorso gerente. 5) *Gramina* geniculatis caulibus, foliis integris, seminibus intra glumam reconditis. 6) *Palmas*, simplici ex trunculo constantes, foliis in summitate, floribus et fructibus in distincta spica seu spadice. 7) *Plantas communis sortis*, quo pertinent omnes reliquae, radice, caule, foliis, floribus fructibusque instructae.

Singulas hasce familias singulari exemplo illustrat Cl. HILLIUS. Ex fungis exempli loco elegit *Tuber*, quod ad *Lycoperdon* retulit Ill. LINNAEUS. Describitur omnis eius fabrica. Rotundus est globosus, superficie tuberculata, tuberculis stellatis, duplici cortice cinctus. Exterior fuscus, interior densior est luteusque, interest materia glutinosa, subest corpus tuberis, materia nempe alba gelatinosa, tubercula faciens et carnosae tuberis pars. Intus de-

inde vasculum ponitur vario conuolutum modo et gyrosum, cuius superficiei semina adhaerent. Microscopio patet, vasculum duas habere membranas pellucas, quarum exterior densior est, interior vesicularis, quaelibet vesicula quatuor continet semina, quorum singulum tuber nouum est. Omnium harum partium datur operosa descriptio per microscopia facta.

p. 136. *Algarum* familia explicatur ex *alga conuoluta* mere membranacea. In hac quidem Cl. Auctor semina videre non potuit, comparat autem cum vegetatione metallica. Nascitur ex plana basi, extenditur in tubum cauum, intestinorum in animalibus ad instar, varie gyratum et conuolutum, terminatur in finem coecum.

p. 138. *Muscorum* naturam explicat: *Bryum collo oloris* (*Swan's Neck Bryum*) quod est *Bryum caespitium* LINN. Constat ex caule tenero, nutante, vnde nomen est, capite florifero instructo, foliis oualibus, circa caulem positis et fibris radicalibus fuscis. Folia sunt oualia, acuminata, caua, substantia reticulata. Potissimum attendi meretur capitulum caulis, calyptra cylindrica, reticulata, superius aperta, ore coccineo, obtectum. Capitulum autem illud non mera est anthera, sed fructificationis partes continet. Figura eius oblonga est, pyriformis, substantia coriacea, caua, per cuius medium vasculum seminale ascendit, quod transuersis vasculis ad superficiem internam capituli adfigitur, et semina intus adfixa habet. Operculum capituli intus radiatum, sub membrana inuestiente recondit antheras seu globulos farinaceos, qui puluerem, maturi redditi, seminibus inspergunt.

p. 144. Inter *filices* describitur *Polypodium folio vario*, aut folio quercus dictum. Notatu digna sunt tubercula, in auersa foliorum parte posita. Haec annulo

culo geniculato ad auersam foliorum paginam adfi-
guntur, et pedunculo filamentoso insident. Papil-
lam receptaculum esse dicit, annulum antherarum
collectionem. Hae diffiliunt semenque replent.

Ad *graminum* naturam explicandam elegit No- p.145:
ter *gramen luxurians* seu Poam viuiparam LINN.
Describit totam plantam, differentia est in valuulis,
quae ob lautum incrementum in folia, gramineis
similia, excrescunt.

Palmae tandem specimen adducitur. *Palma* p.147:
empe foliis pinnatis seu coccifera, quae in spadice
distincto flores mares et feminas fert.

Ex his itaque differentiis partium constituentium
varietas fabricae et crescendi modus dependet. Sed,
uum aer et humiditas vegetationem faciant, ultimo
tandem loco Noster inquit in lucis efficaciam in
plantas. Priores causae molem, hae formam, co-
orem et qualitates tribuunt vegetabilibus, id quod
ariis exemplis experimentorum docetur, simulque
omnis plantarum explicatur, de quo tamen iam
libi exposuit Cl. Auctor, et varia demonstravit Ill.
INNAEUS.

Perpicuum tamen ex his fieri arbitramur, nos
non immerito laudes adhibitae operae Cl. Auctoris
cernere, quum ex compendio adducto appareat,
um potissimum in inueniendo rudimento plantarum
uisse occupatum, nec improbabilem plane hypo-
thesin defendisse. Desideramus tantum, ex omni
ac theoria arborum, seu lignosorum truncorum
perenniore vitam, nouamque stratorum confor-
mationem, libri lignique successiuam indurationem,
non satis cognosci, nec non plantarum hybridarum
genesin, quae tamen certis tentaminibus confirma-
tur, minus eidem fauere. Optamus etiam, vt ali-
uis naturae perscrutator, cui vires et occasio suppe-
tunt,

tunt, haec nimis multa nouaque inuenta sollicite repetere atque confirmare velit.

De methodo, in fequentibus voluminibus propofita, aequae ac de generibus plantarum adfumtis, propediem fumus dicturi.

XI.

Kongl. Vetenskaps Academiens Handlingar för
År 1762. Vol. XXIII. Med Kongl. Acade-
miens Tillstånd. Tryckte i Stockholm hos
direct. Lars Salvius 1762. 8vo. pl. 20. tab.
aen. 7.

h. e.

Acta Academiae Regiae Scientiarum Suecicae.
Vol. XXIII. Anni 1762.

Trimestre primum.

- p. 1. 1) **P**ETRI IONAE BERGII scriptum *de arthritide* praemio decoratum. Quaesuerat Academia, cur arthritidis recentioribus temporibus magis communis in Suecia esset, et quibus remediis vel praecaueri vel tolli possit. Primo ergo ex antiquis libris medicis Suecorum ostendit, nec olim plane ignotam, imo tempore GUSTAVI I. satis vulgarem fuisse. An aucto ditiorum et lautius viuentium numero increuerit, vix credit, satis expediri posse, ea igitur, quae in genere efficiunt, vt latius disseminetur morbus, saltem recenset. Primo vero generalem morbi historiam, sua experientia nixus tradit,
- p. 7. vbi podagrae et arthritidis vagae id discrimen statuit, quod transpiratione pedum fortiore crisis citius et perfectius obtineatur. Deinde causas, quae produ-
ducunt arthritidem, enumerat. Sunt vero illae: 1.
paren-

parentes, haereditatem illam liberis relinquentes; 2. contagium, quod vxoribus arthriticorum inprimis contingit; 3. vita lautior, cibi nutrientes, vinum, otium ab animi corporisque laboribus immune; 4. frigus; 5. febres diuturnae neruosae. Addit causas secundarias, errores in iuuentute commissos, sudorem pedum suppressum, sanguinis euacuationes consuetas cohibitas; passionem hysterica et hypochondriacam in rheumatismos et arthritidem abeuntem. Arthritidem minantur fila, in vrina recens emissa natantia, inprimis, si vna trium priorum, quas diximus, causarum praegressa fuerit. Huic praescribit Noster diaetam inprimis vegetabilem, motum, venaesectionem in pede, si plethora adsit, aquas minerales aestate, et hieme remedium quotidianum saponaceum. Analyfin etiam chemicam p. 11. nodorum arthriticorum parum nos docere de ipsius materiae morbi productricis natura existimat, cum nihil ostendat, quam statum humorum nostrorum, dum induruerunt. Plus disci putat a casu, quem Cl. P Y E *) adduxit, arthritici, qui vomitu materiam viridem, ad minerale acidum acrimonia accedentem, reiecerat sicque liberatus a morbo fuerat. Credit Noster, huic viro id subito contigisse, quod alias paulatim euenit, cum materia peccans sudore et transpiratione educitur. Durante paroxysmo non alia remedia adhiberi possunt, quam quae arthritidem in artubus coerceant et materiam malignam, vt facilius auolare possit, praeparent. Tempore a paroxysmo libero curandum est, vt materia morbi semper ad pedes pellatur, vbi ob transpirationem fortiolem facilius exit. Si pars arthritica tumet et materia peccans transpirat, cessat dolor, saltem eo in loco, et donec noua materia accesserit. Si regur-

p. 11.

p. 13.

p. 15.

K k 3

gitat

*) vid. Medical Obseruations and Inquiries. Vol. I. Lond. 1757. 8. p. 41. et Comment. hor. Vol. VIII. p. 299.

- gitat, nouosque insultus excitat, febris inprimis remedium loco adhibenda est, quo in extremitatibus coerceatur. Si in nodos cogatur, sal cornu cerui vino rhenano saturatum praebetur, adhibitis vesicatoriis. Suadentur etiam diluentia ex floribus sambuci et dulcamara. Parti adfectae optime pannus laneus imponitur, qui calore et frictione prodest.
- p. 16. Repellentia omnino prohibentur. Arthritidem plerumque in podagram commutari posse credit, si statim sub initium vesicatoriis aliisque irritantibus materia ad pedes alliciatur; vel excipit eam, a quarta caussarum ante enumeratarum oriundam, quae venae sectione, laxantibus, diaphoreticis et nitrosis, potuque diluente cum dulcamara, felicissime tolli potest.
- p. 17. Diaetam moderatiorem eamque inprimis vegetabilem, et lactis usum arthritidi tollendae commendat, iisque solis eam sublatam esse nouit. Remedia suadet saponacea, materiam arthriticam resolutura et absterfura. Calcem, cuius usum alii in arthritide ob vim eius lithontripticam suadent, vix probat, plures enim vidit aqua calcis frustra copiosius usos. Magis conuenire credit amara veterum, inprimis aegris corporis laxi et mollis, viditque multis arthriticis amara profuisse. Nulla vero remedia profunt, si diaeta non seruetur. Tolli nequit arthritidis, si vel ob aetatem prouectiorem vires corpori defint, illam in extremis detinendi, vel extremitates ita nodis repletae sint, ut haerere ibi maior materiae arthriticae copia non possit; tunc non potest non in viscera se recipere, aegrum occisura.
- p. 20. 2) *Erucam, et in quam abit, phalaenam, apum destructrices*, describit ADOLPH MODEER. Est illa tum omnibus fere, qui de apibus scripserunt, tum insectorum historicis nominata, LINNAEO Mello-nella in Syst. nat. ed. X. T. I. p. 537, 577. sed oecono-mis

nomis suecis minus cognita. Vtilis ergo his aliisque
est Nostri labor. Duo erucarum genera, apibus in- p. 31.
festa, quae SWAMMERDAMIUS Bibl. Nat. p. 209.
vers. germ. adducit, ex Nostri sententia ad vnum
pertinent. Phalaenae enim, quae cum tardius ad
mutationem suam se accingunt, tota hyeme in
chrysalidum statu manent, vere sequente emergunt,
et ab his erucæ nascuntur, minores utique illis,
quae iam in alueariis hyemarunt. Ipsarum etiam
phalaenarum color, magis aut minus obscurus, vel
a sexus differentia nasci potest, vel a squamulis, qui-
bus alae et corpuscula pulueris ad modum teguntur,
minus aut magis detritis. Reliqua de origine in-
secti, damnis, et modis illud destruendi, fere cum
aliis scriptoribus communia habet.

3) *Montes et alpes minores utiliter pecudi pascen-* p. 45.
dae adhiberi, experimento probat ANTON ROLANDS-
ON MARTIN. Sermo ipsi est inprimis de alpi-
bus Noruegicis prope Bergam urbem, ubi commo-
ratus est. Monet vero, pecudes in his locis natura
luce excelsa quaerere, plantas autem, animalium
habulo idoneas, omnibus in locis crescere, ad quae
adscendere possunt animalia, vix altius; unde colligi-
git, fimo animalium et disseminari has plantas, et
loca, ubi crescunt, stercoreari. Iam, quas plantas,
pecori pascendo aptas, in his alpibus repererit, enu-
merat. Sunt vero illae: festucae, decumbens, ouina p. 48.
viuipara, rubra; anthoxantum odoratum, quod in-
eunte Iunio inter niues alpium, vel in locis, ubi de-
fluxerat nix, reperit; poa alpina viuipara copiosissi-
mum est post anthoxantum graminis genus in Nor-
uegia; calore aestiuo siccatur et flavescit, sed au-
tumni humiditate et temperie subfrigida reuiuiscit,
foliis ad radicem et intra ipsos flores luxuriat, folia
decidua radices agere observauit LINNAEUS; poa

annua statim post niuis defluuium progerminat, copiose crescentem vidit in agris, vbi auena creuerat; aira cespitosa; airam coeruleam, copiose ad litus maris in pratis non stercoretis crescentem, miratus est; aira montana; allium vrsinum, adeo proficuum pecori pabulum, vt Noruegi, quam bene pascatur pecus descripturi, allium vrsinum comedere dicant, saporem tamen allii cum lacte communicat; festuca fluitans, agrostis capillaris, holcus lanatus, phleum alpinum et alia gramina montana. Suadet, vt his pratis Sueci vtantur, et habitationes ad montes rei pecuariae destinatas exstruant, cum iam vel nulli omnino vsui adhibeantur, vel magno cum incommodo aestate saltim pecora inde a pluribus milliari- bus illuc agantur. In monte, qui PONTOPPIDANO iudice hexapodas suecicas 400 supra maris super- ficiem eminet, anthoxantum et alia graminum enu- meratorum reperit. Sunt vero illorum radices per- ennes, quod de ipsa poa annua suspicatur, cum post primum niuis defluuium, radices eius in plures ramos excurrentes, folia, flores repererit.

4) *Problema ad geometriam curuarum pertinens* soluit ANDERS PLANMAN.

p. 62. 5) *De electrica vi crystalli Islandicae* agit TOR- BERN BERGMAN. Scripserat ei WILSONUS, in crystallo Islandica, mediocriter calida, frictione vim electricam nullam excitari, sed ei fini frigefacien- dam esse, commendaueratque Nostro, vt in Suecia, vbi facilius frigori exponitur, idem tentaret. BERG- MANUS vero primum examinavit spatium n. 2. LINN. in Suecia reperiundum, *dubbelfsten* appellant; est illud crystallo islandicae per omnia simile, saltim minus pellucidum. Id vero non frigidum, sed ca- lesactum electricum reddi potuit. Eodem modo
res

res successit cum lapidibus, quos cryſtalli nomine Noster accepit. Ex his igitur et DELAVALLI, de quibus WILSONUS scripserat, experimentis colligi potest, non omnem cryſtallum vel spatium omne hac in re simile esse, sed rem curiosorum inquisitioni ulteriori esse commendandam. Simul edit Noster p. 64. WILSONI obseruationem, in *tourmalino* ut vocant, qui cryſtallos hexedras habebat, fluidum electricum semper iuxta granum quod appellant, seu directionem, qua cryſtallus formata erat, se mouisse. Hinc colligit, polos velut electricos cuius tourmalino esse binos, a formatione lapidis pendentes.

6) *De optimo modo conchas margaritiferas apeririendi, et de statu piscationis concharum illarum in Suecia* agit NIC. GISSLER. Amant conchae illae aquas in vallibus infra montes sitis fluentes, item cauitates, quarum fundum saepius sol illustrat. Plerumque versus austrum iacent in umbra, unde fluuios meridiani directione currentes, quod illos syluae adiacentes minus tueri possunt aduersus solem, parcius incolunt, quam qui ad orientem vel occidentem vergunt. Iam aquas, conchis his diuites, nominat, sed dolet in multis iam vix amplius reperiri, vel enim consilio exemptae sunt, vel exsiccatis rimis minoribus effectum est, ut perierint. Moueri conchas fluuiatiles eo inprimis indicio colligit, quod ad litus in fluuium proiectae postridie in medio fluuii reperiantur, et via velut, per quam progressae sint, in arena conspiciatur. Amant conchae aquas frigidiusculas et limpidas; si aquis, quas inhabitant, impuriore aut ochra ferrea fetae admisceantur, margaritarum et concharum color est ferrugineus. Optimae sunt, quarum longitudo quartam vlnae partem, latitudo manum transversam adaequant. Superficies musco et luto tegitur, figura lata est et obtusa ad

p. 65.

p. 70.

- extremum minus; fundo argillaceo insistentes, intus albae et in parvis fluviis reperiundae, margaritarum bonarum spem praebent. Alia bonitatis indicia sunt fascia aequabilis a puncto splendente in externa testae superficie ad marginem prope extremum minus extensa; testarum figurae curvatae, curvaturis sibi mutuo respondentibus cet. Plurimae margaritae reperiuntur in testa sinistra ad extremum minus, raras et viliores ad maius extremum et in parte testae inferiore. Alia signa bonitatis recenset FISCHERSTRÖM *). In aquis parum profundis conchae manuprehenduntur, aut pedum digitis, in profunditate 3 aut 5 vlnarum forcipe ex abietis lignis constructa. Sedet autem margarita inter et in membrana conchae fimbriosa alba aut grisea, prout parti albae et splendenti testae, aut margini griseo imminet, ut si in confiniis reperiatur, partim alba sit, partim grisea. Figura margaritae saepius compressa, undulata, conica, hemisphaerica cet. reperitur, quod sine motu contingere non potest. Nunquam albam, quae testae adhaeserit, reperit, omnes adhaerentes griseae aut alio modo informes sunt. Quo magis margarita intra albam testae partem reperitur, eo durior, contra eo mollior, quo magis margini griseo imminet, extremo eius adhaerentes adeo molles sunt, ut cultro possint secari et strata illarum numerari. Griseae pleraeque albis molliores sunt, et si fascia grisea margaritam ambiat, vel dentibus in duas partes scindi potest. Interdum albae margaritae maiores strato griseo circumdantur, cultro facile separando; si fundus fluvii argillaceus est, margaritae pellucidae albido-coeruleae sunt, totae albae et pellucidae, si fundus ex arena aut lapide puro consistit. Interdum nucleus griseus stratis albis satis bonis circumdatur, si margarita in margine
orta

*) vid. Kongl. Vet. Acad. Handl. för Apr. Mai. Jun. 1759.

orta sit, post, compressione testarum magis versus interiora protrusa. Interdum etiam expellitur, unde margaritae in arena, aut in auibus aquaticis, quae arenam deglutiunt, reperiuntur. Si grisea margarita in concha detegatur, remota membranae, in qua includitur, parte, contractione membranae margarita propius parti testae splendenti admouetur, a qua strata albida accipit, colore post albedo coerulesco futura. Prodest etiam margaritam griseam, partibus testae albidis contusis circumdatam, linteo involutam soli exponere et subinde aqua ex testa madesfacere. Albidae margaritae, sed non satis pellucidae sole, aquam, cui immittuntur, calefaciente, puriores redduntur. Ad genesis margaritarum cognoscendam haec faciunt: in excrementis animalis reperiuntur subtilissimae laminae albidae, substantia et colore testae albidae interiori per omnia similes, in intestinis animalis et in primis prope exitum saepius minimae rotundae margaritae reperiuntur, item angulosae, pellucidae, informes. Nec difficile est, viam, qua hinc ad testam progrediantur, detegere. Igitur margaritam credit Noster particulam matris, quam vocant, perlarum, staminum scilicet, qualia membranam, testam interius periosstei ad modum inuestientem, componunt, in partibus animalis inferioribus ortam et rotundatam, motu vero animalis et testae ea in loca, ubi reperitur, propulsam. Iam prolixè methodum docet, qua exemptae ex aqua conchae, nullo suo damno, possint aperiri, margaritae, si quae insunt, tolli, conchis vero rursus in aquam proiectis nihilominus vitam conseruantibus et genus propagantibus, forte etiam alias margaritas producentibus. Aetatem concharum ex incrementis testae annularibus computat, et esse colligit, quae seculum viuant, margaritiferarum vero externam faciem senium et velut habitum reliquis dete-

p. 74.

p. 76.

p. 78.

p. 80.

deteriorem prodere, vixque 60 annis seniores reperiri.

p. 81. 7) *De spartio scopario eiusque viribus medicis agit*
 10. ODELIUS. Exercitum Suecicum, medio Ianuarii 1759 hyberna in Rugia intrantem, inuasit febris catarrhalis, plerumque crisi imperfecta finienda, tumentibus aegrorum pedibus et hydrope saepius ingruente. Purgantia parum profuerunt, quaesivit ergo Noster, militibus curandis tunc occupatus, diureticum pro copia, qua adhibendum erat, satis vile, adhibuitque primo lixiuium cinerum iuniperi, non infelici successu; sed cum frequentius in insula crederetur spartium scoparium, adeo ut igni faciendo adhiberetur, cremavit illud igne aperto, et lixiuio cinerum, eo successu, usus est, ut copiose vrina flueret et tumor subsideret. Accidit hoc februario et martio, antequam ver inciperet. Alius lixiuii huius sapor fuit, et effectus fere melior lixiuio cinerum iuniperi

p. 83. 8) *Ex diario Academiae haec referuntur: aureos duos singulos 10 ducatorum Sparrianos, optimis scriptis cuius anno insertis destinatos, Academia dedit LUNDIO, pisces quomodo velut seminandi sint, do-*
centi, et KALMIO de frigoris vehementis in vegetabilia effectu exponenti. In posterum vero hos nummos praemia esse vult quaestionum proponendarum solutionum, cuius vero, cuius scriptum de quacunque materia edi in Actis Academiae meretur, nummum argenteum promittit. Praemio *medelae pratorum muscis obduktorum* proposito dignus iudicatus est

p. 84. IAC. STENIUS *). Quaestioni *de arthritide* BERGIUS optime respondit, et alii ei proximo argen-

p. 85. teus numus datus est. Proponuntur novae quaestiones; *an conducat arbores aedificiis struendis dicatas,*

*) vid. Comment. hor. Vol. XI. P. II. p. 355.

tas, dum adhuc radicibus terrae insistant, cortice priuari, aut si id negetur, quomodo possit fullonibus alio modo subueniri? item, quomodo erucæ, arbores frugiferas deuastantes, possint destrui?

Trimestre secundum.

I) 10. LECHE *historiam mellis roscidi* (*Honig-thau*) refert. REAUMURIUS detexit; ab aphidibus excerni, et inprimis ab iis, quæ sambucum incolunt. Noster vero aphides omnes excrementa sua proicere asserit, docetque, quomodo obseruari id possit, siue in arbore humili, cuius superiora saltem sol illustrat, ubi particulae proiectæ lumine solari resplendentes conspiciuntur; siue rārum aphidibus onustum, imponendo asseri colore obscuro tincto, ubi splendore suo proiectæ partes in asseri distinguuntur, etiam cum siccae sunt splendentes, siue parte tubi terrestris tria vitra ocularia continente, microscopii ad modum adhibita, vulgare enim microscopium vsui hic non est, cum propius accedendo ad hæc insecta, simus illa forte in excretionem hac turbaturi. Eodem modo obseruauit chermem lucido-griseum, malos et ribes incolentem, ex posterioribus guttulam pellucidam emittere, quam formica lambit, et, si aliquamdiu nulla emissæ sit, chermen antennis leniter pulsans quasi sollicitat. Ceterum dulce illud, quod aphides excernunt, non formicæ solum amant, sed muscæ, papiliones, ichneumones, cantharides cet. innumeras eam ob causam arbores, quas aphides inhabitant, frequentantes, ut eadem ratio sit, hæc insecta ac formicas culpandi, quod arboribus detrimentum adferant. Cum igitur mellis roscida ab aphidibus sit, non reperitur, nisi ubi aphides copiosæ sunt. Imbre abluatur, roris et nebulae humore deducitur, et in guttas formatur.

p. 87.

p. 93.

p. 94.

Qui

- p. 95. Qui sub arboribus aphidum plenis, dum ros decedit, versantur, possunt hoc mel in vestimenta aut crines recipere, quod PLINIUS illuc e coelo decidisse refert. Frumenta illo infici dixerunt, qui alios omnes plantarum morbos cum hoc melle confuderunt. ACREL in descriptione coloniarum Suecicarum novae Sueciae narrat, a certis arboribus pluuiam decidere, coelo sereno, nullo indicio vnde oriatur, nulloque eius circa arbores vestigio. Id, nisi ab aphidibus aut insectis similibus, esse non potest. Aestate feruida et sicca copiose adest mel roscidum, fauet enim calor et siccitas procreationi aphidum, et
- p. 97. mel pluuiam non abluitur. Tali aestate 1761 vix planta erat sine aphidibus. Ipsum tanacetum crispum (LINN. Fl. Suec. ed. 1741. 666.) vastabant. Erant tanaceti aphides rubrae, et comminutae succum rubrum edebant, illasque formicae sequebantur, indicio, vel illum tanaceti amarorem ab his insectis in dulcedinem mutari. Extra dubium igitur positum est, mel roscidum ab aphidibus excerni esse vero plantarum, quem sugerunt, humorem, vnde hac re sine dubio damnum plantis adferunt, nullo qui no-
- p. 101. tus sit insectorum horum usu. Iam ubi de auxiliis contra haec damna acturus est, monet, insectorum variorum ouula in ipso, quod feritur, semine esse posse, eaque in re forte prodesse macerationes feminis in lixiuiis variis institutas, quod haec oua destruant, non semina fecundiora reddant. Deinde de aliis quibusdam insectis, damna vegetabilibus inferentibus, suspensiones profert.
- p. 105. 2) *Nouum fungi genus* describit OTTO. FRID. MÜLLER. Ex corpore sphaerico paucis diebus cylindrica forma excrescit; pars superior diffinditur, vnde foramen exiguum circulare in medio nascitur, quod paullatim ampliatur, dum latera recedunt, et
velut

velut calicem efficiunt, margine fusco, materia splendente repletum, cuius, ubi omnem amplitudinem consequutus est, superficies superior, ante splendens, nigrescit, margo perit et abit in pileum picis nigredine horizontalem, super pedunculo versus terram acuminato. Mox pileus verticaliter deorsum inclinatur ad 3 aut 4 latera, seminaque sua dispergit, fungus vero in mucum fuscum mutatur. Hunc fungum vnice reperit in ligno fagino caeso, non fagis radici insistentibus nec ipsi nec aliis visus est. Floret a septembri ad decembrem et vtcunque fauiat tempestas, sex septimanis ab origine maturescit. Differt ab aliis fungis imprimis hac re, quod semina non pilei superiori superficie reperiantur et ex ea dispergantur, vnde etiam pileus non, ut alii fungorum pilei, versus superiora erigitur, sed quo excidere possint semina, versus inferiora inclinatur. Saporem habet gelatinae subdulcem, et sunt, qui eum edunt, lignis caedendis occupati. Eoque magis verosimile est, esculentum esse, cum insectis nullis domicilium aut escam praebeat. Sed in aqua coctus gluten satis forte praebeat, vnde *fungum glutinum* inuentor appellat.

3) *De qualitatibus et usu rubri coloris ex hyperico* p.115.
 obtinendi agit PETR. ADR. GADD. Chem. Prof. Aboensis. Tres hyperici species examinavit; hypericum flor. trigynis, perforatum et quadrangulare LINN. syst. nat. T. II. p. 1184. quae duae Finniae indigenae sunt, et flor. pentagynis, caule fruticoso, fol. lineari-lanceolotis; a KALMIO ex America adlatum. Hoc nullum plane colorem rubrum prae- p.116.
 bet, ne quidem ex antheris rubescentibus, quas praeter reliquis duabus praecipuas habet. Prima species plus coloris secunda praebet. Exit vero color ex utriculis, accuratiore demum examine detegendis,

ex

- ex nulla alia plantae parte. Ea coloris receptacula in foliis, flore, caule, superfuso spiritu vini deteguntur. In sicca planta punctulorum obscure rubescentium speciem praebent. In secunda specie plerumque ad exteriora petalorum, corollae, calycis et in foliorum marginibus reperiuntur, in prima magis in disco foliorum et ad caulem plantae. Ambae species maxima habent in superioribus staminum aut antherarum, ex quibus acu apertis humor rubeus effluit. Eae semiplenae sunt, antequam antherae pistilla impraegnauerint, post siccescunt. Neque tamen inde colligere licet, nutriendo pollini in-
- p.117. feruire, cum et aliis in locis reperiantur. Tentamina cum sicca planta instituens reperit Noster, quod olea destillata citius, quam expressa, ruborem extrahant: inprimis oleum anisi citius, sed oleum terebinthinae tardius, citissime et plurimum spiritus vini extrahit. Aqua parum, item acetum vini et aqua, solutiones salum continens. Spiritus vitrioli ruborem viuidum extraxit, sed tarde; spiritus salis communis pallidiorem, spiritus nitri acido suo ruborem destruxit, dilutus vero effectus spiritus vitri-
- p.118. oli ostendit. Alcalinorum alia alium colorem extraxerunt, sed heterogeneis adeo mixtum, ut purus obtineri non potuerit, cum alcalia et materiam omnem ruboris huius destruant et reliquas partes hyperici soluant. Igitur, quo purum hunc colorem alcalinorum ope obtineret, valde diluta adhibuit, neque diu stare infusa super hyperico passus est. Ita vitello oui et spiritu salis ammoniaci etiam
- p.119. hunc colorem obtinuit. Ex quibus omnibus colligit, succum hunc nec gummi esse, cum aqua sola non solvatur, nec resinam perfectam, cum spiritu vini, quo solutus est, diluto, nihil rubri praecipitur; proxime vero accedere ad gummi laccam, (habita ratione effectuum, quos acida edunt) et pro
molis

nolis ratione magis tingere, quam gummi laccam et sanguinem draconis, vt optandum esset, hypericum nostrum multum eius coloris continere. Credit vero, medicamentis praeparandis aequae adhiberi posse hypericum quadrangulare, ac primam illam speciem, quae sola iam officinalis est. Tandem p.120. quae in vsum tinctorum tentauerit, enarrat, et experimentis confirmat, varios colores, pannis tingendis aptos, satis elegantes et constantes etiam obtineri hinc posse.

4) *Observatio eclipsis lunaris d. 18. Maii 1761*
STRÖMERO et WARGENTIN instituta.

5) *Cajaneborgi situm geographicum* definit ANDR. LANMAN.

6) *Gallam singularem* describit TORBERN p.139. ERGMAN. Multas eiusdem generis reperit vnicam in cortice quercus, et cum LINNAEO communicauit, qui nouae editioni Faunae Suecicae eam sub nomine Cynips quercus corticis inseruit. Proprium inprimis haec galla habet marginem, velut annulum conicum inuersum, tubulis instructum, in quorum nonnullis microscopio detexit corpuscula, rotunda, radiosa, polypis similia, quae, an recentius tubulis omnibus insint, definire non audet, cum cecos tantum examinauerit. In gallis quibusdam cynipides integras, mortuas reperit.

7) *Pendulorum per arcus finitos in aere, qui in p.143. ratione duplicata velocitatis resistat, excurrentium velocitatem* in quouis loco inuenire docet FRID. MALLET. Astron. Obs. Reg. Vpsal.

8) *Modum facilem palos in terram etiam solidam adigendi, ope gruis et festucae* describit C. F. NOR-
DENSKIÖLD.

9) *Aquam ex receptaculo prope Landscronam hauritam chymice, methodo MARG. GRAFII examinata*
ALEX. MICH. STRUSSENFELT.

P. 158. 10) *Observatio rarior obstructionis glandularum.*
Auctore I. G. WAHLBOM. Puer sesquiennis, fe-
bri lenta peribat, nullis vnquam remediis adhibitis.
Noster, cui cadauer ad vsus anatomicos concede-
batur, postquam in arterias venasque ceram iniece-
rat, et abdomen venam portae repleturus aperibat,
eam cum mesenterio et intestinis iniectione viridi-
iam plenam reperit, cuius multum etiam per venam
emulgentem dextram extrauasatum in abdomine in-
ueniebatur. Glandulae vero mesentericae omnes
durae erant et obstructae, inprimis hepar integrum,
nulla parte excepta, durum et scirrhosum, quo vasa
hepatis angustiora ita erant compressa et obturata,
vt pauca vasa, quae sanguinis circulationem adhuc
permittebant, eam amplitudinem essent consecuta,
quae materiem ceraceam ad venam portae admitte-
ret; imo venas maiores cultro vsque ad anastomo-
ses illarum cum venis hepaticis prosequi licebat;
arteria vero parua hepatica iniectionis suae rubrae
multum in venam hepaticam transmiserat. Vesicula
fellis fere vacua, iniecta materia in abdomen extra-
uasata remota reperiiebatur. Ren dexter durus et
obstructus, eiusque superficies anterior et conuexa
vna cum tunica propria exulcerata et exesa, velut a
putredine fortiore, qua etiam vena emulgens fragilis
reddita erat et vreter dexter, vt forcipe prehensus
diffringeretur. Penetrauerat vero exulceratio sal-
tum substantiam corticalem ad paucas quasdam pa-
pillas,

pillas, altera pars dorso obuerfa sana erat, nulla materies et nihil infueti in ventre.

11) *De terra scabiei hominum animaliumque tollenda* p.160. adhibita refert IO. L. ODELIUS. Suecis a morbo, cui medetur, *Skabb-jorden* dicitur: ad acclivia collium reperitur, vbi humiliores betulae, abietes, iuniperi frutescunt, iis in locis, vbi humidi quidam restare solet, etiam supra lapidibus terra tectis. Colore est albo griseo, saepius in superficie externa inaequalis. Vere efferuescere dicitur et farinae qua subactae atque in panes nondum coctos formatae similis esse, crescente vero calore, concidit et in orbes plerumque formatur. Nulla alia herba testitur quam muscis. Cultro tollenda est, nam ad dicti profunditatem infra eam alia terra est; quo magis alba est et crispa, eo melior iudicatur. Humida et cohaerens, sicca vero, tactu in puluerem tenuem albido griseum discutitur. Ruricolae p.161. in Södermannia contra scabiem animalium cuiusunque generis hanc terram adhibent, siccam manu applicant loco adfecto, cui si exesus sit, cum saxo nigro (*Muria* LINN. n. 6. S. N. ed. Lips. p. 164.) remixtam adhibent, securi de auxilio. Canibus et felibus interne praebent: hinc factum est, vt et hominibus contra scabiem interne daretur, cuius rei res saltim casus refert Noster, duorum infantum et viri adulti, felici successu non destitutos. Vni infantum os, vbi morbus se exferebat, etiam vnguento ex terra hac et pinguedine animali facto illitum est. Sapor est argillae, ex qua tubuli tabaco fugendo fiunt, aut testarum ouorum. Carbonibus iniecta p.162. repitat et scintillas rubro coeruleas proiicit, odorem vero tunc nullum edit, sed flamma candelae admodum nota fere ad modum cespitis bituminosi foetet. Cum acidis non efferuescit; neque coloris aut saporis

ris quicquam ex ea extrahit aqua calida diu superin-
sistens, spiritus vini quatuordecim dies cum ea di-
gestus, oleum quoduis expressum; sed oleum tere-
binthinae eo tempore paulo magis flauescere visum
est. Calcinata crepitat, deinde rubet, rursusque
refrigescens pulverem nigro griseum, subtilem, sa-
poris expertem relinquit, vix cum spiritibus acidis
efferuescentem. Nullus motus ab adfuso oleo tar-
tari per deliquium: nulla magneti obedientia. In
calcinatione adscendebat pinguedinis aliquid, ipsum
fundum crucibuli superioris permeans, colore ni-
grum, odore primum empyreumatico, sed eua-
nescente. Est igitur haec terra proprium argillae
genus.

P. 164. 12) *Aquilam tripedem* describit ERIC. GUST.
LIDBECK prope Londinum Sconiae visam. Ter-
tius pes intra duos consuetos positus erat, curvatus,
forte quod aui impedimento esset, digitis 7 instru-
ctus, nullo posteriore. Plumarum et vnguium co-
lores sollicite describit Noster, de nexu huius pedis
cum corpore animali nihil dicit, forte quod exami-
nare illum accuratius non licuit.

Trimestre tertium.

P. 168. 1) *De ventis* quaedam notat PETR. VARGEN-
TIN. Post illa, quae de ventis constantibus HAL-
LEIO debemus, breuem historiam Suecicarum ob-
servationum meteorologicarum Auctor texit. Inde
ab anno 1720 *Upsaliae* tales instituerunt Professores
astronomiae et observatores; Cl. HELLANT inde

P. 176. a 1740. meteora et phaenomena coelestia *Tor-
neae* vel ipse observavit vel observari curavit. Si-
milem industriam adhibuere SCHENMARK *Londini*
Scanorum, GISLER *Hernosandiae*, RÖNGREN *Loui-
sae*

e: omnes autem *Aboae* superauit Cl. LECHE, cuius obseruationum conspectus, miro artificio concinnatus, statim nobis occurret. Ex eo, cum Cl. MUSCHENBROEKII obseruatis comparato, colligit Cl. ARGENTIN, in Finnia, vt in Batauia, maximam partem occupare ventos, occidentalem et inter occidentalem et austrum medium. Tandem mox, Cl. CELSIUM quatuor gradus venti, qui in obseruationibus Vpsaliensibus solent annotari, non minus distinxisse, quam ab effectu venti in quercum quam magnam horti obseruatoris vicini.

2) Sequitur ipsum illud *compendium obseruationum meteorologicarum*, quas Aboae instituit IO. LECHE. Et quidem hic eius pars I. *de ventis*. Exhibentur vero 19 tabulae, in quibus perspicui potest, in quam venti, quibus anni diebus, qua vehementia de ab initio anni 1750 vsque ad finem 1761 flauent. Subiiciuntur corollaria, vt: per integros hos 12 annos non nisi 89 dies omnino sine vento fuisse, p.187. plurimos ianuario, decembri, martio, paucissimos maio, iunio, octobri, vnicum anno 1757; mediocres ventos aut nullos plus quam dimidiam partem horum 12 annorum occupasse; vehementiores tertiam; et similia, quae ad leges tempestatis tandem eruendas vtilissima esse possunt; sed obseruationes postulant, a priuatis non expectandas.

3) *De rubo arctico plantando* Auctore Ill. CAR. LINNAEO. p.192. A reliquis rubi speciebus caulibus, quartam vlnae partem altis, non spinosis, annuis, foliis ternatis, floribus rubris, et baccis receptaculo non deciduo, facile distinguitur. Proxime ad polarem circulum, ad eius tamen latus meridionale usque terrarum crescit, ad sinum Hudsonis, in Sibiria, circa sinum Bothnicum cet. non tamen reperitur

ritur in densa illa filua arborum resinofarum, quae Laponiam a Bothnia distinguit. Baccas fruticis sapore omnium, quae sine cultura per vniuersam Europam crescunt, optimo esse dicit, quapropter in Suecia australiore plantare rubum plurimi tentarunt, sed parum feliciter. Ill. LINNAEUS, cum in horto academico eam regulam obseruat, vt cuilibet plantae ea adhibeatur cultura, quae climati, in quo indigena est, sit simillima, vidit, borealibus inprimis plantis nocere magnam illam vicissitudinem vernalium dierum in Suecia calidarum et noctium frigidissimarum. Igitur rubum sub hyemis initium musco texit, qui, cum glacie esset obductus, vere ineunte abietum ramos superiniici iussit, ne praecox calor glaciem funderet, remoueri vero haec demum mense maio: inde felicem fructuum illorum prouentum obtinuit. Qua occasione simul monet, errare illos, qui plantas, vt a frigore tueantur, muscis tegunt, cum enim musci humorem insugant, hieme congelantur, vt hoc sit, plantas glacie tegere.

- p.197. 4) *Suberes lagenis obturandis praeparare, vt eua-
porationem impendant, aerem excludant, et tum acidis,
tum spiritibus resistent*, docet ULRIC. RUDEN-
SCHÖLD. Qui animaduertit, acidis resistere ce-
ram, a spiritu vini exedi, sebum spiritui non obtem-
perare, sed ab acidis corrumpi, iudicauit, mixtu-
ram ex utroque, et a spiritu et ab acidis tutam fore,
obtinendoque huic fini, si suberes illa impraegnen-
p.201. tur, parari posse idoneam. Ceram itaque albam,
siue arte dealbatam, siue virgineam aequali ponderi
sebi bouini vel hircini bene depurati admiscuit; hir-
cinum, quod firmitus cohaereat, praefert. His li-
quatis bis vel ter immerfit suberes, molles et non
nimium cauernosos. Post quamuis immersionem,
extremo minore superiora versus spectante, immo-
suis

fuit vasi lapideo aut ferreo et ad ignem aut fornacem calefecit, donec miscela ficcata esset. Interdum etiam acubus in parte inferiore suberis vias mixturae huic aperuit, quo melius intraret. Tandem panno laneo absterfit. Coqui in hac mixtura suberes, necesse non est, siquidem ex illa re molli-tem suam et rotunditatem aliqua ex parte perdant. His suberibus adhibitis, non opus est picem super-
fundere aut vesica eos tegere. Naphtham nitri per
anni tempus in fenestra, soli pomeridiano exposita,
ne minimum imminutam seruauit, indicio notae
adamante in vitro, vbi primo constiterat, factae.
Oleum vitrioli et spiritum salis per sesquiannum hi
suberes coercuerunt, ab oleo vitrioli tamen parum
nigrescentes, vt consultum sit, illos singulis annis
renouare. Minime omnium aquae forti resistunt
ob sebum admixtum, paulo tamen melius, si duae
partes cerae vni sebi addantur. Ceterum aqua for-
tis et aqua regia continentur etiam solo obturamen-
to ex cera alba facto, et ad marginem orificii lague-
nae applicato. Vesica vero super illud liganda est,
nam frigefacta cera a margine recedit et interstitia
relinquit. Aquam etiam ita occlusam, in itineribus
maritimis longinquis, potui idoneam seruari posse,
colligit Noster.

5) *Experimenta de electricitatibus contrariis, dum*
vis electrica accumulatur Auctore IO. CAR. WILCKE.
Cum in illa congestione electricae vis, quae primum
experimento Musschenbroekiano innotuit, multa
nondum perfecta, dubia et erronea superesse vide-
antur, accuratius in omnia inquirere instituit Cl.
WILCKE. Quae vero in tentaminibus praeter ex-
pectationem saepe contingere solent, breuiter ex-
ponit; vt: vitri, in quod congeritur vis electrica,
vtramque superficiem posse eandem electricitatem

- possidere, siue vitream, siue resinofam, vel etiam aliam superficiem hanc, aliam illam; conductorem cum metallicarum laminarum, quae vitro inducuntur, illa, quae ad easdem partes ponitur, vim electricam a latere iuncto vitri, in quo congesta est, accipere, sed non, vt expectari poterat, eiusdem generis, saepius oppositam; electricitatis genera saepius leuissimis mutationibus in opposita abire. Haec omnia vt accuratius examinari possint, apparatus, qui colligendae vi electricae inseruit, ita construxit, vt quaelibet pars eius reliquis admoueri et remoueri ab illis possit, non turbato vis electricae cursu: huic rei destinatas duas machinas describit, et experimenta cum iis instituta tradit, indeque conclusiones elicit, congestionem huic explicandae imprimis destinatas. Ex experimentis id annotari meretur: quaedam vitra vim electricam aequae ac metalla transmittere, quod expertus est in vitris viridibus tenuissimis, vix $\frac{1}{20}$ lineae crassis. Quae vero crassitie $\frac{1}{8}$ lin. aequabant, in illis congeri vis electrica iam poterat, et maxima copia in illis, quae lineam erant crassa. In genere vero ex obseruatis suis concludit, vitrum, in quod electrica vis congeritur, eodem plane modo se habere ac aliud quoduis corpus communicatae electricitatis capax, nisi, quod multo difficilius vitrum materiem electricam dimittat, hincque accumulari intra se patiatur.
- p.211. cae cursu: huic rei destinatas duas machinas describit, et experimenta cum iis instituta tradit, indeque conclusiones elicit, congestionem huic explicandae imprimis destinatas. Ex experimentis id annotari meretur: quaedam vitra vim electricam aequae ac me-
- p.228. tallas transmittere, quod expertus est in vitris viridibus tenuissimis, vix $\frac{1}{20}$ lineae crassis. Quae vero crassitie $\frac{1}{8}$ lin. aequabant, in illis congeri vis electrica iam poterat, et maxima copia in illis, quae lineam erant crassa. In genere vero ex obseruatis suis concludit, vitrum, in quod electrica vis congeritur,
- p.229. eodem plane modo se habere ac aliud quoduis corpus communicatae electricitatis capax, nisi, quod multo difficilius vitrum materiem electricam dimittat, hincque accumulari intra se patiatur.

6) *Noua structura horologii portatilis, secunda monstrantis*, Auctore SAM. ANGUILIN.

7) *Agros, lino confitos ramusculis abietum dense tegendos* suadet PETR. NYGREN. Vtilitates exinde expectandae potissimum in eo consistunt, quod ardor folis et venti exsiccantes arceantur, ager vero foliis decidentibus foecundetur; hinc itaque fiat
multo

multo copiosior lini prouentus. Cannabim ramis p.240.
 volubilibus lupuli tegendam esse, idque admodum
 proficuum esse, simul tradit.

8) *Observationes anatomicae de infante, cuius inte-*
stina situm praeternaturalem habebant, Auctore GABR.
 LUND, M. D. Infans hernia laborabat, a dimidio
 digito infra umbilicum secundum abdominis longi-
 tudinem usque ad sternum extensa. Sternum ipsum
 inferius versus regionem epigastricam in arcum acu-
 tum curuabatur, a cuius medio ad initium sterni ad
 collum usque non nisi digitus transuersus erat. Her-
 nia figurae oualis acuminatae erat, ultra duos digi-
 tos nullibi latae. Infans post miseram 14 dierum
 vitam interiit. Musculi recti abdominis duos digi-
 tos transuersos inter se distabant, neque coibant,
 etsi intestina eo in loco remouerentur, Omentum
 nullum, ceterum intestina sana. Diaphragma her- p.242.
 niae arcui superiori adhaerens eumque sequens, ibi
 tenue et membranosum, versus dorsum vero carno-
 sum et fortius. Hepar in plures lobulos diuisum,
 conuexa sua parte planum inaequale exhibens, quod
 directionem diaphragmatis sequebatur, et angustis-
 simum cauum thoracis relinquebat. Exigua, quae
 supererat, sterni parte, et costis integris cartilagi-
 neis exemptis, cauitas pectoris apparuit, mediastino
 consueto more diuiso, cor absque pericardio, vasis
 vero coronariis, a sanguine, velut iniecta essent, tu-
 mentibus, in dextra caui parte inuersum, mucrone
 anterieus versus costas, basi versus mediastinum ver-
 gente. Dextra auricula infusetae magnitudinis, fini-
 tra vero valde exiguae et vix conspicuae. Vasa pul-
 monaria per mediastinum ad pulmones transibant,
 qui in parte caui thoracis iacebant parui et con-
 tracti, parte exteriori pleurae adnati. Plura exa- p.243.
 minari non permiserunt parentes. In viuo infante
 L 1 5 pulsus

pulsus, cordis pulsationi similis, animaduersus est in superiore herniae parte ad mammam sinistram, qui autem a corde alibi sito non efficiebatur. Excre-
menta sola natura, auxilium ferente, exierunt, etsi nec diaphragma, nec muscoli abdominis illis protrudendis idonea viderentur. Infans inquietus erat, et interdum plorabat, siue fasciis inuolutus siue non, aliquod leuamen sentire videbatur a compressa ex assulis tenuibus corio obductis hernia, maximum vero hernia manu tecta et pressa. Sugere non poterat, lacte cochlearis ope ei dato, dum viueret, sustentatus.

Trimestre quartum.

1) *Experimentorum de electricitatibus contrariis Pars posterior* Auctore I. C. WILCKE.

2) *Observationes eorum, quae cum maniacis variis acta sunt*, Auctore IO. IOHANSON HAARTMAN. M. D. Historias morborum prolixè enarrantem vix sequi possumus, hinc quaedam saltem, quae prae reliquis, ut annotentur, digna nobis visa sunt,

p.267. excerpamus. Opium diu et magna copia sum-
tum nihil profuit aegrae, nisi ut quaedam velut lucida interualla procuraret, sed tamen tandem plane insaniit, et camphora necquicquam adhibita.

p.274. Efficacior fuit moschus. Felicem tamen etiam effe-
ctum sensit rusticus adhibito durantibus tribus septi-
manis elixir Hjärnei et olei tart, per deliqu. aa. ℥iſſ,
opii ℥ij. Femina plebeia, quaestiones theologicas maiori animi intentione rimari solita, tandem insa-
niit, et interuallis quietioribus de dolore in fronte
est conqueſta. Extractum hellebori aquosum, ex
antiquiore pharmacopolio ei datum, nullum effe-
ctum edidit, ex recentiore vomitum et aluum mo-
uit.

uit. Radix ex priore, si diffringebatur, nigra erat et friabilis, ex altero alba et firmior. Ipse monet, si ammoniacalia, additis magnis dosibus camphoræ, vel sola, vel anodynis iuncta, possint somnum aegro procurare, plerumque mox eum restitui.

3) *Fulgura Nasturtii indici* detecta ab ELISABE- p.284.
THA CHRISTINA LINNAEA. Flores nasturtii mensibus iulio et augusto, hoc vero debilius, sub crepusculum vespertinum, donec nox plena terram tegeret, fulgura, quae velociora concipi non possint, per intervalla emittere, prima vidit, et ostendit aliis, patri quoque, non nisi suis oculis credituro. Is vero monet, trium varietatum huius plantae primam tantum id facere, floribus fulvis, non duas reliquas fl. flavis basi maculatis et fl. flavis immaculatis. Addidit Cl. WILCKIUS suspicionem, sed ulterius examinandam, a materia electrica id esse, et dum vitrorum, quae in tenebris fracta lucent, reminiscitur, quaerit, annon possint fibrae quaedam a sole exsiccatae hic rumpi? Sed et simul inquirendum esse putat, annon infecta lucentia adfuerint.

4) *Peziza arenae volatilis* descripta a PETR. OS- p.288.
BECK. Est *Peziza* (arenaria) acaulis, iunior globoso campanulata, margine integra, senior magis dilatata lacerata: an *Peziza* subfusca maior RAI. Syn. ed. 3. p. 17? Habitat in arena volatili in via inter Hasslöf et Växtorp Hallandiae meridionalis, mense septembri. Radices tenues, flabellosae, interdum ad quartam vlnae partem productae, arenam colligunt. Nodulo ob exiguitatem vix conspicuo adhaerent, qui pes fungi esse videtur. Magnitudo fungi, pro aetate varia minimis pis, quae saccharinae vocantur, aequalis; rotundus est et in summitate foramine exiguo circulari apertus. Si prouentus eius
augeri

augeri posset, multum faceret ad firmiorem reddendam arenam illam, quae a vento circumfertur et amplos Sconiae et Hallandiae tractus occupat.

5) *Venas quarzo plenas in aurifodina Aedelfors* examinat ANDR. SWAB. Quae ad metallifodinarum usum colligi possunt, sedulo ostendit.

6) *Farris (Spält) culturam et usum* describit CAR. FRID. LUND.

7) *De sternutatione vehementi, cortice peruuiano*
 p.296. *sublata*, narrat PETR. ION. BERGIUS. Foeminae 26 annorum, doloribus capitis, dentium cet. inde a prima inuentute subiectae, contigit sternutatio, paroxysmi leges seruans. Praecessere paroxysmum quemuis palpitatio cordis, anxietas, ardor infra sternum prope orificium ventriculi, inquietudo; ex quibus certo et aduentum paroxysmi praedixit et durationem. Sternutatio vehementissima fuit certe pro conuulsiva habenda, solum vero ab orificio ventriculi excitata, siquidem nihil animaduvertebatur irritationis, quae sternutationes alias cum rheumatismis coniunctas comitatur.
 p.298. Paroxysmi non nisi primis diebus, hora 9 antemeridiana et 6 pomeridiana accedentes, statum tempus seruauerunt. Per integram horam, imo duas horas durarunt sternutationes. Vno paroxysmorum 1820 numeratae sunt, aliis 600 vel 800. Finito paroxysmo sudore maduit foemina, et viribus plane prostratis. Multis frustra tentatis, corticem peruuianum ei praebuit Noster, eo solo indicio motus, quod morbus paroxysmos seruabat et sudore finiebatur, tametsi ipse fateatur, nulla alia symptomata febrilia adfuisse, et sudorem ab agitatione corporis esse prouocatum. Interim adeo felix fuit haec coniectura, vt paucis diebus

diebus praeterlapsis et sternutatio cessaret et morbus omnis. Sequutus fuerat hic morbus moerorem feminae insignem et diuturnum. Aliquot menses post, cum valuisset, alio moerore correpta, in similem morbum denuo, appetitus defectu, doloribus artuum et capitis, sternutationibus, palpitatione cordis, irritatione orificii ventriculi cet. se monstrantem, incidit, paroxysmis tamen multo debilioribus, et post 14 dies, nullo omnino remedio adhibito, cessantibus. Abiit vero morbus in febrem, dolore punctorio thoracis et artuum iunctam. His etiam euanescentibus, pedes tumuerunt. Deinde nil amplius de morbo feminae audiuit Noster, unde colligit, bene eam valuisset. Coniecturam, quam formauerat, adhuc probat, moeroris magnas saltem hic partes fuisse, idque confirmat ex symptomatibus hystericeis, cum paroxysmis ingruentibus, et quod irritatio nunquam percepta fuerit in naribus et sinu frontali, sed prope diaphragma. Recordatur etiam hypochondriaci, qui, cum suctionis quendam sensum in abdomine et ventriculo haberet, quem fastidium et conatus vomendi sequebantur, simul sternutauit et statim post sternutationem rigorem quendam linguae sensit, quem a consensu neruorum, phrenici et parium intercostalis et vagi esse colligit. Recenset plures alios casus sternutationis frequentioris maxime damnosae.

8) *Compendium diarii meteorologici Aboensis, Pars p.309.*
 II, Auctore IO. LECHE. Quibus diebus serena tempestas, aut nubila aut pluuiosa fuerit, recenset et confectionaria inde deducit: decembri et nouembri plurimos dies nebulosos fuisse, vix quartum quemuus serenum; dierum vero serenorum numerum, hyeme ingruente, ideo imminui, vt succorum aduentus in arbores paulatim desinat: nouembri plurimum

rimum pluuiae aut niuis cadere, quod optant rustici, vt paludes repleantur, antequam glacie obducantur: maxime hoc tempestatis genere cum nouembri conuenire decembrem, eam ob rationem, vt frigoris vis in terram et aquam niue imminuatur. Vnicus september nec grandinem habuit nec niuem: iunius, iulius, augustus, a niue liberi, grandinem habuerunt: grandinem nunquam obseruauit noturnam.

P. 313. 9) *Natorum, mortuorum, matrimonio iunctorum numeros per 40 annos in congregatione Wassenda prope*

P. 317. *Venersborg* exhibet TORSTAN I. WASSENIUS. Ex iis, quae occasione huius catalogi obseruat, adducimus saltim, ex 39 paribus geminorum, his 40 annis in lucem editis, 6 paria adhuc superesse, ex 4 paribus singulos, ideoque 16 ex 78 natis; inter caeteros alii sine vita in lucem prodierunt, alii mox diem suum obierunt. Bis accidit, vt gemini, tribus et quinque mensibus exactis, eadem die morerentur. Inter 2818 natos 2692 viui in lucem prodierunt; non nisi tres ex his 40 fuerunt anni, in quibus nulli sine vita editi fuerunt.

10) *Eclipsin lunae d. 18 Maii 1761 Torneae visam* describit ANDR. HELLANT.

P. 324. 11) *Lycoperdon molis eximiae* describit B. BERGIUS. Repertum est ineunte septembri, in colle ex fimo putrido nato, ceterum tabaco plantando destinato. Peripheria minor fuit sesquiulnae, maior duarum vlnarum et trium digitorum; pondus 18 librarum. Erat *Lycoperdon Bouista* LINN. sp. plant. n. 83. 3. Ad hanc magnitudinem quinque aut sex ad summum diebus creuit.

XII.

Avis au Peuple sur sa Santé, par Mr. TISSOT
D. M. de Montpellier, de la Soc. Roy. de
Londres, de l'Acad. Medico - Phys. de
Basle, de la Soc. Oecon. de Berne. Seconde
Edition originale, augmenté par l'Auteur.
a Lausanne chez Jean Zimmerli 1763. 12.
Alph. 1. pl. 5.

h. e.

Consilia sanitatis, genti rusticae data a Cl. TIS-
SOT.

Cuius diu iam, ob insignem vtilitatem in aegros
aeque ac in ipsos medentes redundantem, fa-
cere debuissimus mentionem, eum maiore cum vo-
luptate nunc librum recensendum nobis sumimus,
quo nitidiorem correctioremque, quin variis etiam
additamentis a Cl. Auctore locupletatum euoluimus.
Etenim non modo varii articuli notaeque, quibus
haec editio praestat, in priori *) deficiunt, verum
totum etiam caput trigesimum primum, casus quos-
dam promptum auxilium exigentes complectens.
Prius autem quam ad ipsum librum, ut in genere,
sic vel imprimis ob formularum simplicitatem, per-
placentem propius accedamus, paucis praemonen-
dum esse putauimus, Cl. Auctorem in vsum gentis
rusticae ab vrbibus remotae librum confecisse, ideo-
que acutos tantum morbos pertractasse, chronicos
vero ideo non descripsisse, quod, longi cum sint,
medici facile consuli, nec in tam magna caussarum
copia, qualis chronicorum est, et quae prudentis
omnino medici indagationem postulat, vera atque
cuique

*) Prodiit illa Lausana. 1761.

cuique caussarum appropriata remedia praescribi possint.

Depopulationis caussarum in introductione Cl. Auctor tres nominat, quarum prima est, quod multi ad procreandam sobolem aptissimi apud varios principes stipendia mereantur, alii vero sacra auri fame incensi diuitias mercatura contracturi patrios lares relinquunt; altera causa luxur est; tertiam praua medendi methodus, aegris adhiberi solita, constituit. His praemissis modum docet, quo utilis liber esse possit, verbi diuini ministris quippe, aliisque in pagis ultra vulgum sapientibus commendat, in quorum usum varias etiam pulsum diuersitates aliaque artis vocabula explicat.

- p. 30. In capite primo *causas morborum rusticae genti frequentius infensorum* sequentes proponit 1) excessum laboris, saepe ineuitabilis, qui potu refrigerante temperandus est; 2) frigidam auram calenti corpori admissam, cuius nociuos effectus tepida infusio florum sambuci, aceto et melle permixta, sufflaminat; 3) potum frigidum in calefactum corpus infusum, cuius noxis larga venaesectione, potu aquae tepidae cum quinta parte lactis mistae et fomentationibus praeueniendum est; 4) aeris vicissitudines, vestitu praecauendas; 5) fimi et paludum ante fenestras collectarum exhalationes putridas; 6) ebriositatem 7) alimenta, inprimis panem non bene fermentatum atque placentas, et 8) tandem aedificiorum constructionem. Potus in regionibus Helueticis, vt Noster
- p. 45. ostendit, vt morborum causa considerari nequit. Caput secundum causas morbos populares adaugentes complectitur. Harum prima est, quod falsa ducti opinione incolae, vix non quamcunque aegritudinem calidioribus sudoriferis, regimineque calido profligare studeant; secunda, quod alimentis nutritibus pinguibusque aegrum sustentandum existiment,

ment, nescii, quod in morbis eiusmodi cibis, non aegrotantis, quin potius aegritudinis vires adaugeantur. Tertia causa purgantium vomitoriorumque statim ab initio propinatio est, quae licet aliquando desideretur, tantum tamen abest, ut in plerisque, imprimis in inflammatoriis morbis bonum effectum exferat, ut potius, motum humorum intendendo, fluidissimaque sanguinis dissipando, summa producat mala, mortemque maturet.

In capite tertio dietam in acutis observandam, p. 62.

psimumque regimen post horum decursum adhuc summe necessarium praescribit, et ad *inflammationem pectoris*, in quarto capite contentam, transit, p. 80.

in qua praeter venaesectiones largas iteratasque, motum diluentem et emollientem, infusionem florum sambuci cum oxymelle scillitico commixtam, vaporem aquae feruentis, et aceti, fomentationes emollientes, pediluvia et clysmata commendat, emetica vero atque purgantia acriter vetat. Si in

omnicam morbus transit, ea quantocius variis corporis et praecipue pectoris motibus aliisque adapturam disponenda, ubi vero in scirrhum degenerat, serum lactis, melle permixtum, cum sequentibus

cellulis tentandum est: rec. sapon. alb. dr. vj. extr. raxac. dr. iß. gum. ammon. dr. ß. f. cum syr. capill. ener. pill. gr. iij. quarum viginti quovis mane sumantur.

Succedit *pleuritis*, quam ut veram inflammationem pulmonum, exteriores horum partes

arte obsidentem, raro pleuram insipientem considerat, proindeque eodem modo, quo praecedentem, tractari iubet.

In *angina* praeter ea, in quacunque inflammatione conuenientia, cucurbitulas cum scarificatione, post aliquas praemissas venaesectiones collo-

positas, mire prodesse adserit, et anginae, anno 1661 epidemice in iis regionibus grassantis, mentionem facit, in secunda de febribus tractatus edi-

Tom. XII. Pars III.

Mm

tionem,

tione, quam auide expectamus, prolixius describendae.

- p. 149. Sequuntur *catarrhi*, qui veram leuiorem faucium, pulmonum aut membranae, nares intus inueffientis, inflammationem sistunt, ideoque non negligendi, sed eodem modo, vt morbi mox descripti, curandi sunt. *Odontalgia*, vt a variis caussis v. c. carie, inflammatione nerui, aut membranae hunc ambientis, etc. proficiscitur, sic variam etiam et cuius uis harum oppositam medicinam exigit. *Apoplexiam* more solemni in sanguineam et serosam diuidit, signa, quibus distingui possint, tradit, iisque mendendi methodum subnectit. *Insolationem*, secundam plurium morborum matrem, venaesectionibus, refrigerantibusque in potu, balneis, clysmatibusque adhibendis, subigere suadet, in eaque praeuertenda pileos albos, aut chartam albam pileis nigris subditam, aliquid posse existimat. *Rheumatismum* in acutum seu talem, qui febrem comitem habet, et chronicum seu febre carentem dispescit, varias species exacte describit, et postquam optimam cuiusque methodum docuit, nocentia ceu spiritiosa, aquam vitae, sclopetariam et vnguenta acria pinguiaque nominat, et ab his prorsus abstinere suadet.
- p. 209. Subsequitur *rabies*, cuius venenum mercurialibus vnguentis, laesae inprimis parti huiusque conficiendis illiniendis, restinguendum, irritatio autem systematis neruosi abhinc oriunda antispasmodicis sopienda est, pro quo scopo sequentem bolum, puluere isto, ex Moscho et cinnabari confecto, praestantiorrem, Noster commendat: rec. rad. serpentar. virg. dr. j. camphor. ass. foetid. aa. scr. ꝑ. opii gr. j. conseru. sambuc. q. s. fiat bolus, quauis vespera deglutiendus. Praeterea partem morsam aqua tepida, quod paululum salis excepit communis, aut oleo oliuarum saepius abluere praecipit.

Hanc

Hanc *variolae* excipiunt, quas in iis regionibus p.222.
 olibet sexennio epidemice saeuire, Cl. Auctor ob-
 uat, qui in curatione pustularum aperturam,
 od et pus et ipsam cutis tollant tensionem, ma-
 nopere extollit, regimen calidum acriter vetat,
 rcoticorum vero vsum, si vnquam, in eo modo
 u, vbi ob infantum debilitatem, aut conuulsiones
 ficulter erumpunt, admittendum autumat. In-
 tes sanos et robustos, inoculationis felicitate or-
 tos, victu parciori, vegetabili, pediluuiis et vfu
 i lactis, ad morbum feliciter tolerandum subigen-
 que disponit. *Morbilorum* inoculationem felici p.257.
 entu non destitutum iri suspicatur, si modo in noso-
 chiis, pro ea administranda constructis, institui pos-
 . *Febris ardens* eandem, quam reliqui morbi in- p.258.
 mmatorii, curationem postulat. Ab inflammato-
 ad putridos nunc morbos Cl. Auctor descendit,
 in *febre putrida*, quae causam corrigunt atque e p.263.
 rpore eliminant, commendat, quae vero adau-
 re poterant, vt iuscula carniū etc. plane pro-
 bit. Has *malignae* excipiunt, seu tales, quae p.272.
 nmum periculum afferunt, sine eo, quod funesti
 nodum atque atroces esse videantur. Id quod
 pster ideo fieri adserit, quod organa, viribus subito
 nauista, validis motibus causae morbificae resi-
 re, abindeque vehementiora symptomata in cor-
 re aegrotantis exoriri nequeant. Curationem
 mitoria, laxans ex aequalibus portionibus rhei et
 emoris tartari, altera quauis die exhibendum, aci-
 , antiseptica et vesicatoria absoluunt. In *intermit-* p.286.
tibus cortex peruianus reliquis facile palmam
 eripit, qui et alios per accessus adfligentes mor-
 s aequae feliciter dissipat. *Erysipelas* et *ictus ani-* p.306.
lium venenatorum breuiter Noster examinat, et ad
ammationes pectoris et pleuritides spurias et biliosas p.318.
 cendit. Hae a veris pulsu minus duro, celeriori,
 M m 2 nausea,

nausea, cute sicca et sputis minus crassis rubrisque, ast flauo colore magis tinctis distinguuntur, ad febres putridas pertinent, eandemque, quam illae, methodum exposcunt. *Colicae* quinque species Noster enumerat, vtpote inflammatoriam, biliosam, ab indigestione, flatulentam, et eam, quae a frigore proficiscitur. Cuilibet, quomodo medendum sit, docet, plures species autem ideo non recenset, quod raro iisdem ruricolae corripiantur. In *ileo* nunquam nec excrementa, nec clysmatum contenta vomitu reiecta, se vidisse fatetur, et, si vnquam, quomodo hoc factum fuerit, intellectu difficillimum existimat. Curatio venaesectiōem in brachio, clysmata emollientia, opiata, serum lactis melle permixtum, balnea aquae tepidae, ipsumque peti fustum ano immittendum exigit. In *cholera*, quae acrem bilem diluunt et obtundunt, venaesectio et balnea tepida conueniunt, opiata vero non, antequam violentia spasmorum summaque aegri debilitas vrgeant, propinentur.

Sequitur pars secunda, in qua, postquam breuius de *diarrhoea* Noster exposuit, ad *dysenteriam* transit, quam vomitoriis, rhabarbarinis, ptisana demulcente profligare suadet. Fructus horaei tantum abest, vt morbum producant, vt potius optimum prophylacticum remedium constituent. Opiata inter nocentia, pessima et cane peius atque angue

fugienda sunt. Succedit *scabies*, purgantibus, decoctis mundificantibus, et vnguentis e sulphure, sale ammoniaco et axungia porci paratis eradi-

canda. Hanc morbi excipiunt *feminarum*, quae licet omnibus caeteroquin valetudinum generibus expositae sint, ob quatuor tamen causas, menstrua nimium, grauiditatem, partum et huius sequelas, frequentius aegrotant. Menstrua si a debilitate retinentur, limatura ferri non rubiginosi amaris nupta, opti-

timum praestat auxilium, quod, vbi a plenitudine
 forum malum ortum fuit, a venaesectione et iis,
 ae hanc imminuunt, expectandum est. Varia
 commoda, grauidis molesta, sanguinis detractio dis-
 at. Plurimae, quae in ipso partu moriuntur, fe-
 nae, aut imperita manu obstetricia, aut calidiori-
 s ad partum promouendum remediis adhibitis in-
 ficiuntur, quae seruari potuissent, si peritior-
 isquam venaesectione et clysmatibus emollienti-
 s ipsis succurrisset. Morbi, qui partum sequun-
 r, sunt: 1) nimia sanguinis iactura, 2) inflammatio
 eri, 3) subita lochiorum suppressio, et 4) incom-
 oda a lacte oriunda. Inter haec pessimum, si lac-
 mammis coagulatur, et duros scirrhososque gi-
 t tumores, in cancrum perquam facile degene-
 ntes. Pro crudeli hoc malo auertendo, nodulos
 nunc dum paruos cicuta, quam in priori editione
 lores modo lenire, ob aliam plantae speciem, vel
 n iustam praeparationem adhibitam, vt ex notula
 ncludimus, Cl. Auctor eradicare satagit, vsumque
 antae vel in aliis multis curatu difficillimis morbis
 summe proficuum commendat. Conuulsiones, p.404.
 bus plerumque infantes pereunt, a quatuor vt-
 arimum caussis, a meconio nimirum retento, acidi-
 bus ventriculum aggrauantibus, dentium pro-
 tione, vermibusque in intestinis nidulantibus,
 erdum tamen etiam a cruditatibus primarum via-
 n, lactis vitiis et morbis febrilibus exoriuntur,
 bindeque multifariam et cuius caussarum respon-
 ntem methodum desiderant. Infantes, elapsis ali-
 ot a partu diebus, frigida lauare recte Noster prae-
 it, parique iure ipsis adultioribus frequentiore
 neorum frigidorum vsum commendat, vtpote
 quibus tantum corpora robur accipiunt, quantam a
 idioribus debilitatem experiuntur.

- P. 434. Sequuntur *auxilia submersis ferenda*, quae in eo consistunt, ut diutius totum corpus calidis linteis perfricetur, fumus herbae nicotianae per fistulam pulmonibus infletur, iugularis vena aperiatur, ipseque peti fumus per anum ad intestina deferatur, et sternutatoria tandem naribus immittantur. Quamprimum ad se redeunt aegri, oxymel scilliticum aqua dilutum, aut huius defectu, infusum cardui benedicti aut chamomillae propinandum est, non neglectis interim iis, quae ad ipsos suscitandos commenda-
- P. 443. data fuerunt, adminiculis. Haec excipiunt *corpora in oesophago retenta*, quae pro circumstantiarum ratione, aut variis instrumentis extrahenda, aut in ventriculum protrudenda, aut vomitu ad reiectionem disponenda sunt. Qui mediante celluloso contextu fieri possit, ut varia corpora peregrina, in ventriculum illata, per vesicam, aut varios corporis locos eliminentur, nos quidem, quantum etiam auctoritas Nostri valeat, nobis adhuc dum persuaderi nondum potuisse, aperte fatemur. Succedunt varii *morbi chirurgici*, ut vulnera, ulcera, herniae etc. de quibus postquam Cl. Auctor disseruit, ad varios *ca-*
- P. 535. *jus promptum auxilium exposcentes* descendit. Sunt autem illi: lipothymiae a plurimis causis oriundae; haemorrhagiae, in quibus quies, ligaturae et potus refrigerans maxime commendantur; convulsiones, quas, qui specifico quodam uniuersali, a quacunque causa natas, profligare promittunt, pro impostoribus atque idiotis merito habendi sunt; suffocationes; effectus metus; vapores carbonum; venena. et dolores acuti, subito in aliqua parte ab ignota causa orti, venae sectione abundante, potu demulcente, clysmatibus et cataplasmatibus emollientibus, opiatisque profligandi,
- p. 581. Sequuntur *remedia prophylactica*, ut 1) *venae sectio*, quae in sequentibus quatuor casibus tantum conuenit:

: a) quando sanguis abundat, b) quando inflammatio praesens, aut c) huius causa in corpore est, quando dolores nimis acerbè aegrum excruciant; 2) *emetica et purgantia*, quorum *illa*, gustus amarities, appetitus defectus, vomendi conatus, vomitus materiae corruptae, sensus grauitatis in ventriculo, renibus, et circa genua, virium prostratio, dolores ventriculi, capitis, vertigo, colica, et albus irregularis, interdum intermittens, *haec* autem dolores renum, colica, et grauitas genuum incitant, vtrique morbi ex debilitate, siccitas, febris artus, euacuationes salutare a natura susceptae, obstructions inueteratae, summaque neruorum debilitas prohibent, vomitoria autem sola, plethora, haemorrhagiae, et herniae interdicunt. Loca montana cohabitantes et solo fere lacte pro alimento habentes fibras adeo insensibiles prae se ferre Noster aduertit, vt viginti quatuor grana vitri antimonii pro scopo purgandi absque noxa deglutiant. De ceteris remediis, prophylactice sumtis, pauca Cl. Auctor commemorat, et inter haec recte, ceu optimum, temperantiam in victu et potu commendat, ad nequissimum hominum genus, ad medicos, circumforaneos, aliosque transit impostores, qui, dum sanitatem credulis hominibus promittunt, crudeliter ipsos iugulant. In hos iure meritoque vehementer inuehitur, fraudes eorum detegit, vtrique praebet consilia, quomodo hi ipsi coerceri, et saluti tot millium hominum consuli possit.

Caput vltimum catalogum continet quaestiones p.632. ad quas, qui medicos adeant, respondere debent. Adiecta est tabula formularum, in toto libro p.637. medicatarum, quibus varias notulas Cl. Auctor subscripsit, et cuiusque pretium addidit, mensurarumque rationem exacte indicauit. Finem libro synoptica tabula totius operis imponit. Quum artis recen-

sionum limitibus circumclusi, non nisi pauca et summa tantum momenta ex hoc libro lectoribus nostris tradere potuerimus, persuadere ipsis non dubitamus, quod si ipsum librum, mole non adeo magnum, euoluere placuerit, magnam omnino ex eiusdem lectione voluptatem vtilitatemque esse percepturos.

* * * * * *
* * *

Quum tanto applausu in omnibus fere Europae regnis acceptus fuit hic liber, vt intra triennium variis in locis sedecies, vt scimus, forte pluries, vel recuderetur tantum, vel in alias linguas transferretur, vel notis et additamentis augeretur, gratum lectoribus facturos esse nos arbitramur, si editionum, saltem harum breuem adiciamus adumbrationem, quibus editores adiectis notis vel supplementis praestantiam quandam conciliarunt. Omnium prima ab ipso Auctore euulgata editio Laufannae prodiit *); hanc mox excipiebat alia, itidem Heluetica **), cui vero eam Cl. HIRZEL, medicus primarius Turicensis, impenderat operam, vt partim librum germanice redderet, partim supplementis ab Auctore acceptis locupletaret, partim praefatione ornaret. Quare haec editio primaria erat praeferenda, donec ipse Auctor libellum hunc auctum denuo augeret recudique curaret. Priusquam vero hoc fiebat, variae in variis locis recusae diuulgabantur editiones, quas vero, quum omnes, praeter Parisinam et Lugdunensem, nihil continent, quo ceteris antecellerent, silentio

*) Anno 1761. 12.

**) Herrn S. A. D. TISSOT *Anleitung für das Landvolk in Absicht auf seine Gesundheit mit neuen Zusätzen vermehrt. Aus dem französischen übersetzt. durch H. C. HIRZEL. Zürich 1762. 8.*

entio inuoluimus. Parisinae quidem editioni *) adiecti sunt morbi chronici, et iis haec editio complementum quoddam accepisse videri posset; sed hos omnes morbos studio Cl. TISSOT omiserat, quum tantummodo regulas proponere constituisset, quas gens rustica in morbis perniciosis sequi deberet, ubi medicos consulendi nulla superesset opportunitas. De Lugdunensi mox. Quum interim Cl. TISSOT cognosceret, operam suam optimis quibusque propari, et quum a Collegio Sanitatis Bernensi praemii loco numum aureum acciperet, impellebatur, ut libellum suum percurreret, loca non nulla adiectis notis magis perspicua redderet, non nullas peruerfarum consuetudinum, quas inter plebem vigere et in priori editione omisisse viderat, euerteret, explicationeque non nullorum morborum augeret, enata est altera editio Laufannensis multis locis emendata et locupletata, cuius summam modo exhibuimus. Facile praeuideri poterat, et hanc editionem aliis in locis recusum iri. Primum itaque Cl. HIRZEL alteram germanicam editionem **) proferebat, cui cuncta additamenta Auctoris immiscuerat. Postea alia Lugduni ***) in publicum prodibat, in duos tomos diuisa, ex qua, quum attendi mereatur, nonnulla mo-

M m 5

menta

*) Avis au Peuple sur sa Santé ou Traité des Maladies les plus frequentes par M. TISSOT. Nouvelle edition, augmentée de la Description et de la Cure de plusieurs maladies et principalement de celles, qui demandent de prompts secours. Ouvrage composé en faveur des habitants de la Campagne, du Peuple de Villes et de ceux qui ne peuvent point avoir aisement les Conseils des Medecins. a Paris. 1762. 8.

**) *Zweyte vermehrte und verbesserte Auflage. Zürich 1763. 8.*

) Avis au Peuple sur sa Santé par M. TISSOT. Nouvelle édition conforme à la seconde originale à la quelle on a joint la traduction de la Preface Allemande de M. HIRZEL et des Notes par M D. M. Tom. I. II. a Lyon. 1764. 12.

menta depromamus. Prostat etiam Belgica quaedam editio *), in qua vertenda, augenda et ad genium populi Belgici accommodanda Cl. BIKKER operam suam posuit. Et hanc editionem peruoluimus, ad quod inclyti Auctoris fama nos non poterat non inuitare; nec operam eo nos perdidisse, momenta testantur a nobis notata, quae mox lectoribus reddamus. Italicam, Anglicam et Suecicam editionem, quas esse constat, nondum vidimus.

- Ex Lugdunensi editione, cuius auctor nomen
 p. 46. suum reticuit, haec habeas Lector. De causis morborum agens Editor, plures epidemicorum, grauioribus vtique symptomatibus stipatorum, ab esu fecalis cornuti in variis Galliae prouinciis genitos fuisse, adnotat, varias aquas impuras repurgandi enchireses docet, et morbos, a vino, plumbo et
 p. 78. alumine mangonifato oriundos, enumerat. In regionibus calidioribus fenestras per noctem apertas seruare periculosum, quin in locis quibusdam plane funestum existimat, et morem istum Lugduni vigentem, vbi aegris scilicet spissiora meracioraque iuscula nimis saepe propinantur, merito vituperat. Conualescentes monet, ne noua alimenta ingerant, prius
 p. 86. quam adsumta sat bene digesta sint. In inflammatione pectoris, vomitoria, nisi corruptorum alimentorum
 torum

*) Raadgeeving voor de Gezondheid van den Gemeenen Man van Landlieden, en alle die de hulpe van een bekwaam Genees- of Heelmeester ontbeeren, of niet spoedig genoeg bekummen kunnen; dienende tevens tot een nuttig Genees- en Heelkundig Handboek voor Landheeren, Dorp- Leeraaren, weldaadige Lieden, Dorp- Heelmeesters, en alle die zig uit menschen- liefde of beroepshalven met het geneezen van Zieken bemoeijen. In t' Fransch geschreven door den H. TISSOT-. Naar den tweeden Druk vertaald, met Aanteekeningen en invoegfelen vermeerderd, en verder naar de gesteldheid van ons Land geschikt door LAMBERTUS BIKKER. M.D. Te Rotterdam. 1764. 8 mai.

torum congeries, e signis additis cognoscenda, absolute ea desideret, summum periculum inducunt, ideoque caute admodum propinanda sunt. In eo casu, p.100. ubi inflammationem, celeriter in gangraenam trans-
 ituram, symptomatum vehementia, aegrorum debilitas, et regnans epidemia ostendunt, maturius ad antiseptica confugiendum est. In atrocioribus late- p.136.
 rum doloribus acriora, adfectae parti superimposita, optimum saepius effectum exserunt. In apoplexia p.199.
 cucurbitulae cum scarificatione praestantissimum auxilium adferunt. Emollientia in rheumatismis loco dolenti admota suspecta sunt, nimium etenim relaxando tumores excitare possunt, resolutu difficillimos. In eodem malo linimentum ex olei oliuarum vnc. j. camphor. vnc. semiss. et spir. sal. ammon. drach. iij. commendatur adfectae parti illiniendum. Vesicatoria tanti in variolis vsus esse contendit Cl. p.276.
 Auctor, vt vel has ipsas minus periculosas fore suspicetur, si ab initio statim applicarentur. De infectione iudicium suspendit, vsque dum Senatus supremus, quid de eadem putandum sit, in sapienti decreto ostenderit. In diarrhoea, febribus malignis p.318.
 superueniente, adstringentia summe periculosa, et cardiaca sola gratis acidis iuncta, si nimium hoc symptoma vrget, admittenda sunt. In febribus intermittentibus semper leniora praestat propinare purgantia, prius quam cortex peruianus exhibetur, cui, si obstructions abdominales metuendae sunt, commode aut laxantia, aut sal ammoniacus in parca dosi, aut martialia iungantur. In colica inflam- p.373.
 matoria, si inflammatio recens, et venter aere per calorem rarefacto inflatus est, fomenta aquae frigidae cum sexta parte aceti, iis, cum aqua tepida paratis et a Cl. TISSOT in hoc casu commendatis, praefenda sunt. Cicutae vsus in cancro nihil plane p.455.
 Lugduni profuit, indeque penitus fere iterum reiectus.

p. 491. *Aut.* In plurium aquis submerforum ventriculis raro, in pulmonibus nunquam, Cl. Auctor aquam inuenit, vnde concludit, motum huius visceris, ob aeris defectum sufflaminatum, pro causa mortis eorundem esse habendum.

Belgicae autem versionis Auctor in praefatione in genere ostendit, quae passim annotauerit et adiecerit; ille enim non verbalem semper, sed captui plebis, si obscura occurrebant, accommodatam versionem dedit, et ideo passim animaduersiones adiecit. Inprimis vero, vbi vitae genus, victus et medicamenta Belgicae gentis ab Heluetis nimis recedebant, alia, a Cl. *TRISSOT* proposita, neglexit, alia et noua addidit, interdum enim sententiam Auctoris nouis argumentis adductis confirmauit, praeiudicia vulgi super morbos, methodum medendi et remedia magis oppugnauit, alia quoque ipse addidit, v. c. monita a conualescentibus obseruanda, annotationes de angina, de colica pictonum, de luxatione vel dislocatione musculorum. De morbis infantum plura quoque addidisset, nisi cognouisset, Cl. *GRAS-HUIS* de his quaedam editurum esse. Alia denique de mensuris, dosibus et varietatibus remediorum exposita non tangimus, qui potius selectas quasdam eius obseruationes subiungimus.

p. 3. Refrigerium, calido corpori admissum, ob perspirationem suppressam anginas, peripneumonias, pleuritidem et febres inflammatorias inducere, Cl. *TRISSOT*, Noster vero, aestate et autumno in Belgio febres putridas biliosas, hyeme autem coryzam, catarrhos et rheumatismos ex illa causa oriri, asserit, et de remediis in his morbis adhibendis quaedam monet: in coryza et catarrho infusum theae cum saccharo et croco, frictionem corporis et indusiorum mutationem, in febribus autem biliosis vnciam vnam cremoris tartari cum lacte ebutyrato,

tyrato, aut lene laxans aut scrupulum vnum ipecuanhae suadet. Nulla est regio, in qua vicissitudines tempestatum variantium frequentiores sunt, quam in Belgio; observationes enim meteorologicae docent, vere et autumno gradus thermometri vna alteraque die ad gradus duodecim, immo sedecim, differre, hanc etiam differentiam saepe in vna eademque die horis matutinis, vespertinis ac meridianis observari: quare imprimis operarii, qui in aere libero aerumnosos saepe labores tractant, his ipsis vicissitudinibus non tantum ad morbos supra commemoratos, sed etiam ad febres intermittentes et continuas remittentes disponuntur. Ardor solis, aer siccus, pluvia vel nebula saepe vna die variant, et horae vespertinae potissimum frigidae et humidae sunt. Multae regiones, hyeme potissimum aquis inundatae, vel maris vnda saepe in littora deuoluta, fluminum et stagnorum copia, venti, auster et faonius, potissimum humiditatem afferunt, et ideo morborum a perspiratione suppressa oriundorum causae sunt. Hae autem porro augentur, cum putridi halitus ex corruptis animalibus, plantis marinis, et aquis putrescentibus aerem maxime inficiant.

Clysmata vt optima, purgantibus saepe praefenda, auxilia laudat Noster, sed simul monet, aegros in Belgio multas ob causas illa negligere, immo reformidare. Stragulorum quoque et linteorum mutationem, in morbis grauioribus et putridis praecipue adeo necessariam, haud admittunt aegri, hinc putridi halitus augentur et morbos pessimos reddunt. Cum in pleuritide vera venaesectiones adeo necessariae sint, alii etiam morbi, qui ad pleuritidem spuriam pertinent, immo saepius dolores colici ad huius generis morbos referuntur, et ideo in iis a medicis et chirurgis venaesectiones suadentur, licet eae non raro noxiae sint, et potius conueniat blanda

p. 5.

p. 35.

p. 68.

blanda primarum viarum euacuatio. Qua occasione in genere crebriores venaeſectiones in morbis ſuſceptas, vel vt minus neceſſarias, immo ſaepe noxias, taxat, et recte vrget, ad pulſum et ad indolem morborum inflammatoriam praecipue reſpicere.

p. 72. Quando in pleuritide, poſt repetitas venaeſectiones et medicamenta refrigerantia, progreſſus febris non nihil cohibitus eſt, dolor autem vehemens porro perſiſtit, et obſtructionis in pectore indicium praebet, medici magna emplaſtra veſicatoria femoribus, ſuris et praecipue loco dolenti cum fructu applicant.

p. 80. In angina cataplaſmata emollientia collo applicanda eſſe ſuadet Cl. RISSOT, refert, gentem ruſticam nidum hirundinum hanc ob cauſſam applicare; Noſter autem epithemata ex partibus aequalibus lactis et ſpiritus ſalis ammoniaci, vel oleum preſſum cum ſpiritu cornu cerui mediantibus pannis laneis vel lineis, applicari iubet. Hac occasione etiam peruerſam medendi methodum in Belgio uſitatam perſtringit, qua in angina, phrenitide, arthritide et aliis grauioribus morbis, immo etiam in variolis, diſſecta animalia viua, vel partes eorundem calore vitali adhuc praeditas, collo aliisque partibus applicant, et ita gangraenam et ſphacelum auertere, vel, vt ipſi dicunt, extrahere intendunt. Applicantur quoque ab aliis millepedes, lumbrici, buſones, nec negandum eſt, his puſtulas in cute excitari, melius tamen eſt, hac in re veſicatoriis vti, quam ſpurcis his remediis applicatis, putredinem accelerare. Vti vero paſſim medicamenta varia in Belgio recepta commemorantur, ſic in anginae potiffimum curatione alia plura adduntur, et ſimul de angina ulcerofa et aphthoſa, quae a viginti abhinc annis in variis Europae prouinciis ſaeuiit, mentio fit, et paulo

lo post medicamentorum dulcium abusus in catarhis pectoris et tussi reprehenditur.

In variolis incisionem pustularum, ad maturita- p.163.

tem progredientium, Noster commendat, praeci-
pue quod puris resorptionem impediat. Cortex pe- p.200.

ruvianus non solum in febribus, sed et in aliis mor-
bis, vt egregium medicamentum laudatur, sunt ta-
men in Belgio adhuc multi, qui illud noxium dicunt
et reformidant, et recidiuas febrium aliaque sympto-
mata, non erroribus diaetae et aliis causis, sed prae-
cipue cortici adscribunt, et ideo saepe ridicula et
minus efficacia remedia et amuleta huic praestantif-
simo praeferunt. Plicas et conuolutiones in intesti- p.246.

nis, quas voluulum dicunt, non concedit, cum ca-
nalis alimentorum vndique adhaereat mesenterio:
forte tamen in his partibus, per hernias nimium di-
stentis et minus apte repositis, conuolutiones prae-
ternaturales fieri possunt. Illas tantum voluuli
species concedit Noster, quae per inuaginationem,
hoc est, vna parte intestini in alteram protrusa, effi-
ciuntur. Clysmata ex fumo tabaci hac occasione data
laudantur. De tumoribus mammarum inueteratis, p.288.

iisque, ne in cancrum abeant, nullo medicamento
mouendis bene differit Cl. r i s s o r; Noster autem
quodammodo dissentire videtur, cum asserat, lac in
mammiis stagnans raro cancrum inducere, cum cata-
plasmatis emollientibus et leni frictione discuti
queat. Sed de inveteratis etiam tumoribus idem
sentire videtur, cum illis cataplasmatibus sal tartari
et saponem venetum addit, et fomentationes cum
aqua calida, in qua sal tartari solutum est, commen-
det, internum tamen et in his non negligit reme-
diorum vsum. Laudat etiam emplastrum de lauda-
no in pharmacopoliis belgicis receptum. Eum ta-
men de non prorsus inueteratis scirrhis agere, ex eo
patet, quod in proxima grauiditate, accedente nouo
lacte

laete, discussionem saepe succedere, asserat. Cicuta-
tae etiam effectum, in scirrhis resoluendis et carcino-
matibus persanandis, in Belgio non semper votis
respondisse, narrat.

XIII.

Noua physico medica.

Imperialis Scientiarum Academia *Petropolitana*
chemicis, inprimis artis fusoriae peritis proble-
ma explicandum proposuerat *) quod ad artem me-
talla quaecunque ex mineris eliciendi pertinet, et se
praemium optimae explicationi anno 1763 adiudi-
caturam esse promiserat. Utut utilissima est haec
quaestio eiusque solutio lucrosa, nihilo tamen minus
vnicum tantum modo accepit super hac re com-
mentarium. Hic quidem tum ob principiorum
chemicorum vim, tum ob experimentorum, quae
repetiit Academia, fidem, eius applausum omnino
mereri videbatur. Quum vero inter vnicum nulla
datur optio, quae sane prima lex academiarum esse
solet, et ut tempus haberent, si qui forte essent, qui
completio-rem explicationem meditarentur, quo per
experimenta eam firmarent adeoque absolutam ad
academiam mittere possent, lubens cunctata est, de
praemio aliquid decernere. Quod vero quum huc
vsque frustra expectauit, propositam autem quae-
stionem maximi in rebus metallicis momenti esse iu-
dicat, eandem denuo proponit disquirendam expli-
candamque. Omnes tamen, hoc suscepturos, iis
adstringit legibus, 1) ut commentarii non solis argu-
mentis theoreticis, sed etiam eiusmodi experimen-
tis nitantur, quae in magno officinarum metallica-
rum apparatu possint institui; 2) ut experimentorum
prae-

*) vid. Comment. her. Vol. X, p. 181.

za afferatur copia, quae ad propositae methodi
praestantiam probandam sufficiat; 3) ne scripta me-
is sententiis, cogitando inuentis, nec experimentis
firmatis, aut alchemicis principiis consent; 4) vt
lenique commentarii definito tempore, ad summum
ante calendas mensis maii 1766 tradantur acade-
niae, de praemio, quod constat centum aureorum
esse, adiudicando die vltimo m. iunii eiusdem anni
sententiam laturae.

Nec Regia Chirurgorum Academia *Parifina* in
conuentu, nuper die 18 m. aprilis celebrato, prae-
mium, huic 1765 anno destinatum, vlli commenta-
riorum, quorum duodeuiginti acceperat, tribuere
otuit. Plerique enim veram problematis senten-
tiam non sunt assecuti. Proposuerat nimirum Aca-
demia: determinare veram notionem eorum tumo-
rum, qui nomine *de Loupes* cogniti sunt, eorum dif-
ferentias et remedia exponere, quae, et in singula-
rum specie et ratione cuiuslibet partis, quam
occupant, prae aliis applicare debet ars chirurgica.
Alii, vocabuli *de Loupes* ambiguitate impliciti, scir-
rhosos tantummodo tumores supposuerant, alii sen-
tum eius latius extendentes, omnes tumorum spe-
cies, qui folliculo includuntur, ganglion, ranulam,
cysticam, hydrocelen, hydropem ouarii et ipsum
tumorem ex spina infantum bifida ortum huc retu-
rant *). Quum itaque nullus horum ex mente
Academiae ad ea, quae quaesierat, responderit,
promissum praemium retinuit, et eruditos denuo ad
eam.

*) Hic inter ipsos Gallicos scriptores de quodam patriae lin-
guae vocabulo dissensus excusationis argumentum nobis
praebet, qui, dum de quaestione in praecedenti Comment.
h. tomo ad lectores nostros referebamus, vocabulum *de*
Loupes ganglio rite exprimere nobis videbamus. vid. Vol.
XI. p. 552.

eandem quaestionem explanandam duplicato nunc praemio inuitat. Ne vero hi iterum vel longius a mente eius aberrant, vel latius vagentur, Academia in monito quodam, a Cl. LOUIS, qui ipsi est ab epistolis, publicato declarauit: se vocabulo *de Loupes* designare steatomata, veteribus non ignota, praetereaque se optare: vt eruditi non acquiescerent in sola compilatione diuersarum opinionum, quae de hoc vocabulo inter eruditos vigeant, vt e contrario ex ipsa eiusmodi tumorum dissectione anatomica eorum originem, causas et humoris contenti indolem declarare studeant et ostendere, qualis curandi methodus singulo tumori singulisque, quibus insidet, partibus conueniat, vtrum resolutio, an suppuratio, vel exstirpatio et excisio, vel ligatura, vel caustica remedia sint praeferenda. Reliquae conditiones, sub quibus Academia ab eruditis accipere solet commentarios, iam satis cognitae sunt, quos itaque, cum anno 1767 de iis sit decretura, ante finem proximi anni 1766 expectat.

Quod vero *eadem* Academia in sequentem 1766 annum proposuit problema, superius *) iam indicatum fuit.

A Regia etiam Academia Scientiarum elegantiorumque litterarum *Berolinensi* praemium, quod problemati, ex philosophia experimentalis petito et a nobis iam superius **) allato, in hunc 1765 annum destinauerat, ad sequentem dilatum esse accepimus.

Regia vero Societas scientiarum *Göttingensis* in conuentu, die 3 mensis augusti habito, bina obtulit praemia eruditis, qui optime quaestiones, quarum altera ad mensem nouembrem huius anni, et altera

ad

*) In hoc ipso volum. p. 167.

**) Vol. X. p. 165.

d eundem mensem sequentis pertinet, sint soluturi.
 n priori quaeritur; quo modo aluearia a nociuis
 efendi possunt erucis? In posteriori vero: num res
 uaedam excogitari possit, quae luteo tingat colore
 eque constanti, ac ex isatide et rubia tinctorum
 ptima solet oriri.

Qui huc usque rei epistolari Academiae Imperia-
 s scientiarum *Petropolitanae* magna cum laude
 raefuit, variisque scriptis inter eruditos inclaruit,
 ERHARDUS FRIDERICUS MÜLLER, Imperia-
 s Historiographus, ab Augustissima Imperatrice ipsis
 alendis mensis ianuarii huius, quem agimus, anni,
 Director Primarius domus, infantibus educandis in-
 tituendisque dicatae atque *Moscouiae* exstructae, de-
 ominatus et in posterum curam eius habere iussus,
 mulque titulo Consilarii Collegiorum ornatus est.
 atque, quum nunc muneris ratio requirat, ut inpo-
 erum Moscouiae, quo nuper iam die 4. m. martii
 biit, commoretur, superius apud Academiam ge-
 um munus iam deposuit, conseruato tamen loco
 membri eiusdem ordinarii, et munere historiogra-
 hi Imperialis cum annuo mille et ducentorum
 umorum vncialium Russicorum salario.

Pragae iam ante duos annos munus Professoris
 Botanices et materiae medicae in eadem Academia
 viro Cl. IOANNI BAPTISTAE BOHADSCH, Phil.
 et Med. Doct. S. S. Caes. Reg. Apost. Maj. in Com-
 mercialibus Consiliario, Historiae naturalis iam du-
 um Prof. et Acad. Botan. Florentinae Socio dela-
 um fuisse, nuper demum accepimus. Eundem etiam,
 b praeclara in omnem historiam naturalem merita,
 Academia Electoralis scientiarum vtilium Mogun-
 ina die 16. m. aprilis anni 1761 et Regia Societas

scientiarum Londinensis d. 23. m. decembris a. 1763
in sociorum suorum numerum receperunt.

Quem *Hagae Comitum* sponte nuper THOMAS SCHWENKE reliquerat locum Professoris anatomiae et chirurgiae, eum nunc vir occupat clarissimus CORNELIUS HENRICUS VELSE, Med. Doctor magnam nominis famam iam dudum adeptus egregia sua dissertatione: *de mutuo intestinorum ingressu et aliis machinae humanae extraordinariis*, Lugd. Batav. 1742 edita.

Relicta Marburgensi Academia in *Göttingensem* abiisse V. Cl. PHILIPPUM GEORGIUM SCHROEDER, ibidem nunc Professore Medicinæ et Anatomiae Ordinarium, nuper *) indicauimus; nunc vero addere possumus, eundem munus hoc oratione inaugurali: *de circumspectione in academicis medicorum institutionibus, quoad discrimen euietarum theoriae veritatum et minus certorum eius dogmatum obseruanda*, auspiciatum fuisse. Orationi praemiseraat programma, quod sectionem primam experimentorum ad veriores cysticae bilis indolem explorandam captorum exponeret. Relatum etiam legimus, eundem titulo Archiatri regii haud ita pridem esse ornatum.

Viennae Austriae die 2. mens. aprilis huius anni praematura mors omnem spem abstulit, quam florens ibidem Academia de dexteritate atque assiduitate inclyti viri IOANNIS LAURENTII GASSER, S. S. Caes. Reg. Apost. Maiestatis Consiliarii, Philosophiae et Medicinae Doctoris, Anatomiae Professoris Publici conceperat, ex parte etiam expletam viderat. Patria ipsi erat *Flauium Solonense*, *Carinthiae* vrbs. Parentes habuit honestos, IOSEPHUM
RUPERT.

*) Vol. X. p. 717.

UPERTUM et ANNAM MARIAM MAYERIAM, natus die 22. m. martii anni huius seculi vigesimi tertii. Literarum initiis, et iis disciplinis, quibus fundamenta altiorum ponuntur, *Clagenfurti* bene instructus, anno 1742 Viennam se contulit, arti fatigari operam daturus. Hic multos commoratus est annos et, postquam Ill. et magni nominis Vir, ERARD. VAN SWIETEN Viennam 1745 accitus fuerat, per octo integros annos ex illius ore pependit. Ab Augustissima Imperatrice denominatus, ut iam undecim sociis, in certiore belli tempore fauororum militum curationem in chirurgia manuali instrueretur, maximo feruore illi incubuit magnocereque in hac aeque ac in anatomia, quam hanc ob causam sedulo tractabat, profecit. Anno 1754 vacante cathedra anatomica munus *Lectoris anatomici* sibi creditum fuit, cui quum per triennium summa cum sedulitate atque laude praefuisset, vno eodemque anno Doctoris Medicinae Professoris Anatomiae, et Consiliarii Caes. Regii dignitatibus in meritorum gratiam studiique incitamentum est ornatus.

Erlangae etiam nuper V. Cl. IOANNES CHRISTIANUS ARNOLD Phys. Prof. Public. Ordinarius, Societatis artium liberalium Lipsiensis et teutonicae Erlangensis Collega Honorarius die 9 m. Julii h. a. pertinaci morbo extinctus est, aetatis suae annum agens quadragesimum quartum. Natus erat *Neucopetrae*, vrbe haud ignobili *Saxoniae superioris*, die 2. m. februarii anni 1724, patre PETRO ARNOLDO patriae vrbis fenatore meritissimo, et matre INSELIA. In patria schola institutione MESSERCHMIDII in litteris humanioribus, et H. E. POEYI, mathematici praeclari, in rebus physicis et mathematicis, multum profecit; iisque bene praeparatus academias anno 1740 petiit, primum Ienensem,

postea Lipsiensem. Collecto in vtraque nunc scientiarum thesauro, in patriam reuersus est, repetitione, librorum lectione cogitationeque illum aucturus. Vtili hoc litterarum otio satiatus, et quum academica vita plurimum iucunditatis ipsi habere videretur, consilium cepit prae ceteris eam eligendi. Altorfum itaque se contulit, ibidemque coniunctissima familiaritate Cl. ADELBULNERI, mathematici eximii, diu vsus, opportunitatem habuit, rerum mathematicarum et botanices studium, quo vel maxime flagrabat, explendi. Anno demum 1754 migravit Erlangam, vbi acceptis summis philosophiae honoribus, iuuentuti academicae institutionibus suis mathematicis magno cum applausu inseruiit. Tunc temporis primum scientiae suae edidit specimen in duplici dissertatione, quae vtraque *de viribus viuis earumque mensura* agit. Eodem anno, amplissimo philosophorum ordini adiunctus, aliam defendit *de calore, motu particularum corporis, eoque rotatorio circa axes neutiquam explicando*. Quo factum est, vt ipsi anno sequente munus Professoris Philosoph. Extraordinarii et anno demum 1759 Physices Ordinarii committeretur, et cum hoc simul locum in amplissimo Philosophorum Ordine obtineret. Qua occasione in schediasmate quodam *de thermometri, sub campana antliae pneumaticae suspensi, variationibus commentatus est*. Praeterea ad *Promptuarium Vniuersale* et ad *Collectiones Franconicas* multa contulit scripta, et haud ita pridem vtilem librum CAROLI BONNET, *de usu foliorum in plantis*, in teutonicam versus linguam edidit.

Halae denique *Magdeburgicae* die 7. m. augusti h.a. e vita discessit IOANNES IOACHIMUS LANGE, matheos in eadem Academia Profess. Publ. Ordinarius, Acadd. Imperialis Naturae Curiosorum
et

et Regiae Berolinenfis Socius. Variis scriptis inter
physicos innotuerat, vel maxime vero editione teuto-
nica *systematis Linnaeani* Halae 1740 euulgata, et
binis dissertationibus, quarum altera *genesin lapidum*
observationibus illustratam, altera *lithographiam Ha-*
lensem tradit. Vtraque ibidem prodiit, illa 1756,
haec 1758.

Quum omnis in historiae naturalis scrutinio la-
bor nostro seculo eo dirigi soleat, vt per exempla,
quae ars imitatur, corporum noscendorum forma
puratius certiusue appareat, iam duo iterum,
nunc in finem directa, opera indicamus, quorum
alterum insectorum, alterum vero auium delineatio-
nes descriptionesque continebit. *Insectorum*, prae-
cipue *Coleopterorum* tradere historiam animus est
IOANNIS EUSEBII VOETII Med. D. Expositio
erit triplex, latina, gallica et belgica, singulum in-
sectum in aes incidetur et viuis ad naturam pingetur
coloribus, continebit autem indigena aeque ac huc
pertinentia exotica omnia, ordine systematico ad
methodum disposita atque digesta. Breues qui-
dem dabuntur descriptiones, sed nomine conueni-
ente et proprietatibus notis instructae. Prodibit o-
pus in forma, quam quartam dicunt, totumque duo-
bus voluminibus constabit. Numerus insectorum
delineandorum ad quingenta accedet, et septuagin-
ta circiter tabulis aeneis sistentur, quarum quaelibet
habebit octo figuras. Haec autem simul cum de-
scriptione addenda constabit diobolaribus siue stu-
peris decem, ita vt octo tabulae, quae singulo seme-
tri prodibunt, constent quatuor florenos hollandicos.
Hinc, quod multae impensae faciendae sunt in eius-
modi opus, rogantur amatores, vt nomina profite-
antur sua, quo facto statim editio tabularum parabi-
tur. Nomina eorum, quibus subscribere animus

est, ipsi operi praemittentur. Character literarum, et iconum nec non colorum elegantia, acceptum iri hoc opus amicis, praesagiunt.

Alterum opus Florentiis adornabitur, et *Ornithologiam* complectitur. Illustris quondam marchio et senator IOANNES GERINUS, Patricius Florentinus, multa diligentia et impensis hoc opus instruxit, cuius, pro sua in historiam naturalem propensione, filius CAROLUS GERINUS directionem et editionem demandavit Cl. LAURENTIO DE LAURENTIIS et bibliopolis *Antonio Ristori et Ioachimo Pagnani*. Sex voluminibus constabit opus, quorum singulum centum circiter tabulas aeri incisas, coloribusque distinctas continebit; singulo addentur dissertationes, praefationis loco, et elenchus systematicus specierum et varietatum descriptarum simul cum celeberrimorum auctorum synonymis. In operis praeter ea volumine primo dicetur de methodo aves disponendi, in ultimo indices varii addentur. Itidem et illud modo, quem vocant, subscriptionis prodibit, singulo bimestri spatio duodecim icones edentur, pretio soluto Iuliorum Romanorum decem cum dimidio, textus vero, quo nomina, descriptiones, historia avium, reliqua traduntur, sine ulterioribus largietur impensis. Alias singula tabula iulium integrum constabit, quarum etiam quaelibet fautori et subscribenti dicabitur. Immo, ad finem deducto opere, si quis avem aliquam non descriptam aut omissam possideat, eamque velit communicare edentibus, aut depictam aut exuias, similiter icon eiusdem, ad opus perfectius reddendum, addetur. Excudentur omnes icones forma folii maxima. Exteri, qui subscribere velint, ut procuratorem Florentiis constituent, humaniter rogantur.

Memo-

Memoria HENRICI THEOPHILI SCHEFFERI,
Directoris, et Regii Collegii rei metallicae
Suecici, nec non officinae monetariae regni
Docimaestis, Regiae Scientiarum Academiae
Suecicae Socii.

Ea vitae genera, quae maximam partem opera
manuaria constant, ut mercatura et res rustica,
aerant plerumque vim suam ad pecuniam quaeren-
dam, et prae hac utilitate literas contemnunt, qui-
bus vitam impendant non nisi otiosi homines, quo-
rum vanae cogitationes salutis publicae nihil profint;
sed domi tantum oblectent, ceterum paupertatem
habeant fidissimam comitem. Ut vero, qui ita cen-
sent, semper inter numos, merces et agros versan-
tur, ita non solum de partibus vitae humanae in uni-
uersum pessime iudicant, sed etiam hac de literis
opinionem turpiter decipiuntur. Non dicemus,
quam arcte ciuitatum partes omnes copulatae sint,
ut tenuissimi quique tamen aliquid conferant: hoc
potius intelligi volumus, ciuitates sine literis bar-
baras esse, hoc est, primum ab omni cultu vitae
alienas, ideoque non appetentes diuitiarum, huma-
nitatis, elegantiae, qua una alitur mercatura: deinde
ingenio destitutas, sine quo nec mercatura, nec
oeconomia stare potest. Nulla enim umquam fuit
ciuitas barbara, in qua aut mercatura ultra vitae ne-
cessitatem exerceretur, aut oeconomia tractaretur
ultra agriculturam, eamque vñbus vñius aestatis aut
familiae accommodatam, et propter incertas homi-
num vagantium sedes ipsam incertam. Nec diffi-
cile est illius coniunctionis causam deprehendere.
Nam quamquam fatemur, eiusmodi res necessitate
aliqua cogente repertas esse, et usu, ac saepe casu
correctas: tamen vel artium elegantiorum adiu-

N n 5

mentum

mentum eas reddidit expeditiores, vel literarum examen et iudicium certas effecit, hominesque docuit intelligere, quomodo et quibus de causis hoc tractarent, quod antea tantum viderant se tractare. Ex eorum numero, qui oeconomiam inueniendo, suadendo, corrigendo, expedierunt vel auxerunt, fuit etiam SCHEFFERUS, Sueciae, in qua oeconomiae tantus honor habetur, opportuno tempore datus, multarumque rerum, ad oeconomiam vtilium, solers auctor.

Originem ducit gens SCHEFFERIA e Franco-
nia et Wetterauia, ab illo SCHAEFFERO aut
SCHRIFFERO, qui FAUSTO in typographia consti-
tuenda adfuit. IOANNES SCHEFFERUS demum,
auus eius, quem hic describimus, a CHRISTINA Sueco-
rum Argentorato Vpsaliam professor vocatus est,
cuius filius IVO, collegii regii metallici Secretarius,
nostrum hunc IOANNEM e GUSTAVIANA EH-
RENSTIERN A. 1710. d. 28. Dec. st. v. Holmiae
progenuit. Mater e partu, tribus annis post pater
obiit, vnde cognatorum cura SCHEFFERUM ad
litteras duxit. Propter amorem matheseos missus
est in academiam Vpsaliensem, in qua ab a. 1725
ad 1731 ANDREAM CELSIUM studiose audiit: sed
non aequè peritum physices doctorem nactus, co-
gnitionem eius e libris ipse suo studio hausit. His
praesidiis instructus, relicta academia, ad rem metal-
lurgicam se contulit, impetrauitque nomen et ius
Auscultantis in Collegio regio metallico. Interfuit
eo tempore experimentis physicis TRIEWALDII,
qui ex Anglia redierat, et hoc modo firmavit, duce
BRANDTIO, consilium chemiae tractandae, ad
quod eum honor antea commemoratus inuitarat,
breuique tantum progressus est, vt officinam exstru-
eret, quae tamen rei familiari non parum detrimen-
tosa fuit. Indefesso studio metalla versauit, earum-
que

que fusione aut placitis chemicorum stabilitis, aut conclusionibus inde ductis, reperit etiam, quae medicinae utilia esse possent, omnibusque his negotiis tantam famam consecutus est, ut vel deposita ab aliis, vel infeliciter suscepta, vel dubia et obscura magis curae et dexteritati committerentur, quae plerumque prospere cessit. Haec autem quam late patuerint, et quomodo effecta sint, dixit ipse peculiari libro *de separationibus chemicis*. Unum fuit in hoc toto genere molestum, quod interdum ipsum corpus non sine damno vim medicamentorum expertum est. Indicem plantarum Suecicarum, quae ad artem tinctoriam usurpari possent, collegio tradidit, quod harum rerum curam gerit, et in hoc etiam genere plura cum exoptato successu periclitatus est, in his viridem colorem, in Saxonia inuentum. Accepit ergo a collegio erudiendae iuventutis munus, et omnium examinandorum potestatem, quae ad tinctoriam artem referuntur, cum annuo salario. Regi porro commendatus, a. 1752 officinae monetariae nomine Docimastae praeesse iussus, et a. 1756 inter nobiles regni receptus est. Ut autem modum vasa porcellana fabricandi, et naturarum mutationesque colorum mineralium tenuisse existimatur, ita constat, metallum ex America in Hispaniam missum, Platina di Pinto, ab eo examinatum, et LEWISIUM, qui idem fecerat, humaniter correctum esse. Nitri puritatem explorare docuit, et compositionem linimenti, *Spalme Couroy Malic*, quo naualibus lignis a corruptione cauetur, a Gallis detectam, imitatus est. Addimus hoc loco, a. 1746 regiam scientiarum academiam Holmensem eum inter socios cooptasse, multasque tractationes, et auctori et academiae decoras, accepisse, quarum una *de cineribus clauellatis* monetae aureae praemio honorata est: quid quod tandem ad Praesidis honorem.

rem adscendit. Tam vtilem ciuem, tam parum suae vtilitatis cupidum, tam paratum ad detegendum et in vsus publicos conuertendum, quidquid inuenisset aut imitatus esset, amisit Suecia a. 1759. d. 10. Aug. cum impares essent corporis vires doloribus calculi. Ceterum facile nobis assentientur, qui hanc narrationem legerint, cum ab initio hunc virum ex eorum numero esse dixerimus, quorum doctrina oeconomiae multum prodesse solet: ideoque statuent meritis eius tanto maius pretium, quanto cariores esse debent, qui publicae vtilitati consulunt.

XIV.

Continuatio indicis scriptorum physico - medicorum, quae anno 1762 prodierunt.

Versuch einer Beschreibung historischer und natürlicher Merkwürdigkeiten der Landschaft Basel. Das 21ste Stück. Basel. 8.

Description of the Island Bourbon. London. 8.

Dictionnaire portatif d' Histoire naturelle etc. a Liege.

Eclypa vegetabilium, vsibus medicis praecipue destinatorum et in pharmacopoliis obuiorum variisque modis praeparatorum, ad naturae similitudinem expressa etc. moderante D. C. G. IUDWIG; impressit IO. GODOFR. TRAMPE. *Nach der Natur gefertigte Abdrücke der Gewächse, u.s.w.* Fasc. V. N - P. n. 101 - 125. Halae fol.

Observations sur l'Ecorce des feuilles et petales. a Geneve. 12. (Autore B. DE SAUSSURE, Prof. histor. natural. Genevens.)

Land - und Gartenschatz, Universalregister über alle dessen 6 Theile. Erfurt. 8.

Second

second Memoire sur la Pratique du Semoir de Geneve, lû dans une des Sceances de la Societé Royale d' Agriculture de Lyon, contenant les experiences faites en 1761 dans la Province du Lyonnais, et servant de Suite a celui publié en 1760. Recolte de l'année 1761. a Lyon. 8.

Vänne Svar på Frågan om orfakerne, hvarfore Gikt har i de senare åren blifvit en mera allmän sjukdom här i Landet, an tilförene? samt hvilka äro de bästa Förvarings- och Bote-medel emot samma sjukdom? Hvilken Fråga, år 1761; blef af Kongl. Vetensk. Akademien upgifven. Stockholm. 8 mai.

var på Frågan om bästa sättet at upodla Måss-lupna Angar; hvilken Fråga af Kongl. Vetensk. Akademien blef upgifven år 1761. Stockholm. 8 mai.

Natuurlyke Historie of uit voerige Beschryving der Dieren, Planten en Mineralen volgens het Zamenstel van den Heer LINNAEUS met naaukeurige Afbeeldingen. Eerste Deels Derde en Vierde Stuk: de Vogelen. t' Amsterd. 8 mai. c. f.

Histoire abrégée des Insectes qui se trouvent aux environs de Paris, dans la quelle ces animaux sont rangés suivant un ordre methodique. Tom. I. II. a Paris. 4 mai. c. tab. aen. Voll. 2. (*Neminem lectorum latet, hoc opus iure Cl. GEOFFROY, iuniori tribui.*)

Der Gewehrgerechte Jäger, welcher das Schießgewehr ohne abergläubische Schützenkünste gut gebrauchen lehret. Stutgard. 8.

Neue lustige und vollständige Jagdlust, sowohl von den Vögeln als andern Thieren bestehend in 5 Theilen. Zweyte Auflage. Leipz. 8.

Materia medica contracta, synonyma, natalia, pharmaceutica, qualitates, principia, praeparata, vires,

res, usus communes, usus praecipuos, composita, doses, iudicium complectens. Venetiis. 8.
(Hic liber secundum tria naturae regna est compositus, e quibus minerale et animale ipse Cl. Auctor, LUDOVICUS TESSARI, collegit atque descripsit, loco vero vegetabilis regni Ill. LINNAEI materiam medicam, de qua quippe liber tantum primus, de plantis, prostat, adiecit, huiusque etiam methodum in prioribus regnis componendis est secutus)

Comparatio nominum plantarum officinalium cum nominibus botanicis LINNAEI et TOURNEFORTII (latine et germanice) Berolini. 8.

Grundlehren von der Experimentalchymie, welches ein Versuch ist, diesen Theil der Naturlehre in ein regelmäßiges System zu bringen; von dem Verfasser des geöffneten Laboratoriums etc. Aus dem Englischen übersetzt. Erster und zweyter Band. Altenb. 8. Voll. 2.

Abhandlungen von irländischen Steinkohlen, die keinen Rauch geben. Aus dem Französischen übersetzt von C. R. F. Iena 8.

Zufällige Naturgemäße Gedanken von der Gewisheit der edlen Chy- und Alchymie und was von den iezigen Rosenkreuzersorden zu glauben sey. Wolfenbüttel. 8.

Alchymistenlogic oder Vernunftlehre der Scheidekünstler, um die unverständigen Alchymisten zu rechte zu weisen. Königsberg. 8.

Abhandlungen von Talismanen oder astralischen Figuren, deren Wirkungen, wunderbaren Eigenschaften und Art sie zu verfertigen. Sorau. 8.

Geheimnisse von 224 experimentirten Kunststücken. Zweyte verbesserte Auflage. Zelle 8.

Niedersächsisches Kochbuch. Vierte verbesserte Ausgabe. Altona. 8.

Der die vornehmsten europäischen Höfe durchwanderte und ganz neu in der Schweiz angelangte Hof- und Mund-

Mundkoch, welcher mehr als 1500 Speisen auf das schmackhafteste und nach der neuesten Art zuzurichten lehret, nebst einer kleinen Hausapotheke und mehr als 300 dem Frauenzimmer dienlichen sehr raren Kunststücken. Zürich. 8.

Essai historique sur la Médecine en France. 12. (Auctore IOAN. BAPTIST. LUD. CHOMEL.)

Défense de la Faculté de Médecine de Paris, pour servir à l'instruction de la cause pendante en la Grande Chambre du Parlement, au Sujet de la place de Médecine de l'Hôpital - général précédée du Précis publié sur la même affaire et suivie de l'Eloge historique de l'Université et de la Faculté de Médecine. à Paris. 12.

Der Arzt: eine medicinische Wochenschrift. 7ter und 8ter Theil. Hamb. u. Leipz. 8.

*Anecdotes de Médecine. f. l. (à Lille) 12. (epistolae dedicatariae subiectae sunt hae litterae: BARB *** DU B. **, quas non nulli interpretati sunt: BARBEU DU BOURG, cui tamen hic Cl. vir contradixit. Alii auctorem esse perhibent Cl. DUMONCHEAUX, Medic. Duacens; alii vero eum negant.)*

Sammlungen auserlesener Wahrnehmungen aus der Arzneywissenschaft, Wundarzney und Apothekerkunst. 6ter Band. Strasburg. 8.

The new Theory of Generation, by I. C. M. D. V. I. London. 8.

De la Santé. Ouvrage utile à tout le monde T. I. II. à Paris. 12. Voll. 2.

Gesundheitscabinet für den, der sein eigener Medicus seyn will. Frankf. u. Leipz. 8.

(Reliqua proxime.)

Con-

Contenta in hac parte.

1. Histoire naturelle generale et particuliere avec
la Description du Cabinet du Roi Tom. X. p. 387
2. ZEVIANI della cura de bambini attaccati della
rhachitide. - - p. 415
3. RASPE specimen historiae naturalis globi terra-
quei praecipue de novis e mari natis insulis cet. p. 420
4. POUTEAU Essai sur la rage. - p. 428
5. ELLER Observationes de cognoscendis et cu-
randis morbis praesertim acutis. - p. 431
6. MORGAGNI Opuscula miscellanea. p. 436
7. DE MARE *Chemischer Versuch des Niederöster-
reichischen Baadner Baades* - - p. 440
8. Medical Observations and Inquiries, by a Society
of Physicians in London. Vol. II. - p. 444
9. MEYERS *Chemische Versuche zur näheren Er-
kännniß des ungelöschten Kalchs cet.* p. 468
10. HILL Vegetable System, Vol. I. - p. 500
11. Kongl. Vetenskaps Academiens Handlingar for
Aor. 1762. Vol. XXIII. - p. 526
12. TISSOT Avis au peuple sur sa sante p. 543
13. Nova physico medica. - p. 560
14. Continuatio indicis scriptorum physico medico-
rum, quae anno 1762. prodierunt. - p. 572

